

O LE EKALEΣΙΑ Α ΙΕΣΥ ΚΕΡΙΣΟ Ο ΛΕ ΑΥ ΠΑΙΑ Ο ΑΣΟ Ε ΓΑΤΑ ΑΙ • ΙΑΝΟΥΑΡΙΟΣ 2018

OLE Liahona



**O Le Malumalu:
E Faatali le Alii e Faamanua
Oe linei, ii. 12, 18, 20**

O Le Mau Autu o le Mutualie 2018, ii. 24, 50
O Le Mana o Fonotaga i le Mataupu Aoaoina Fou, i. 28
O Le Aisea e Taua ai le Puipuiga o Tu Ma Aga o le Aiga, i. 32

O SE TASIO MEAALOFA
SILISILI A LE ATUA IA I
TATOU O LE **OLIOLI I LE**
TAUMAFAI PEA, AUA E
LEAI SE TOILALO POPO
E MANAOOMIA ONA AVEA
MA TAUNUUGA,

PERESITENE THOMAS S. MONSON



Mai Savali a le Au Peresitene Sili, itulau 4



7

O SAVALI

4 Savali a le Au Peresitene Sili:

O Le Meaalofa o le Salamo

Saunia e Peresitene
Thomas S. Monson

7 Savali a Faiaoga Asiasi: Fesootai Atu Pea ma la i Soo Se Taimi, i Soo Se Nofoaga, i Soo Se Auala

E suitulaga i savali faalemasina, o lenei tausaga o le a fesoasoani le taulai atu i mataupu faavae a faiaoga asiasi ia te oe e te auaua lelel atili atu ai i ou uso ma le alofa.



I LE FAAVAA

Ata pue o le faamalama i le taualuga o le Malumalu o Pale Farani na pueina e Christina Smith.

TALA FAAALIA

8 Vaai ma Ola Ai

Saunia e Elder W. Mark Bassett

E pei lava foi o le ma'a o la'u taavale, e manaomia e o tatou agaga le toe fafagaina pea ina ia toe aveina atu i tatou i lo tatou aiga i le lagi.

12 Ua Aumaia ia i Tatou e le Malumalu se Vaaiga Maualuga Atu

Saunia e Jean B. Bingham

Saili pe faapefea ona fesoasoani le auai i le malumalu tou te maua ai le filemu ma se vaaiga e faavavau.

20 O Se Faamanuiaga Folafolaina mo le Auai i le Malumalu

Saunia e Cheri Evans

I le avea ai ma matua, e tatau ona tatou fatufatua i e tausia ai tatou tautinoga—ma o faamanuiaga ua tauia ai le ositaulaga.

24 O Oe, o le Autalavou, ma le Autu o le Mutuale

Saunia e Jessica Griffith

Siaki ifo motugaafa nei mo matua ma taitai i le auala e faaaoga ai le autu o le mutuale mo le 2018 i a outou aoaoga ma gaoioiga.

28 O Le Nofoia o le Aufono

Saunia e Michael Magleby

E mafai faapefea ona tatou maua le mana o aufono a o amata na tatou faatinoina a tatou sauniga o le Perisitua Mekisateko ma le Aualofa i Aso Sa.

32 O Le Taua e Faavavau o le Aiga

Saunia e Elder M. Russell Ballard

A tatou malamalama i le taua o aiga faaleaganuu i le fuafuaga a le Tama Faalelagi, tatou te tuu-faatasia a tatou taumafaiga mo lo latou lagolago.

MATAGALUEGA

18 Musika: O Mai i le Malumalu

Saunia e Jan Pinborough ma Michael F. Moody

38 O Ata o le Faatuatua: Amanda Jiri

40 O Leo o Le Au Paia o Aso e Gata Ai

80 Seia Tatou Toe Feiloai: O Le Faamoemoega o le Foafoaga

Saunia e Peresitene N. Eldon Tanner



44

44 Vave ona Taunu i le Aiga Nai lo le Fuafuaina

Saunia e Destiny Yarbro

Sa ou tauivi ina ia ou iloa le uiga i au gaoioiga faaleaso ina ua vave ona ou tuua le galuega faafafeatalai—peitai sa ou iloaina na i ai isi auala e mafai ona faaaauai ai pea le auaunaga!

48 O Le Auala e Fesoasoani atu ai le Inisitituti ia te Oe e Aoaoina le Talalelei

Saunia e Po Nien (Felipe) Chou

E tolu ni filifiliga fou mo suesuega o loo taulai atu i le faaaogaina o taleni, api talaaga, ma fesili musuia e faaloloto ai lau suesuega i le talalelei.



Vaai pe mafai ona e mauaina le Liahona o loo natia i le lomiga lenei. Motugaafa: O ai e mafai ona e liliu atu i ai mo ni tali?



56

50 Autu o le Mutuale 2018: Mataupu Faavae ma Feagaiga 19:23

Saunia e le Au Peresitene Aoao or Alii Talavou ma Tamaitai Talavou

52 Pepa Lautele o I Ai se Savali: Filemu ia Keriso**53 O Lea Mataupu ma Lea Mataupu: Mataupu Faavae ma Feagaiga 19:23****54 Pese o le Autu o le Mutuale 2017: Filemu ia Keriso**

Saunia e Nik Day

56 Suesue i Upu a le Faaola

Saunia e Peresitene Russell M. Nelson

A mavae le suesueina o mau faasino uma e uiga ia Keriso, atonu o le a e ofo i le faatupulaia o lau molimau.

60 Soka, Aso Sa Ma OsoTuupuna Sese Faaleagaga


Saunia e Charlotte Larcabal

Mata o le lē taalo i Aso Sa o le a aveesea ai le tulaga o Will i le au?

63 O Lo'u Tuaoi Uiga Ese

Saunia e Samantha Best

Sa taumafai lo'u aunt ma lo'u uncel e faafese a'u mai le talanoa i lo'u tuaoi—ae masalo sa ia faa-saoina lo'u ola.

64 O La Tatou Avanoa

76

66 Faasusulu Atu Lou Malamalamama: Faasoaina o Meaai Mama ma Ataata**68 O Se Tali mo Lucia**

Saunia e Murlene Watkins

Sa le mautonu Lucia e uiga i mea sa aoaoina ai o ia e lana faiaoga, peitai sa ia iloa le tagata e mafai ona fesoasoani e faamalamalamama ia te ia.

70 Ia Faasusulu Atu Lou Malamalamama

Saunia e Peresitene Thomas S. Monson

72 Lucas ma le Tagata Saua

Saunia e Eric B. Murdock

Na ita Lucas i le sauaina o ia, ae na ia faia le mea sa'o?

74 Moronae ma le Enisinia Taavale

Saunia e Elder Claudio R. M. Costa

Ina ua pe le matou taavale, sa tatalo lo'u atalii o Moronae ina ia sau le tagata sa'o e fesoasoani ia i matou.

75 E mafai Ona Ou Faitau i Tusitusiga Paia: O Le Fuafuaga a le Atua mo A'u

Saunia e Kim Webb Reid

76 Tala ia lesu: O Le Foafoga

Saunia e Kim Webb Reid

79 Itulau e Valivali: O A'u o se Vaega o se Lalolagi Matagofie

O Le Lomiga Faamaonia Faa-Samoa a le Ekalesia
a Iesu Keriso o le Au Paia o Aso e Gata Ai

Susuga a le Au Peresitene Sili: Thomas S. Monson,
Henry B. Eyring, Dieter F. Uchtdorf

O Le Korama a Apostolo e Toasefululu:

Russell M. Nelson, Dallin H. Oaks, M. Russell Ballard,
Jeffrey R. Holland, David A. Bednar, Quentin L. Cook,
D. Todd Christofferson, Neil L. Andersen, Ronald A.
Rasband, Gary E. Stevenson, Dale G. Renlund

Faatonu: Hugo E. Martinez

Assistant Editors: Randall K. Bennett, Carol F. McConkie

Fautua: Brian K. Ashton, Bonnie H. Cordon, LeGrand R.
Curtis Jr., Edward Dube, Sharon Eubank, Donald L.
Hallstrom, Douglas D. Holmes, Erich W. Kopischke

Pule Faatonusili: Richard I. Heaton

Faatonusili o Mekasini a le Ekalesia: Allan R. Loyborg

Pule o Mea Tau Pisini: Garff Cannon

Pule Faatonutonu: Adam C. Olson

Pule Faatonutonu Lagolago: Ryan Carr

Lagolago o Lomiga: Cremilda Amaral

Au Tositusi ma Faatonutonu: Maryssa Dennis, David
Dickson, David A. Edwards, Matthew D. Flitton, Lori Fuller,
Garrett H. Garff, LaRene Porter Gaunt, Jon Ryan Jensen,
Charlotte Larcabal, Michael R. Morris, Eric B. Murdock,
Sally Johnson Odeirkir, Joshua J. Perkey, Jan Pinborough,
Richard M. Romney, Mindy Anne Selu, Marissa Widdison

Pule Faatonusili Tusiata: J. Scott Knudsen

Faatonusili Tusiata: Todd R. Peterson

Au Mamanu: Jeanette Andrews, Fay P. Andrus,
Mandy Bentley, C. Kimball Bott, Thomas Child,
David Green, Colleen Hinckley, Eric P. Johnsen,
Susan Lofgren, Scott M. Mooy, Emily Cheiko Remington,
Mark W. Robison, Brad Teare, K. Nicole Walkenhorst

Faatonu o le Puletaofia ma Fatufatuga:

Collette Nebeker Aune

Pule i le Gaosiga: Jane Ann Peters

Au Gaosi: Ira Glen Adair, Julie Burdett, Thomas G. Cronin,
Bryan W. Gygi, Ginny J. Nilson, Derek Richardson

Tailolomi: Joshua Dennis, Ammon Harris

Faatonusili Lolomiga: Steven T. Lewis

Faatonusili o le Tufufatuga: Troy K. Vellinga

Mo le okaina o mekasini, alu i le store.lds.org po o le
Faletusi Tutotonu i Pesega. Telefoni 64127. Totogi o le
Mekasini: \$0.55 (Samoa) i le kopi. Totogi mo le Tausaga
Atoa \$6.60 (Samoa).

Auina atu tusitusiga ma faafesili i luga o le initoneti i le *liahona.lds.org*: pe meli mai i le *Liahona*,
Rm. 2420, 50 E. North Temple, Salt Lake City, UT 84150-
0024, USA; po o le i-meli: liahona@ldschurch.org.

O le *Liahona* (o lona uiga i le Tusi a Mamona o le "tapasa"
po o se "faatomuala") e lomia i le faa-Alepania, Aminia
(Sasae), Pisilama, Palekeria, Kemupotia, Sepuanio, Saina,
Kalaotia, Siekisolovakia, Tenimaka, Take, Igilisi, Esitonua,
Fitii, Finelani, Farani, Siamani, Eleni, Hanikeri, Initu, Iselani,
Initonua, Italia, Japani, Kiripati, Korea, Latvia, Litunia,
Malakasa, Masela, Monokolia, Nouei, Polani, Potukale,
Romania, Rusia, Samoa, Saina (ua faafaigoefieina), Silovenia,
Sipaniolo, Suetenia, Swahili, Tagaloka, Tahiti, Tai, Toga,
lukureini, Urutu, ma Viatename. (E eseesi lava gagana.)

© 2018 Puletaofia le Intellectual Reserve, Inc. Ua taofia
aiata tatau uma. Lomia i le lunaité Setete o Amerika.

Faamatatalaga o le Puletaofia: Vagana ua faailoa atu,
e mafai e tagata taitoatasina ona kopina anomaea mai le
Liahona mo lo latou faaaogaina patino, ma le saili tupe
(e aofia ai mo valaauga o le Ekalesia). O lenei aia tatau
e mafai ona faafeaoagaina i sooo se taimi. O anomaea o
mea faintino e le mafai ona kopina pe afai o loo faailoa
mai se faasa i le laino o loo i ai ma le faatuifugaga.
O fesili mo le Puletaofia e tatau ona faatuatasi mai
i le Intellectual Property Office, 50 E., North Temple
St., FL 13, Salt Lake City, UT 84150, USA; email:
cor-intellectualproperty@ldschurch.org.

For Readers in the United States and Canada:

January 2018 Vol. 42 No. 1. O Le Liahona (USPS 311)
Samoan (ISSN 1045-0947) is published monthly by The
Church of Jesus Christ of Latter-day Saints, 50 East North
Temple, Salt Lake City, UT 84150. USA subscription price
is \$10.00 per year; Canada, \$12.00 plus applicable taxes.
Periodicals Postage Paid at Salt Lake City, Utah. Sixty days'
notice required for change of address. Include address label
from a recent issue; old and new address must be included.
Send USA and Canadian subscriptions to Salt Lake
Distribution Center at address below. Subscription help
line: 1-800-537-5971. Credit card orders (Visa, MasterCard,
American Express) may be taken by phone. (Canada Post
Information: Publication Agreement #40017431)

POSTMASTER: Send all UAA to CFS (see DMM 1.5.2).

NONPOSTAL AND MILITARY FACILITIES: Send address
changes to Distribution Services, Church Magazines,
P.O. Box 26368, Salt Lake City, UT 84126-0368, USA.

FAAOPOOPOGA O LOO MAUA I LE INITONETI



Faitau tusiga ma auina atu la oe
lava tusiga i le liahona.lds.org.



Sue savali musuia e mafai ona
faasoaa atu (i le gagana Peretania,
Potukale, ma le Sipaniolo) i le
facebook.com/liahona.



Auina mai finagalo faaalia i le
liahona@ldschurch.org.



AIKONA MAI UE GETTY IMAGES

la lesitala i le store.lds.org
Po o le asiasi i se faletusi autu,
fesili atu i taitai o le uarota, pe
valaaau i le 1-800-537-5971
(I.S., ma Kanata).

AUTU I LE LOMIGA LENEI

E tau mai e numera le itulau muamua o le tusiga.

Agalelei, 72

Aiga, 20, 32

Ala o faasalalauga, 65

Alofa, 7, 32, 40, 63

Aoga, 44, 48

Aso Sapati, 60

Auauana atu, 7, 20, 44, 66

Aufono, 28

Autu o le mutuale, 24, 50,
52, 53, 54, 61

Faataitaiga, 65, 70, 72

Faioga asiasi, 7

Filemu, 12, 24, 41, 50, 52,
53, 54

Foafoaga, 76, 79, 80

**Fuafuaga o le
faaolataga,** 32

Galuega faafaifeatalai,
12, 40, 44, 63, 64

Iesu Keriso, 24, 56, 66,
68, 75

Inisitituti, 48

Loto faafetai, 8, 20

Lotomaualalo, 24

Malumalu, 12, 18, 20

Molimau, 48, 56, 63,
70, 74

Salomo, 4, 38, 72

Saolotoga o tapuaiga, 32

Sauniga a le Ekalesia, 28

Suesue i tusitusiga paia,
8, 24, 48, 56, 68, 70

Tamaitai Talavou, 38,
41, 65

Tatalo, 8, 40, 42, 43, 68,
70, 74

Usiusitai, 8, 60

Vaaiga i le Faavavau, 12

Valaauga, 41



Saunia e Peresitene
Thomas S. Monson

OLE MEAALOFA OLE SALAMO

“○lo tatou tiutetauave o le tulai ae lea mai le tulaga feoololo i le tulaga silisili, mai le toilalo i le faa-manuiaina,” na aoao mai ai Peresitene Thomas S. Monson. “O la tatou galuega o le avea ma tagata silisili. O se tasi o meaalofa silisili a le Atua ia i tatou o le olioli i le taumafai pea, aua e leai se toilalo popo e manaomia ona avea ma taunuuga.”¹

E masani ona tatou faafesootaia le oo mai o se tausaga fou ma ni fofo ma sini. Tatou te filifili e faaleleia, suia, toe taumafai. Masalo o le auala sili ona taua tatou te toe taumafai ai o le taliaina o le mea ua ta’ua e Peresitene Monson “o le meaalofa o le salamo.”²

I fuaitau nei mai ana aoaoga talu ona avea o ia o Peresitene o le Eklesia, na fautua mai ai Peresitene ia i tatou ina ia “faaaoga le toto togiola o Keriso ina ia mafai ai ona tatou maua le faamagaloga o a tatou agasala, ma mafai ona faamainoa o tatou loto.”³

O Le Vavega o le Faamagalo Atu

“Ua tatou faia uma lava ni filifiliga e le sa’o. Afai tatou te le’i faasa’oina lava na filifiliga, ou te faamautinoa atu ia te outou e i ai se auala e faia ai. Ua ta’ua lena auala o le salamo. Ou te aioi atu ia te outou ina ia faasa’o mea sese sa outou faia. Sa maliu lo tatou Faaola ina ia maua ai e oe ma a’u lena meaalofa. E ui e le faigofie le ala, ae moni le folafolaga: “E ui lava ina pei o ofu mumu a outou agasala, e sisina ia e pei o le kiona” [Isaia 1:18]. ‘Ma o A’u le Alii, e le toe manatuaina lava i latou’ [MF&F 58:42]. Aua e te tuuina lou ola faavavau i se tulaga e lamatia ai. Afai ua e agasala, o

le vave ona amata o lou toe foi mai, o le vave foi lena o lou mauaina o le filemu matagofie ma le olioli lea e maua faatasi ma le vavega o le faamagaloga.”⁴

Toe Foi i le Ala

“E ui e matua taua lo tatou filifili ma le atamai, ae e i ai taimi o le a tatou faia ai ni filifiliga faavalevalea. O le meaalofa o le salamo, ua saunia e lo tatou Faaola, ua tatou mafai ai ona faasa’o o tatou olaga, ina ia mafai ona tatou toefoi atu i le ala lea o le a taitai atu ai i tatou i lena mamalu selesitila o loo tatou sailia.”⁵

O Le Auala e Toe Foi Mai Ai

“Afai e i ai se tasi o outou o tau pule ai le agasala i le olaga, ou te faamautinoa atu ia te oe o loo i ai se auala e toefoi mai ai. Ua ta’ua lena auala o le salamo. E ui e faigata le ala, ae o lou faaolataga e faavavau o loo faalagolago i ai. O a nisi mea e sili ona taua atu i lo au taumafaiga? Ou te aioi atu ia te oe ia fuafua loa iinei i le taimi nei lava e faia laasaga talafeagai e salamo atoatoa ai. O le vave o lou faia o lea mea, o le vave foi lena o le a mafai ai ona e lagonaina le manuia ma le filemu ma le saogalemu lea na tautala i ai Isaia [tagai Isaia 1:18].”⁶

E Mafai Ona Sui ia Tagata

“E manaomia ona tatou manatua pea e mafai ona sui ia tagata. E mafai ona latou lafoai ni mausa leaga. E mafai ona latou salamo mai solitulafono. E mafai ona latou umia ma le agavaa le perisitua. Ma e mafai ona latou auauna atu ma le filiga i le Alii.”⁷



AOAO ATU MAI LENEI SAVALI

O i tatou uma e le atoatoa—ua na o le meaalofa o le salamo ua mafai ona o le taulaga a lesu Keriso e mafai ai ona faamamaina i tatou mai le agasala ma faaleleia o tatou olaga. Mafaufau e talanoaina ma i latou e te aoaoina pe faapefea ona tatou “faasa’o o tatou olaga” e ala atu i le salamo. Na faapefea ona latou lagona le latalata atu i le Tama Faalelagi ma lesu Keriso e ala atu i suiga lelei na latou faia i o latou olaga? E mafai ona e valaaulia i latou e te aoaoina e tusi ni filifiliga faaleagaga mo le tausaga fou ma ia tali atu i se uo, toalua, po o nisi tagata o le aiga mo lo latou alualu i luma.

Toe Faamamaina

“Afafai o i ai se mea e le talafeagai i lou olaga, ua i ai se auala e faatoila-loina ai. Ia taofi soo se amioletonu. Talanoa i lou epikopo. Pe o le a lava le faafitauli, e mafai lava ona faaleleia e ala i le salamo tatau. E mafai ona toe faamamaina oe.”⁸

O Le Matafaiioi Taua a le Faaola

“E taua i le fuafuaga [o le faaolataga] o lo tatou Faaola, o Iesu Keriso. Ana le aunoa ma Lana taulaga togiola, semanu e leiloloa tagata uma. Peitai, e le lava le tau na ona talitonu ia te Ia ma Lana misiona. E manaomia ona tatou galulue ma aoao, saili ma tatalo, salamo, ma faaleleia. E manaomia ona tatou iloa tulafono a le Atua ma ola ai. E manaomia ona tatou mauaina Ana sauniga faaola. E na o le faia lava o lena mea o le a tatou maua ai le fiafia moni e faavavau.”⁹ ■

FAAMATALAGA

1. “The Will Within,” *Ensign*, May 1987, 68.
2. “O Filifiliga,” *Liahona*, Me 2016, 86.
3. Mosaea 4:2.
4. “O R e Tolu o Filifiliga,” *Liahona*, Nov. 2010, 69.
5. “O Filifiliga,” 86
6. “Tausi i Poloaiga,” *Liahona*, Nov. 2015, 85.
7. “Vaii Atu i Isi i Tagata e Mafai ona Avea ai i Latou,” *Liahona*, Nov. 2012, 68.
8. “Mana o le Perisitua,” *Liahona*, Me 2011, 67.
9. “O Le Ala Atoatoa i le Fiafia,” *Liahona*, Nov. 2016, 80–81.



Tagai foi "Eight Myths about Repentance" i le lds.org/go/1186.

Filifili e Salamo

A o mafai e sini mo le tausaga fou ona fesoasoani ia i tatou e tuputupu ae, o le auala sili e sui ai e ala lea i le salamo.

Ua faamatala mai e Peresitene Monson e faapea "o la tatou tiutetauave o le siitia lea mai le faaleogoluia i se tagata tauivi, mai le toilalo i le faamanuiaina. O la tatou galuega o le avea ma tagata silisili." E toatele tagata e tuuto atu lanuari e faia ai ni sini ma ni iloiloga o le alualu i luma: ia ataata atili, ai meaai paleni, po o le aoao se tomái fou. E ui o nei sini e mafai ona fesoasoani ia te oe ia sui ai mo le lelei sili atu, o le auala silisili e sui ai e ala lea i le salamo.

E ui e faigata le salamo, ae o se meaalofa! A tatou faalagolago ia lesu Keriso e ala i le salamo i a tatou agasala, e mafai ona tatou tuputupu ae ma alualu i luma. Na saunoa mai Peresitene Monson, "E taua i le fuafauga [o le faaolataga] o lo tatou Faaola, o lesu Keriso. Ana le aunoa ma Lana taulaga togiola, semanu e leiloloa tagata uma." E ala i le salamo, e mafai ona e mama mai i au agasala ma alualu i luma ia avea atili e pei o la.

Mafaufau i se mea o ono taofia oe

mai le avea e pei o le Faaola. E le o lau gagana? Le auala o loo e taulima ai au uo po o le aiga? A maea ona e mafaufau i mea e mafai ona e faaleleia, tatalo i le Tama Faalelagi ma faailoa atu lou naunautai e sui. Ia manatua e ala i le mana o Lana Togiola, e mafai e lesu Keriso ona fesoasoani ia te oe e faatoilalo lou vaivaiga. E pei ona aoao mai Peresitene Monson, "O le meaalofa o le salamo, lea na tuuina mai e le Faaola, ua mafai ai e i tatou ona faasoaina le faatulagaga o lo tatou ala."

TAMAITI

O Le Salamo o se Meaalofa

Ole meaalofa o le salamo e le o se meaalofa e mafai ona e iloa pe pai i ai. Nai lo lena, o se meaalofa e mafai ona e lagohaina. O lona uiga afai tatou te faia ni filifiliga sese, e mafai ona tatou salamo ma toe lagona le filemu ma le fiafia.

O le a fesoasoani mai pea e le aunoa le Tama Faalelagi ma lesu ia i tatou ia salamo. Faafetaui ia ata taitasi ma se laasaga ese o le salamo.

Matou te faamalie atu.

Tatou te tatalo atu i le Tama Faalelagi, tau atu ia te la le mea ua tupu, ma ole atu mo Lana fesoasoani ina ia faia se filifiliga lelei atu i le isi taimi.

Tatou te faatoese atu ma taumafai ina ia faaleleia.

Tatou te lagona le filemu ma iloa ua faamagaloina i tatou.





Faaatuata, Aiga, Toomaga

Fesootai Atu Pea ma la i Soo Se Taimi, i Soo Se Nofoaga, i Soo Se Auala

Faiaoga asiasi e faatatau i le auauna atu. Sa auauna atu Iesu i soo se taimi ma soo se nofoaga. E mafai ona tatou faia faapea.



O le “auauna atu” o le tuuina atu lea o se auaunaga, tausiga, po se fesoasoani lea e saofaga atu ai i le faamafanafanaga po o le fifiafia o se isi. O le faiaoga asiasi e faatatau i le mauaina o auala e auauna atu ai ia i latou tatou te asia. Sa auauna atu Iesu Keriso i tagata uma—i soo se taimi ma soo se nofoaga. Sa Ia fafagaina le 5,000, faamafanafana ia Maria ma Maretia i le maliu ai o le la tuagane, ma aoao atu Lana talalelei i le fafine i le vaieli. Sa Ia faia ona o Lona alofa faamaoni.

O le mulimuli i Lana faataiga, tatou te mafai ai i le avea ma faiaoga asiasi ona tatou iloa ma alolofa i tamaitai taitoatasi tatou te asia. Pe a tatou tatalo mo musumusuga ina ia iloa le auala e auauna atu ai ia te ia ma

fesoasoani e faamalosia lona faatuata, “o le a le mafai ona taofia agelu mai le avea ma a [tatou] aumea mamae.”¹

Mai le faalapotoptoga o le Aualofa i le 1842 e oo mai i le asō, ua faamanuiaina olaga e le auaunaga a tamaitai. Mo se faataitaiga, o Joan Johnson, o se tina e 82 tausaga ua maliu lana tane, ma lana soa o faiaoga asiasi sa asia le latou tuaoi e 89 e maua i le nimonia. Sa la iloa e le na o le faatasi i le masina sa manaomia ai i laua e le la tuaoi, o lea sa amata ai ona la siakiina o ia i vайасо uma e o i ai pe asia foi i le telefoni.

Mo isi faiaoga asiasi, o le auina atu o se tesipō o se imeli e tuuina atu ai se faamalosiauga e ono avea ma se mea sili ona lelei e

faia mo se tamaitai i lena masina. O le faia o fesootaiga faaletagata lava ia ma faalogologo ma se uiga o le alofa o le ute lea o faiaoga asiasi. O tekinolosi faaonaponei ma taimi faamamaluina o asiasiga faafesagai e fesoasoani lea ia i tatou e faia ai i soo se taimi, soo se nofoaga, ma i le tele o auala.² O le auauna atu lena e pei ona faia e Iesu.

FAAMATALAGA

1. *Aoaoga a Peresitene o le Ekalesia: Iosefa Samita* (2007), 477.

2. Tagai i le *Tusitalulima 2: Taitatina o le Ekalesia* (2010), 9.5.1.



Mafaufau i le Mea Lenei

E faapefea ona taofia lo tatou popole e uiga i “ituaiga o fesootaiga” mo faiaoga asiasi ae ia taulai atu i manaoga o tamaitai taitasi mai ona faiaoga asiasi?

Auaunaga


Nai lo se savali patino, o le a faailoa atu i lenei itulau i masina taitasi se matapu faavae ese e fesoasoani ia i tatou ina ia auauna atu ma le lelei atili i le tasi ma le isi. A o e tatalo ma saili le musumusuga, o le a e iloa le savali faaleagaga ma le auaunaga e manaomia e tamaitai taitasi.



O le alternator e pipii i le afi.
E taua tele mo le faagaoioia
o le taavale.

O le alternator o se afi
lea e faaliliua le paoa
o le masini i le paoa
faaeletise.

Seiiloga ua lipeaina pe sua
la'u alternator, e le mafai ona
faaauau la'u faigamalaga.



Saunia e Elder
W. Mark Bassett
O le Fitugafulu

Vaai ma Ola Ai

*A tatou liliu atu i le Atua,
tatou te gaosia se punavai
faifai pe a o le toe faafouina
faaleagaga.*

Ao ou tuputupu ae, o se mea masani i lo matou aiga le tietie atu i le va o Kalefonia i Matu ma Iuta, ISA. E le o le malaga e ui atu i le toafa lea matou te fiafia i ai; ae o le taunuu atu i le nofoaga ma le fiafia e asiasi i tagata o le aiga o i ai iiina.

O le taumafanafana a e ou te lei aluese atu mo la'u misiona, sa ou toe agai atu e asiasi i tagata o aiga i Iuta. Peitai o le taimi lea sa na o maua ma lou uso laitiiti o Tavita sa ma o. E 16 ma le 18 o ma tausaga i lena taimi. E masani ona matou faia ma lo matou aiga le malaga e 10 itula ma sa maualuga lo ma talitonuga i lo ma gafatia e faimalaga ai.

Sa ma asia lo ma Uncle Kay, Aunt Dianne, ma tau-soga Michelle. A o faaauau e Tavita lana asiasiga, sa ou toe foi na o au i Kalefonia mo se taimi faatulagaina e vaai ai o'u nifo.

Na lata ona oo mai le po i le taimi na ou tuua ai Spanish Fork, Iuta, e amata se tietiega e alu ma le po. Sa lelei mea uma i le amataga. E lei umi ae ou tuua le auala televave lea e alu i saute ma matu ma agai atu i le auala e alu i sasae ma sisifo. Sa ki a'u moli tetele ma faatopetope atu i sisifo o Iuta. A o mavae atu sina taimi ma amata ona pouliuli mai le toafa, sa ou iloaina ua tau le mafai ona iloa atu le auala. Na iu lava, ina ou iloaina ua amata ona faaititia le mumu o a'u moli tetele. Na iu ina pepe, pe le afi, ma tolotolo atu le taavale ma tu i autafa o le auala.

Ua pe le maa. Ua le mafai ona toe alu le taavale. E ui lava sa ou faaeteete e faamautinoa ua tele la'u penisini ma

matauina foi le mea o le a ou tu ai mo le utuina, ou te lei saunia mo le pe atoa o le eletise o le taavale.

O le a le Alternator?

Sa tausia a'u e se tama sa faamaualuga i le tausiaina e ia lava o taavale a lo matou aiga. Sa ia aoaoina i matou e uiga i enisinia taavale, o lea sa ou iloa ai o le lelei o le maa e le pe ai le taavale sei vagana o loo i ai se faaletonu i le alternator. O le alternator o se afi eletise lea e faaliliuina le malosiaga faamasini i le malosiaga faaeletise. E faaaogaina le malosiaga faakeneti (kinetic energy) o le afi e maua ai le malosiaga faamaneta lea o loo faaliliuina i le eletise ma faaaauau ai lava ona fafagaina le maa. O lenei mea ua mafai ai ona ola ia moli tetele, leitio, ea malulu, ma isi masini faaeletonika e aunoa ma le pe. E faaaauau ai foi ona ola le afi.

E i ai la le mea ua faaletonu i le alternator o la'u taavale. E manaomia le toe lipeaina pe sui foi a'o lei faaaauauina la'u faigamalaga.

I se vaitau a o lei i ai ni telefoni feaveai, pau lava la'u filifiliga e fai o le amata ona savali. Na iu ina pikiina a'u e se tamaloa ma ave a'u i le nuu na sosoo atu. Sa ou valaau mo se loli toso taavale e faaaoga ai se telefoni totogi. Sa ma nonofo ma le avetaavale i totolu o le taavale i se malaga e tasi le itula e toe foi atu ai i la'u taavale. Ona ma toe nonofo lea ma ia a o tosaina atu la'u taavale i se tamai nuu. Mulimili ane, i le fa itulau talu mai le taimi muamua na ou tuua ai la'u taavale, ua ou toe i ai totolu, ma moe i luma o se fale enisinia seia tatala.

Ina ua taunu mai le pule, sa ata i le manatu faapea o lona tamai nuu o loo maua ai le mea o le taavale lea ou te manaomiaina. E mafai ona ia faia se oka, ae e lua pe tolu aso faatoa taunu mai. Ona ia alofa mai lea ia te a'u. Sa ia fai mai e mafai ona ia fafagaina la'u maa mo le pe tusa ma le tolu itula. Atonu o le a lava le malosi lea o le maa ou te alu ai i le taavale i le nuu e sosoo ai. Atonu e maua ia i latou le mea o le taavale lea ou te manaomia.

O le fafaga o le maa, sa ou tapeina mea uma e ono mai-mau ai le eletise taua. Sa ou taunu i le nuu na sosoo atu, ae e lei maua foi ia i latou le mea o le taavale. Na faaauau pea lenei faagasologa—fafaga le maa mo le tolu itula mo se faigamalaga e lua itula mai le tasi nuu i le isi. I le mavae ai o le mauaina o tagata agalelei i nuu i le aluga o le faigamalaga, na mafai ai ona ou taunu i le auala taavale o le fale a ou matua, vaivai i le mavae ai o se faigamalaga e 30 itula ae ua saogalemu i le fale.

Manai Faaleagaga

E i ai se fesootaiga i le va o la'u faigamalaga ma le faigamalaga i le toafa o le fanauga a Israuelu i le vaitaimi o le Feagaiga Tuai. Mo le 40 tausaga sa faaauau pea ona fafagaina le fanauga a Israuelu i meaai mai le lagi ua ta'u o le *manai*. (Tagai i le Esoto mataupu e 16 ma le Numera mataupu e 11.)

I lo tatou vaitaimi e i ai se manaoga talitutusa mo meaai mai le lagi, meaai faaleagaga. O le mea e lelei ai, e mafai ona tatou faia se “alternator faaleagaga” lea o le a “gaosia” le “manai faaleagaga” tatou te manaomia. Talu ai o o tatou manaoga faaleagaga o loo taulimaina e ala atu i le faatumauina o la tatou fegalegaleaiga ma lo tatou Tama o i le Lagi ma Lona Alo, o Iesu Keriso, ma e pei ona faaluina e le fanauga a Israuelu le taimi i aso taitasi e ao mai ai manai faaletino, e tatau foi e i tatou i lenei vaitaimi ona aoina le manai faaleagaga e ala i le tatalo, suesue i le talalelei, ma tauivi mo le mafutaga faifai pea ma le Agaga Paia.


Na iu foi ina le lavava le fanauga a Israuelu i le aoina o manai faaletino ma “tuinanau” atu mo mea sa latou tuua (Numera 11:4). Afai tatou te faatagaina i tatou lava ia ia le lavava i le aoina o le manai faaleagaga, atonu o le a tatou tuinanau atu mo mea e le lelei mo lo tatou fiafiaga faaleagaga. E pei o tagata le fiafia o Israuelu, tatou te lamatiaina

le leiloaina o lo tatou vaaiga mai lo tatou uluai faamoemoega—inia ia taunu i le laueelele o le folafolaga. Atonu tatou te moomoo maimau pe ana tatou le tuua la tatou “Aikupito” (tagai Numera 11:5–6). Mulimuli ane, o le a taofia le faagaoioia o lo tatou alternator faaleagaga, ma ua le mafai ona tatou agai i luma. O le a tatou mauaina i tatou lava ua tuulafoaia, fiaai, ma moomoo mo se laveai.

Vaaia o le Vavega

Na aoao mai Peresitene Spencer W. Kimball (1895–1985), “O nisi taimi e foliga mai ua tatou manatu faatalatalanoa ai tele e uiga i tusitusiga paia, ona ua tatou le talisapaia atoatoa le maua gata naua o ia tusitusiga paia. E foliga mai ua matua faamalieina lava i tatou i o tatou aafiaga i lenei lalolagi ma ua masani ai i tatou i le faalogo soo o aoao mai le talalelei ia i tatou, ua faigata ai ia i tatou ona tatou mafaufau sa i ai se vaitaimi sa le i ai.”¹

E le tatau lava ona tatou faaleano i le manaomia ona tatou suesue ai pea e le aunoa i tusitusiga paia, tatalo, ma le usiusitai aua latou te fesoasoani ia i tatou e faatumauina le mafutaga a le Agaga Paia. Afai tatou te faatalale i gaoi-oiga faamalosiau faaleagaga i le olaga, le fiafia i ai, pe na o le faatinoina lava i se faiga masani, e le o faagaoioia atoatoa lo tatou alternator faaleagaga. E mafai ona tatou faasolosolo malie atu ina vaivai faaleagaga, masalo faasolosolo malie



atu ina tatou tau le iloaina. I sea ituaiga taimi, pau le auala e toe malosi ai o le liliu atu ia Iesu Keriso ma ia salamo. E ala atu i le Togiola a Iesu Keriso ma le salamo faamaaoni, o le a toefuatai mai ai mea uma.

Vaavaai Atu ma Ola ai

Ina ua muimui le fanauga a Israelu, latou te lei lotofaafetai mo faamanuiga o le tausiga. O se faasalaga, “ona auina mai ai lea e Ieova o gata uogo i le nuu; ua feutia ai le nuu, ona oti ai lea o tagata e toatele o Israelu” (Numera 21:6).

Mulimuli ane, “ona o mai ai lea o le nuu ia Mose, ua latou faapea mai, ua matou agasala, aua ua matou fai upu ia Ieova atoa foi ma oe, ia e tatalo atu ia Ieova ia ave ese e ia ia gata ia te i matou. Ona tatalo ai lea o Mose mo le nuu.

“Ona fetalai mai ai lea o Ieova ia Mose, ia e faia se gata uogo, ma tuu ae i luga i se laau, ona taitasi ai lea ma ola o e ua utia pe a vaavaai atu i ai.

“Ona faia lea e Mose o le gata apa memea, ma tuu ae i luga i se laau; ona faapea ai lea, afai ua utia se tasi e se gata, pe a vaai o ia i le gata apa memea ua ola lava ia” (Numera 21:7–9).

Gata Apa Memea i Nei Ona Po

O le gata apa memea, o se faatusa lea o le tuuina i luga o Keriso i le satauro (tagai Ioane 3:14–15). Pe a tatou vaai atu i le fautuaga a perofeta o nei ona po, ua tatou vaavaai atu ia Keriso aua latou te toe taialaina mai la tatou vaaiga i le fuafuaga a lo tatou Tama ma le matafaioi tutotonu a Iesu Keriso. E pei o tagata agalelei o e na faatagaina a'u e fafaga la'u maa, o perofeta soifua, tagatavaai, ma talifaaliga o loo fafagaina i tatou faaleagaga i le toe faamanatu maia ia i tatou o i tatou o fanau a lo tatou Tama o i le Lagi ma o Lana “galuega ma le . . . mamalu lenei—ia aumaia le tino ola pea ma le ola faavavau o le tagata” (Mose 1:39). Ua latou fautuina faapitoa mai i tatou faapea a tatou tapuai atu ma le lelei i le aso Sapati, o le a faateleina lo tatou faatuatua i le Tama Faalelagi, i Lana fuafuaga o le fiafia, ma ia Iesu Keriso ma Lana Togiola.

O le tala ia Mose ma le gata apa memea ua faasino foi i le Tusi a Mamona, lea na poloai ai i tatou faapea “e toatele sa tepa i ai ma ola ai” (Alema 33:19; tagai foi i fuaiupu



20–22). Ae peitai, o nisi sa mumusu e tepa i ai. “O le galuega sa ia te i latou e fai, o le vaai lea; ma ona o le faatauvaa o le ala, po o lona faigofie tele, sa i ai le toatele o e na fano” (1 Nifae 17:41). Mata e mafai ona faapea mai mo i tatou i se aso ua tatou mumusu e vaavaai atu i perofeta ma a latou fautuaga ona o le faigofie o le ala?

“Afai e mafai ona faamaloloina outou i nao le tepa atu o o outou mata ina ia mafai ona faamaloloina outou, pe tou te le fia tetepa vave atu ea[?] . . .

“. . . Ona tetepa ae lea o o outou mata ma amata ona talitonu i le Alo o le Atua” (Alema 33:21, 22).

Ou te faafetai mo faamanuiga ia e oo mai ia i tatou a o tatou faaaauat atu i lo tatou “aula i le lagi” ma uunaia isi ia faia lea lava mea e tasi. Ou te faafetai foi mo le avanoa, pe a tatou se ese, e salamo ai, tiai ia mausa leaga, ma toe foi atu i se ala talafeagai. O faamanuiga e le mafaitauina.

O se isi fuitau i le Tusi a Mamona o loo talanoa e uiga i aafiaga o le fanauga a Israelu e faapea, “Ma e pei ona ola le toatele o e na vaai ae i luga i lena gata, o le a faapea lava ona mafai ona ola o le toatele o e e vaai ae i luga ma le faatuatua i le Alo o le Atua, ma ua i ai le agaga salamo, i lena lava ola ua faavavau” (Helamana 8:15).

O le usitaia o apoapoaiga a perofeta o nei ona po e aoaoina ai o tatou loto i le faatuatua. E faamalosia i tatou ina ia foia faigata i le aluga o la tatou faigamalaga, e pei lava ona ou agai atu i luma i lena po o le taumafanafana i le toafa. Ou te molimau atu a tatou vaai atu i lo tatou Tama oi le Lagi ma Lona Alo, o Iesu Keriso, o le a tatou mauaina ni uiga ma faamoemoega i a tatou faigamalaga. ■

E mafai ona e maua manatu mo aifi faaleaiga mo lenei tusiga i le lds.org/go/11811.

MANATUA

1. *Aoaoga a Peresitene o le Ekalesia: Spencer W. Kimball* (2006), 71.



Saunia e
Jean B. Bingham

Peresitene Aoao o
le Aualofa

Ua Aumaia IA I Tatou E LE Malumalu SE *Vaaiga Maualuga Atu*

Onisi o a ma manatuaga manino ma taua o le aumau ai i Sisifotutotonu Iunaite Setete ao avea i maua ma ni matua talavou o ni asiasiga faaleausaga i le malumalu i Uosigitone, D.C. I lena taimi, e na o le pau lea o le malumalu sa faagaoioia i sasae o le Vaitafe o Misisipi. I le iloaina e taua sauniga o le malumalu mo fanau uma a le Tama Faalelagi na tuuina mai ai se lagona o le naunautaiga i a ma taumafaiga.

E pei o le toatele o outou, sa ma fuafuaina mo ni uo e tausia la ma fanau laiti, sa malaga atu i le po i se pasi e tumu i tagata o le au paia, faaaluina ni nai aso taua e faia ai le tele o galuega faalemalumalu sa ma mafai ona faia, ma ona toe tietie atu ai lea i le pasi i le aiga i le po ina ia ma auai i sauniga Lotu i le Aso Sa. O na malaga sa lei foliga mai o ni osigataulaga; sa taua ona o le siitiaga faaleagaga safafaga ai o matou agaga mo masina na mulimuli mai.

I nai tausaga mulimuli ane, sa matou fiafia e faafeiloai le Malumalu o Chicago Ilinoi, le uluai malumalu ua fausia i le Eria Tutotonu o Amerika Matu talu mai le Malumalu o Cardston Alberta Kanata i le 62 tausaga na muamua atu. Faatasi ai ma se malumalu e na o le 45 minute mai lo matou fale, sa o se fiafia mo i maua le faatele le auai e le aunoa nai lo le faa-tasi i se tausaga ma maua lena meaai faaleagaga i tulaga masani.

Peitai o aso nei, e ui o nisi o i tatou e nonofo latalata i le malumalu, e faigata lava le auai soo. Atonu o le faigofie o le i ai o se malumalu e faaoleole ai i tatou e mafaufau, "Ou te alu taeao, pe a tele sou taimi." E faigofie le faalavelaveina e mamafatu o i ai nei ma lē amanaiaina ai le tele o avanoa taua. Na saunoa mai Elder Richard G. Scott (1928–2015) o le Korama a Apostolo e Toasefululua, "Ou te fautuaina outou e faatu sau lava sini pe o le a faafia ona e avanoa atu i sauniga o loo ofoina mai i totonu o o tatou malumalu o loo faagaoioia."¹

A tatou lē amanaia le avanoa e auai ai e le aunoa ao faatagaina e o tatou tulaga, a tatou manatu mama i le avanoa e o atu ai i le malumalu pe a matua latalata mai ia i tatou, tatou te ono toilalo e maua faamanuiaga ma avanoa o

Agavale: Potu selesista o le Malumalu o Hartford Connecticut

I le 288 futu (88 m), o le Malumalu o Uosigitone D.C. o le malumalu aupito sili ona umi.




*E pei o se mea vāai
e taulai atu i fetu i
talaatu o lo tatou
vaaiga, e tatalaina e
le malumalu o tatou
mafaufau ina ia
maua se vaaiga e sili
atu ona siitiaina ma
faalauteleina.*



Luga: Faamalama vali o
le Malumalu o Gilbert
Arisona; Faamalama ma
faitotoa o le Malumalu
o Provo City Center;
Au o le faitotoa o le
Malumalu o Sate Leki

Ata i tua atu: Potu selesitila o
le Malumalu o Kyiv lukureini



Faamalama vali o le
Malmalu a Freiberg Siamani

Januari 2018

13



Malumalu o
Kansas City Misuri



le lumanai ua faapolopolo mai e lo tatou Tama ma Lona Alo mo i tatou. "O A'u, o le Alii, e noatia a'u pe a outou faia mea Ou te fai atu ai; ae a outou lē faia mea Ou te fai atu ai, e leai se folafolaga mo outou" (MF&F 82:10).

Pe a foliga mai o loo galulue faatasi mea e tutupu e taofia i tatou mai le o atu i le malumalu, e mafai ona tatou manatua le faamautinoaga a Iesu Keriso: "E maua foi outou e le puapuaga i le lalolagi: a ia outou loto tetele, ua ou manumalo i le lalolagi" (Ioane 16:33). Ao tatou tumau ai ma auai atu i le malumalu e ui i ma'a tu'ia, o le a tatou maua le fesoasoani a le Faaola e faatoilalo ai le lalolagi lea *tatou te* nonofo ai. I se tasi o taimi a o ma sauni ma lou toalua e tuua le aiga mo le malumalu, sa oo mai se faafitauli e tasi ma le isi faafitauli. Muli-muli ane, a o ma tulalata atu i fafo o le faitotoa, sa i ai se ma "taimi faigata i le ma va." A o ma savavali atu ma le filemu i le taavale, sa mafai ona ma faalogoina le ma afafine matua o faamautinoa lona uso, "Aua le popole; la te o mai fiafia lava i le fale mai le malumalu." Ma sa sa'o o ia!

E Faamanatu Mai e Malumalu ia i Tatou e uiga i le Fuatiaina o le Faavavaau

Pe tatou te o mai i le malumalu ma loto ua tumu i le olioli pe ua mamafatu i le faanoanoa, o le malumalu o le nofoaga mo tagata agavaa *uma* o i ai se loto matala ina ia siitiaina ma faamalosia.

Oute sau i le malumalu e toetoe lava a faatumulia i le agaga faafetai mo se faamanuiaga ua auina mai i se tasi e pele o loo tauivi; sa ou faamaligiina foi ma le lemu loi-mata o le faanoanoa tele mo a'u lava toilalo. Sa ou maua musumusuga ma faotonuga ma aoiaina foi mai le Agaga a o auauna atu o se sui mo se tasi e mauaina ia sauniga lea e faataga ai o ia e alualu i luma i le faavavaau. O na

Mai le agavale: auala sitepu i le Malumalu o Navu Ilinoi, lea sa faapaiaina i le 158 tausaga o le faamanatuina o le maliu fasia o Iosefa Samita ma Ailama Samita; Potu togalaau o le Malumalu o Idaho Falls; Au o le faitotoa o le Malumalu o Calgary Alberta Kanata; O totonu o le Malumalu o Hartford Connecticut (ata i tua atu)



aafiaga uma sa siitiaina ma faamalosia ai a'u. Ma ioe, sa ou nofo ai i le tele o itula i le malumalu o se vaega o le "tiute," tau lava o le faataunuina o lau matafaoi, ma ou maua ai foi au o o'u moe i taimi o sauniga o le malumalu a o ou avea ma faiaoga o le seminare i taeao pol! Ae o taimi uma ou te alu ai i le malumalu, e faamanuiaina lava au. Pe auina mai se faamanuiaga i le taimi lava lena po o o tatou taumafaiga e fausia e agai i faamanuiaga e mulimuli mai, o taimi laiti uma tatou te faaaluina i le malumalu e taunu lava i ni faateleina patino.

O le i ai i totonu o le malumalu e faamanatu mai ia i tatou le fuatiaina o le faavavau, i le vaai i tua i o tatou tuua ma i luma i a tatou fanau. E faamalosia foi a tatou fanau e tusa ai ma lo latou vaai e faavavau pe a latou taulai atu i le malumalu. E mafai faapefeara ona sili atu ona tatou saunia mo le malumalu—o se laasaga taua i lo latou agai i luma i le faavavau? Na fautua mai Peresitene Russell M. Nelson, Peresitene o le Korama a Aposetolo e Toasefululua, "E ao i matua ona aoao atu le taua o le malumalu ao laiti a latou fanau."² Sa fautuaina e Peresitene Spencer W. Kimball (1895–1985) ia matua e tuu se ata o le malumalu i totonu o le potumoe a o latou fanau ina ia latou vaai i ai i lena faamanatu paia i aso uma seia oo ina avea ma se vaega o i latou.³ E mafai foi ona e tau atu i lau fanau ia faamanuiaga e te maua mai le auai i le malumalu e faapena foi lau molimau i le olioli e te faamoemoaina i sootaga e faavavau ma i latou. Ma e mafai ona e lagolagoina au talavou i o latou naunautaiga e faia papatisoga mo e ua maliliu. Manatua i au lesona o le afiafa faaleaiga ma taimi e aoao atu ai o "le



Agavale: Peresitene David O. McKay, Sister Emma McKay, ma isi taitai o le Ekalesia sa auai i le faapaiaiga i le 1955 o le Malumalu o Bern Suitiselani, o le uluai malumalu na fausia i Europa.

Lalo: Faamalama vali o le Malumalu o Star Valley Wyoming




malumalu o le faamoemoega o gaoi-oiga uma, lesona uma, laasaga uma e agai i luma i le Ekalesia."⁴

Ao outou usuina ma lau fanau le, "Ou te fia vaai i le malumalu. Ou te ulu i ai i se aso. E osi feagaiga, o le a ou usitai,"⁵ o le a e fesoasoani ia i latou e lagona se manao e ulu atu i le maota paia o le Alii. Ma o le a tumu foi lou lava loto i le agaga faafetai mo le Tama Faalelagi, mo Lana fuafuaga o le faaolataga, mo le Faaola ma Lana Togiola, lea ua mafai ai e oe ona faatasi ma e pele ia te oe e faavavau. O le "ala [a le Faaola] e tau atu i le fiafia i lenei olaga ma le ola e faavavau i le lalolagi a sau."⁶ O lena ala e taitai atu i ma e ala i le malumalu!

O Malumalu O Se Malutaga mai le Lalolagi

E mafai e faatosinaga faalelalolagi ona toso ese i tatou mai le malumalu. Sa le mautonu se uo pele i manatu ma tala e uiga i le Ekalesia sa ia faitau i ai i le initonet. Sa ia filifili e taofi le auai atu i le malumalu seja foia ana fesili. Ma lou loto atoa, ou te augani atu ia te outou o i ai ni fesili e aafia ai a outou molimau ia faaauau pea le auai i tatalo patino ma le suesueina o tusitusiga paia ma ia faaauau pea ona auai i le malumalu a o e galue e saili tali o le a aumaia ia te oe le filemu. Tumau le taulai atu i le talalelei e aloese ai mai le faalavelaveina e manatu sese. E le saili e se tasi e faamalolo se gasegase faaletino i le fai atu i se tagata taalo polofesa mo fautuaga faafomai e sili atu i lo fesili taua faaleagaga e mafai ona foia sao e se tasi o i ai se malamalamo ititi o le talalelei toefuataiga o Iesu Keriso. O le

O le malumalu lona 156 ua faagaoioia, o le Malumalu o Paris Farani, sa faapaia i le aso 21 Me, 2017. Lalo: Faamalama vali o le Malumalu o Star Valley Wyoming



Agaga Paia, e molimau i "le moni o mea uma lava" (Moronae 10:5), "tau atu ia te oe i lou mafaufau ma lou loto" (MF&F 8:2) upumoni e faavavau.

O se tasi o nofoaga e sili ai ona faateleina le mauaina o lena Agaga o totolu o le malumalu. Afai o e agavaa e ulu atu i le maota o le Alii (pei ona iloiloina e oe ma lou epikopo), faamolemole sau i le malumalu ma au fesili ma maua le faamautinoaga e ui e te le malamalama i mea uma i le taimi nei, e malamalama ai le Alii. Manatua mea uma e te *faia* iloa ma malamalama ai. O mea e te *faia* iloa ma ua maua ai se molimau faaleagaga e taitai oe i "le manuia foi mai le Atua, o loo silisili lava i mea uma e, [ma o le a] leoleoina ai outou loto atoa ma o outou mafaufau ia Keriso Iesu" (Filipi 4:7). Ou te molimau atu o le malamalama ma le filemu e te sailia e oo mai a o e faaaauau pea ona maua le faatuata e taitai oe e lou Tama oi le Lagi ma taita oe i le upumoni.

Ua faamanatu mai e Isaia i tatou o le malumalu o "le fale apitaga . . . mai [le] uaga" (Isaia 4:6). E tutusa lava ma upu faamautinoa a Peresitene Thomas S. Monson: "A o tatou ulu atu i faitotoa o le malumalu, tatou te tuu ese mea faalavelave ma fenumiaiga o le lalolagi. O totolu o lenei maota paia, tatou te maua ai le matagofie ma le faatulagaina lelei. E i ai le malologa mo o tatou agaga ma se mapusaga mai mea e naunau i ai o tatou olaga."⁷

A o faateleina faafitauli i le lalolagi ma faatupulaia mamafatu o aso uma, e tatau ona tatou tausia lo tatou taulaiga i mea e taua moni. E faigofie ona taulai i mea e le lelei ma i faafitauli faalelalolagi, e pei o loo



Taumatau: faatusa i le Malumalu o Papeete Tahiti; Malumalu o Fort Lauderdale Florida; totolu o le Malumalu o Hartford Connecticut

Lalo, agavale: O le malumalu aupito i laitiiti o le Malumalu o Colonia Juárez Chihuahua Mekisiko.

tatou vaavaai i a tatou lava toilalo ma faafitauli e ala i se mea vaai. O le i ai i le malumalu e faamanatu mai ia i tatou ia tausia se vaaiga e faavavau. E pei o se mea vaai lapoa e taulai i fetu i talaatu o la tatou vaaiga, e tatala e le malumalu o tatou mafaufau i se vaaiga mamao e sili atu ona siitaina ma faalauaiteleina. E mafai ai ona tatou vaai, faamoemoe mo, ma galulue agai i le avea ma mea uma ua mamanuina i tatou e le Tama Faalelagi ia avea ai. E fesoasoani ia i tatou e taulai i upumoni e faavavau—i Matua Faalelagi o e alolofa ia i tatou ma finagalo e fesoasoani mai ia i tatou, i lo tatou taua moni o ni a La fanau, ma mea ua tatou gafatia e avea ai o "suli lava o le Atua, o suli faatasi ma Keriso" (Roma 8:17). I le malumalu, ua faamatala mai ai le ata o le faoolataga, ma feagaiga e faavavau e osia ai. I le malumalu, ua tuu mai ia i tatou faauigaga e avea ai ma o tatou lava tagata sili ma mauluga e faavavau.

"A o tatou auai atu i le malumalu," na apoapoi mai ai Peresitene Monson, "e mafai ona oo mai ia te i tatou se mauluga o le faaleagaga ma se lagona o le filemu lea e sili mamao atu nai lo se isi lava lagona e mafai ona oo mai i le loto o le tagata. O le a tatou pueina ai le uiga moni o upu a le Faaoela ina ua Ia fetalai: "Ou te tuuina atu ia te outou le manuia; o lo'u manuia ou te avatu ai ia te outou. . . . Aua le atuatuvale o outou loto aua foi tou te matatau' [Ioane 14:27]."⁸

O Lau Auaunaga Faalemalumalu o Le A Uunaia ai Isi

O le agaga e te aumaia mai i lau auau-naga i le malumalu o le a uunaia ai tagata





tou te fegalegaleai faatasi—o nisi atonu e te lei mafau-fauina. A o agai atu i le fale mai i se tasi o asiasiga i le malumalu i Uosigitone, D.C., sa faasoa e le vaega o tagata o le ekalesia molimau a o agai atu le pasi i kilomita agai i le aiga. Sa auuaui ona faasoaina e tagata auai lo latou olioli ma le agaga faafetai mo faamanuiga i le taimi lena ma faavavau o le malumalu. Sa le mafai e lo matou ave pasi e le auai i le ekalesia ona toe taofiofi. Sa ia tago atu i le mea faaleotele leo ma faailoa mai le agaga faafetai mo le i ai faatasi mai matou. Ona ia fai mai lea, “Ou te le iloa le mea o loo ia te outou, ae ua ou lagona se mea e ese mai iinei.” O se taitai misiona a le uarota sa i luga o le pasi, sa aumai moni lava lana faamatalaga fesoottai ma tuuina atu mulimuli ane i faifeautalai.

Tau lava ou te valaaulia outou ia faaaoga soo le avanoa o le i ai o se malumalu e latalata ane ia te outou i o outou tulaga e mafai ai. O le a faamalolosia outou ma maua le filemu i le maota o le Alii o Iesu Keriso, aua o Ia o le malamalama ma le ola ma le faamoemoe o le lalolagi. A o agai i luma aso nei e gata ai i Lona toe afio mai folafolaina, tau ina ia outou maua Lona malamalama ma lagona le faamoemoe lea e ofoina mai i Ona malumalu paia. ■

FAAMATALAGA

1. Richard G. Scott, “Tapuaiga i le Malumalu: O Le Punavai o le Malosi ma le Mana i Taimi o Faigata,” *Liahona*, Me 2009, 43–45.
2. Russell M. Nelson, “Prepare for Blessings of the Temple,” *Ensign*, Mat. 2002, 17–23.
3. Tagai *The Teachings of Spencer W. Kimball* (1982), 301.
4. Russell M. Nelson, “Prepare for Blessings of the Temple,” 17.
5. “Ou Te Fia Vaai i le Malumalu,” *Tusipese a Tamaiti*, 99.
6. “O Le Keriso Soifua: O Le Molimau a le Au Apostolo,” *Liahona*, Ape. 2000, 2.
7. Thomas S. Monson, “Faamanuiga o le Malumalu,” *Liahona*, Me 2015, 93.
8. Thomas S. Monson, “Faamanuiga o le Malumalu,” 91–92.
9. Thomas S. Monson, “Faamanuiga o le Malumalu,” *Liahona*, Oke. 2010, 15; ua faaopoopo le faamamafa.
10. “Excerpts from Recent Addresses of President Gordon B. Hinckley,” *Ensign*, July 1997, 73; ua faaopoopo le faamamafa.
11. Richard G. Scott, “Mauaina o Faamanuiga o le Malumalu,” *Ensign*, Me 1999, 26; ua faaopoopo le faamamafa.

FOLAFOLAGA FAAPITOA

Ua tuuina mai e perofeta ma aposetolo folafolaga faapitoa ia i latou o e auai atu i le malumalu. Ia manatua e noatia le Atua pe a tatou faia mea ua la fetalai mai ai, ae a tatou le faia mea ua la fetalai mai ai, e leai sa tatou folafolaga (tagai MF&F 82:10).

- Ua folafola mai Peresitene Thomas S. Monson: “A o tatou o atu i le maota paia, a o tatou manatua feagaiga tatou te faia ai i totonu, o le a mafai ona tatou *onosaia tofotofoga uma ma faatoilaloina faaosoosoga taitasi.*”⁹
- Sa folafola mai Peresitene Gordon B. Hinckley (1910–2008): “Afaia o le a outou o atu i le maota o le Alii, o le a faamanuiaina outou, o le a sili atu le *lelei o le olaga mo outou. . . .* la faaavanoa outou lava mo le avanoa sili o le o atu i le maota o le Alii ma faapea ona taumamafa ai i faamanuiga ofoofogia uma o le a outou mauaina iina.”¹⁰
- Sa folafola mai Elder Richard G. Scott: “O le auai atu [i le malumalu] e le aunoa o le a faamaua ai lou olaga i *faamoemoega e sili atu.*”¹¹



Malumalu e lima o loo i ai le faatusa o le agelu o Moronae o loo uuina papatusi auro: Malumalu o Los Angeles Kalefonia (agavale), Malumalu o Uosigitone D.C., Malumalu o Seattle Uosigitone, le Malumalu o Jordan River luta, ma le Malumalu o Mexico City Mexico. Mo nisi faamatalaga, asiasi i le temples.lds.org.

Omai i le Malumalu

Ma le Mamalu ♩ = 63-69

Upu na tusia e Jan Pinborough
Fati na tusia e Michael F. Moody

E ma - ta - go - fi - e, Ma la - go - na lo - na Ma - na i lou lo - to.
Ia faa-ma - lo - lo ai, Fa a - mau ē pe - le, Mo le faa - va - vau,

La - go - na i lou lo - to. Sau le ma - lu - ma - lu!
Mo le faa - va - vau a - to - a. Sau le ma - lu - ma - lu!

O i ai le A - tu - a, Ma fea-gai - ga pa - ia — Toe foi ai ma le
Tuu le la - lo - la - gi, Mu li - mu - li a - tu Ia Ke ri - so,


 A musical score page featuring two staves of music. The top staff is in treble clef and the bottom staff is in bass clef. The music consists of quarter notes and eighth notes. The lyrics are written below the notes. The page is framed by a decorative border with stained glass-style floral patterns.

Sao - ga - le - mu - i le a - i - ga.
I Lo - na ma - o - ta pa - i - a.

I - nā o mai ia lē tu - ai. Na te ta -

lia oe ma le a - lo - fa, ia e no - fo - mau, i Lo - na mao - ta o le fi - le -

1.
mu. O loo faa - ta - li mai ii - na.

2.
ta - li mai ii - na. *molto rit.*



O Se Faamanuiaga Folafolaina mo le Auai i le Malumalu

*Sa ou manao ina ia auai atili i le
malumalu—ou te lei iloa o le a
faamanuia ai lo'u aiga.*

Saunia e Cheri Evans

I nai tausaga ua mavae, na asiasi mai ai Peresitene Oldroyd, o se tasi o le au peresitene o le siteki, i la'u uarota ma fai mai se mea o le a ou le faagaloina lava: “Ou te folafola atu ia te outou afai tou te auai i le malumalu, o le a faamanuiaina *soo se* vaega o lou olaga.”

A o ou mafaufau e uiga i ai, sa ou le mafaufauina pe faapefea e le auai i le malumalu ona pai atu i *soo se* vaega o lo'u olaga. Ae ina ua maea le lotu, sa ou filifili pea o le a ou faataitaia lana lui ma auai i le malumalu i se tulaga faifai pea. Sa ou manao e tofotofo i lana folafolaga. Sa manao lo'u toalua ia alu *soo i* le malumalu, ae sa ou musu ona sa i ai le ma fanau laiti. E tatau ona ma o i se itula ma le afa i le malumalu o San Antonio, Texas, faataunu se sauniga o le faaeega paia, ma toe foi i le fale. E lei fetau le talosaga atu i se tasi e vaai le ma fanau mo le fitu po o le valu foi itula.

O Le Amataga o se Faamanuiaga

I le taimi muamua sa ma taumafai e fesuiai le tausiga o tamaiti ma se isi aiga, ae e iu lava ina ma'i se tasi po o le i ai o se mea e tupu. Sa ma fuafua e tatau ona ma setiina ni aso mo le tausaga atoa ma o! Ona ma mauaina lea o se metotia o le "pizza ma le taaalo". Matou te tietie faatasi atu i le malumalu. E alu le tasi matua i se sauniga o le malumalu ae alu le isi e ave tamaiti e faatau mai se pizza. Ona ma fesuiai lea: e alu le matua lona lua e faia galuega o le malumalu ae alu

le isi matua e savalivali ma tamaiti i le lotoa o le malumalu. Na lelei lenei faiga. Na iloa e le ma fanau e taua le malumalu ia i matou—sa latou iloa isi mea semanu e mafai ona matou faia i le Aso Toonai—ma sa mafai ona matou faaaluina le taimi faatasi o se aiga.

Ou te lei iloa o le alu i le malumalu o le a faamanua ai lo'u aiga. Ina ua mavae le o soo mo le silia ma le tausaga, sa ou saofai i se sauniga ae ou iloa atu se tamalii e pipili. Sa ou manatu o se tulaga faagaeitia lona i ai iina. I le agai atu i fafo o le malumalu,


sa ou vaai ia te ia o saofai latalata i le pakaga taavale, o lea sa ma mafaufau ai ma lo'u toalua o le a ma o atu e faatalofa i ai.

Sa fesili le tamaloa i lo'u toalua, o Chad, ma a'u pe mafai ona ma fesoasoani ia te ia e faia se valaau i le telefoni. Sa ma ioe e fesoasoani atu, ma sa tau e le tamaloa ia Chad le mea sa i ai lana telefoni. Sa vili e Chad le numera mo ia ona toe tuu atu lea o le telefoni ia te ia. Sa le mafai ona aapa mai le tamaloa i le telefoni, e ui sa ia ataata mai ma le agalelei. Sa tilotilo i lalo Chad i lima o le tamaloa, lea na faamau i lana nofoa faatavalevaled, ma vave ona iloaina sa manaomia lona uuina o le telefoni i luga o lona taliga. O le auaunaga o le pasi o le aai lea sa tatau ona pikina le tamaloa ua tuai. Sa matou nonofo ma talatalanoa ma ia sei taunu mai lana pasi. Sa lofituaina i maua, e ui i ona luitau, ae sa ia i ai i le malumalu. Oka se lelei o ona uiga. Sa ia te ia se ataata fiafia. Ae na te lei aluese atu, sa fesuiai a matou faamatalaga taufesootaiga ma iloaina ai o lona igoa o Max Para.

Afai e mafai e Brother Para ona aumai o ia i le malumalu, e mafai foi ona ma avatua i maua i le malumalu—e leai ni alofaga!

O Le Faataitaiga a Brother Para

Sa ma filifili e asiasi ia te ia i le masina na sosoo ai o se vaega o le ma asiasiga i le malumalu. Sa ma valaau atu muamua, ma fai mai e mafai ona ma o atu i totonu pe a ma taunu i lona pale. Sa ma tietie atu i San Antonia ma mauaina Brother Para i se tamai pale. Sa ia taoto i luga o lona mega ma se ie paepae o loo ufiufina lona tino





seia oo i lona auvae. Sa ia faaminoiina lona ulu i le itu ma talanoa mai ia i maua, o ataata fiafia mai pea o ia. Na ia tau mai ia i maua le mafuaaga na ia pipili ai ina ua ia pau mai se taualuga i le vaitau o lona 30. Sa ia faasoa mai lona tauiviga ma lana molimau.

O se asiasiga e tasi le taimi ia Brother Para na liua i tausaga o asiasiga. Na avea o ia ma se vaega taua o le ma olaga. Ma te lei iloa po o le a se mea e fai mo ia—e tetele ona luitau. Pau le mea na ma iloa o le avea ma ana uo. E mafai ona ma aumaia ia te ia ni meaalofa laiti: o se ata o le Faaolaga, o se CD o le Tusi a Mamona i le faaSipaniolo, o se ata o le malumalu, o se taga moli felesi. E mafai ona ma asiasi ia te ia, usu ni pese Peraimeri, ma faalogo atu ia te ia. Oka o se aafiaga ofoofogia lenei mea—e le mafai ona e tuuina atu se

nutiga falaoa i le Alii e aunoa ma le mauaina mai o se papa falaoa.¹

Sa ia aoao mai ia i maua le loto faafetai, lea na suia ai *soo se* vaega o o maua olaga. Sa ma aoao ia maua le lotofaafetai mo lo ma malamalamama i le talalelei, mo le ma fegalegaleiga ma le Atua; mo le ma malamalamama i le ata o le faaolataga; mo o tatou fale, taavale, meaai ma lavalava; mo lo tatou gafatia e faaaoga o tatou tino; mo le avanoa e faia ai ni mea lelei mo o tatou nuu ma alalafaga; ma mo tagata lelei o siomina i tatou. Na suia e Brother Para lo ma faauigaga o upu *faigata* ma le *tofotofoga*. Ua i ai mafuaaga tatou te olioli ai i le tele o a tatou faamanuiaga ma ia faaaoga na faamanuiaga e siiitia ai isi.

Aoao e Auauna Atu

I se tasi taimi a o i ai Chad i le malumalu ma se tasi o maua uo,

Brother Gonzales, sa ia toe vaai foi ia Brother Para i le malumalu o faatalitali mo se veni e sau e avatu o ia. Na umi se taimi sa faatali ai Brother Para. Na filifili Chad ma Brother Gonzales la te momoliina Brother Para i le fale. Sa i ai ia Brother Gonzales se loli tele lanu uliuli. I le taimi lava lena, sa tu ai se taavale ua tumu i ositaulaga mai lo matou siteki, ma sa latou fesoasoani e tuu le nofoa faatavalevale mamafa i tua o le loli. Ona la siiina lea o Brother Para i totonu o le loli, ma faamau lona fusipau, ma taofi o ia ina ia aua nei ona pau. Ou te matea o se aso matagofie lena aso mo Brother Para—na te lei mafaufauina o le a ia malaga i le fale i lana loli na moemiti i ai!

O Faamanuiaga i Soo Se Auala

I le ma asiasiga mulimuli i le Malumalu o San Antonio ae matou te lei siitia ese atu, sa mafai ona ma asiasi ia Brother Para. I lenei asiasiga faapitoa mulimuli, sa avatu ai lo matou aiga atoa e Brother mo se taumafataga o le afiafi.


Sa ou matua faafetai sa ou faataitaia le folafolaga a Peresitene Oldroyd. Semanu e le feiloi ai lo matou aiga ia Brother Para pe ana ma lē auai i le malumalu. Ua avea au ma se tagata ese—ua ou avea ma se tagata e finagalo le Alii ia ou avea ai. A tatou faamuamua le Alii ma auai i le malumalu, o le a faamanuiaina o tatou olaga i *soo se* auala. ■

E alala le tusitala i Iuta, ISA.

MANATUA

1. Tagai Melvin J. Ballard, in Marion G. Romney, "Welfare Services: The Savior's Program," *Ensign*, Nov. 1980, 93.

O Oe, o le Autalavou MA LE Astu o le Mutuale



*E mafai faapefea e le autu o le
Mutuale ona tuufaatasia i tatou?*

Saunia e Jessica Griffith

Mekasini a le Ekalesia

Otausaga taitasi e valaaulia ai e le Au Peresitene o Alii Talavou ma Tamaitai Talavou le autalavou e suesue, aoao e uiga i, ma faataitai se autu faatusitusiga paia ua faamaonia e le Au Peresitene Sili. O le aoaoina ma le ola ai i aoaoga i le autu o le Mutuale e mafai ona faamalosia le faatuatua ma le molimau ma tuufaatasia ia korama, vasega, ma aiga.

O Le Autu mo le 2018

O le autu o lenei tausaga ua aoaoina atu ai le autalavou i le auala e maua ai le filemu lea e sau mai ia Iesu Keriso. I le Mataupu Faavae ma Feagaiga 19:23, ua valaau mai ai le Alii, “Aoao mai ia te a’u, ma faa-logo mai i a’u upu; savali i le agamalu o lo’u Agaga, ma o le a e maua ai le filemu ia te a’u.” I se lalolagi lea e mafai na faatumulia i le le mautonu ma le fefe, o se folafolaga mamana lenei folafolaga.



O lenei mau ua tuuina atu ai i matua, taitai, faufautua, ma faiaoga se avanoa e aoao atu ai i mamamanu lea e mafai ona faamalosia ai le autalavou e ala i taimi faigata.

E Faapefea Ona Ou Faaaogaina le Autu?

Ua valaaulia i tatou e Au Peresitene Aoao o Tamai-tai Talavou ma Alii Talavou ia tauloto mau, suesue le aoaoga faavae, ma faaaoga mataupu faavae i o tatou olaga. E ui e mafai ona faia taitasi nei mea, ae o le faia faatasi e mafai ona fesoasoani e tuufaatasia ma faamalosia ai le autalavou ma o latou aiga.


E tele avanoa e faaaofia ai le autu i olaga o tatou talavou. E mafai ona faaaoga i afiafi faaleaiga, i lesona i le lotu ma le seminare, o se autu mo lauga a le autalavou i sauniga faamanatuga, e faaleleia ai sauniga amata i le Mutuale, ma tuuina atu ai le taulaiga mo gaoioiga a le autalavou, e aofia ai tolauapiga, konafesi a le autalavou, gaoioiga tuufaatasi, Amataga Fou, ma faigalotu.

O Ni Nai Manatu mo Gaoioiga

O ni nai manatu nei mo le faaaofiaina o le autu o le Mutuale i le tausaga atoa. Mo nisi manatu, asiisi i le youth.lds.org.

"Aoao mai ia te A'u"

O le aoao e uiga ia Iesu Keriso e taua i le mauaina o le filemu ia te Ia. O loo i ai le filemu ma le faamautinoaga i le iloaina pe faapefea o Ia, aoao i le auala na Ia soifua ai, ma malamalamia i mea o Ia faia mo i tatou.



Ina ua 14 ona tausaga, sa fesiliglia Peresitene Spencer W. Kimball (1895–1985) po o ua ia faitauina atoa le Tusi Paia. “O le taimi lea ua tele isi tusi ua uma ona ou faitauina, o komi, ma isi tusi mananaia i le faitau, ae peitai sa faapea mai lo’u loto tausalaina, ‘O oe, Spencer Kimball, e te lei faitauina lava lena tusi paia, Aisea?’”¹ Mai lena taimi, sa faamautinoa e Peresitene Kimball ua ia “[taumafa] fiafia i afioga a Keriso” (2 Nifae 32:3).

- Mafaufau e fai atu i le autalavou e fai se api suesue e tusi ai mea o loo latou aoaoina e uiga ia Iesu Keriso ma Lana talalelei.
- Atonu e te valaauliaina le autalavou e tautino e faia le lui a Peresitene Russell M. Nelson e “faapaiaina se vaega o [lo latou] taimi i vaiaso taitasi e suesue mea uma na fetalaiia ma faia e Iesu e pei ona tusia i [tusitusiga paia].”² I le vasega po o le afiafi faaleaiga, e mafai ona e fai atu ia i latou e lipoti mai mea o loo latou aoaoina ma le auala o loo latou faaaogaina ai i o latou olaga.

Punaaoa

- Iakopo 1:22; Mose 1
- “O Le Keriso Soifua: O Le Molimau a le Au Apostolo,” *Liahona*, Ape. 2000, 3.
- Russell M. Nelson, “Mauaina o le Mana o Iesu Keriso i o Tatou Olaga,” *Liahona*, Me 2017, 39–42.
- David A. Bednar, “O Se Uiga Faa-Keriso,” *Liahona*, Oke. 2017, 50–53.



"Faalogo mai i A'u Upu"

O le faalogo atu i upu a le Faaola e aofia ai le le na o le faalogo ae o le gauai atu (po o le usiusitai). E mafai ona oo mai le filemu sili ma le faamautinoaga mai le iloaina o loo tatou ola e tusa ai ma Ana aoaoga.



Ina ua valu ona tausaga, sa fifili Peresitene Thomas S. Monson e faia se afi o le tolauapiga ma lana uo o Danny. E tasi se faaletonu—o le fanua sa la mananao e faaaoga e matutu, matuitua, ma tumu i vao. O le taimi lena na maua ai e Peresitene Monson talavou se manatu: "Sa ou fai atu ia Danny, 'Pau lava le mea ta te manao-miaina o le susunu o vao nei i le afi. E tau lava na ona ta *susunuina* o se li'o i totonu o vao!' Sa vave ona ia ioeina, ma ou tamoe atu ai i le matou tamai fale e aumai se afi tusi. . . .

" . . . Ou te manatua le mafaufau ai o le a mu na o le mea lea ma te mananao i ai ona tape lea e le afi ia lava i se maneta pe ā.

"Sa ou tusiina se laau i luga o se maa ma susunu loa le vao mago o Iuni ma sasao ae ai." O le vave ona iloaina o le a le pe le afi lava ia, sa tamomoe atu ai tama mo se fesoasoani, ma sa pe le afi i nai itula mulimuli ane.

"Sa ma aoaoina ma Danny ni lesona faigata ae taua i lena aso," na saunoa mai ai Peresitene Monson, "o se vaega tupito lava, o le taua o le usiusitai."³

- Fai atu i le autalavou e duesue i le mataupu e 6 o le *Tala'i La'u Talalelei*, e aofia ai le vaega o le usiusitai i le gaoioiga o uiga i le faaiuga o le mataupu.
- Talanoa e uiga i mea e mafai ona faalavelave ia i tatou mai le faalogo atu i upu a le Alii. Mo se faataitaiga, e mafai ona e valaauliaina le autalavou e suitulaga le 10 minute o le taimi i masini faaeletonika i le 10 minute o le duesueina o tuisusiga paia.
- Faaaoga avanoa e maua soo e fesili atu ai i le autalavou po o le a se mea o le a latou faia ona o mea ua latou aoaoina.

Punaoa

- Esoto 20; Mataio 5:1–12
- "Usiusitai," *Tala'i La'u Talalelei: O Se Taiala mo le Galuega Faafafeautalai* (2004), 131.
- Hadley Griggs, "Sefulu Minute i le Aso," *Liahona*, Sete. 2017, 58–61.
- Robert D. Hales, "Afai Tou Te Alofa Mai ia te Au, Ia Outou Tausi Mai i Au Poloaiga," *Liahona*, Me 2014, 35–38.



"Savali i le Agamalu o Lo'u Agaga"

O le aoaoina ma le faalogo e faamatala ai mea e tatau ona tatou faia. O le savali i le agamalu o Lona Agaga o le auala lea e tatau ona tatou faia ai.

Ole agamalu o lona uiga o le "onosaia o le manuaga ma le onosai e aunoa ma le le fiafia,"⁴ o se mea e alu uma ai le malosi ma le lotomauualalo. I le 1838, na tuua ai e Thomas B. Marsh, o le uluai Peresitene o le Korama a le Toasefulua le Ekalesia, i se vaega ona o lona le fiafia i le le 'au atu o taitai o le Ekalesia i lona toalua i se feteenaiga e uiga i le susu. I ona tau-saga mulimuli ane, sa ia faanoanoa i faamanuiaga na ia misia ma toe foi mai ai i le Ekalesia ma fai mai: "E masani lava ona ou manao ia iloa pe na faapefea ona amata lo'u liliuese *[sic]*, ma ua ou oo i le faaiuga atonu na aluese mai i lo'u loto le Agaga o le Alii. . . .

". . . sa ou lagona le ita; ma o le aluese o le Agaga o le Alii, e pei ona fai mai Tusitusiga Paia, sa faatausoina a'u."⁵

- Sa lei faigofie le soifua o le Faaola. Saili ni faataitaiga i mau o taimi ia na faataitaia ai e Iesu le agamalu i le feagai ai ma luitau. Talanoa pe faapefea ona tatou faaaogaina le faataitaiga a le Faaola i tulaga tatou te ono feagai ai i lenei vaitaimi.
- O se tasi o auala e agamalu ai o le auaua atu lea i isi. Mafaufau i faatinoga eseese o le auauanaga e mafai e le autalavou ona faia taitoatasi pe i se vaega.

Punaoa

- Tito 3:2–5; Moronae 8:26; Mataupu Faavae ma Feagaiga 112:13
- Ulisses Soares, "Ia Agamalū ma Maualalo le Loto," *Liahona*, Nov. 2013, 9–11.
- Neal A. Maxwell, "Meekness—A Dimension of True Discipleship," *Ensign*, Mar. 1983, 70–74.



"O Le a E Maua le Filemu ia te A'u"

O le filemu e mafai ona eseese ona uiga i tagata eseese—faamoemoe o le faamalologa e mafai, mauntinoa o loo i ai se auala i taimi faigata, po o le faa-mautinoaina o loo tatou i ai i le ala sa'o.



- Saili ni tala i le auala na maua ai e isi le filemu ia Keriso i le **Mormon.org/easter** ma i itulau e 60 ma le 63 o lenei lomiga. Na faapefea ona e maua le filemu?
- Mafaufau e matamata i le vitio o le Eseta 2017, "Alii o le Filemu," i le **Mormon.org/easter**. Atonu o le a e valaauliaina le autalavou e faasoa atu le vitio i luga o le initonetia ma se molimau i le auala na latou maua ai le filemu ia Keriso.

Punaoa

- Ioane 14:27; Filipi 4:7
- W. Christopher Waddell, "O Se Mamanu mo le Filemu," *Liahona*, Me 2016, 90–93.
- Quentin L. Cook, "Filemu o le Tagata Lava Ia: O Le Taui lea o le Amiontu," *Liahona*, Me 2013, 32–36. ■

FAAMATALAGA

1. Spencer W. Kimball, "Read the Scriptures," *Friend*, Dec. 1985, inside front cover; see also "What I Read as a Boy," *Children's Friend*, Nov. 1943, 508.
2. Russell M. Nelson, "O Perofeta, Taitaiga, ma le Tulafono Faalelagi" (faigalotu i le lalolagi atoa mo talavou matutua, 8 Ian., 2017), broadcasts.lds.org.
3. Thomas S. Monson, "O Le Usiusitai e Aumaia Ai Faamanuiaga," *Liahona*, Me 2013, 89–90.
4. *Merriam-Webster's Collegiate Dictionary*, 11th ed. (2003), "meekness," merriam-webster.com.
5. Thomas B. Marsh, i le *Journal of Discourses*, 5:206–7 (tagai foi "The Faith and Fall of Thomas Marsh," i le *Revelations in Context: The Stories behind the Sections of the Doctrine and Covenants*, Matthew McBride and James Goldberg, eds. [2016], 57–59).



O LE NOFOIA o le Aufono

Uputomua na saunia e Elder M. Russell Ballard o le Korama a Aposetolo e Toasefululu

I le taimi o la'u auaunaga faaaposetolo, ou te faamamafaina soo lava le mamana ma le taua o aufono, e aofia ai aufono a le siteki, uarota, ausilali, ma aiga. Ou te talitonu e faapea, o le galulue ai e ala i aufono o le auala aupito sili lea e maua ai taunuuga moni.

O lenei masina, tatou te faatinoina ai nisi o suiga fai-gofie ae e taua i le mataupu aoaoina lea e suesueina e sui o le Perisitua Mekisateko ma le Aualofa pe a latou feiloai i a latou faalapotopotoga patino i aso Sa taitasi. Efaaopo-o i le suesueina o upu a perofeta soifua mai le konafesi aupito sili ona lata mai, o le a tatou "fono faatasi [ai foi]" (MF&F 107:89) e talanoaina mataupu e feagai ma i tatou ma manaomia ona tatou maua.

AUMAIA O LE MANA E SILI
ATU I SAUNIGA O LE AU
PERISITUA MEKISATEKO
MA LE AUALOFA

Ao tatou aoao e fefautuaai faatasi ia sili atu le mataalia, o le a faamanuia i tatou e le Atua i se faasologa faateleina o faaaliga ma le malamalamā ma le mana sili atu e faataunuui ai Lana galuega.

Saunia e Michael Magleby

Faatonu o Mataupu Aoaoina, Matagaluega o le Perisitua ma Aiga

A o le'i fausiaina lenei lalolagi, sa faataunuua e le Tama Faalelagi Lana galuega e ala i aufono (tagai MF&F 121:32). Amata mai ia Atamu ma Eva, sa saili e le nuu o le Atua Lona finagalo i aufono. O le mea moni, sa faasino e le Atua o Ia Lava o le "Tagata Fautua" (Mose 7:35). I le amataga o lenei tisipenisione, sa amata ai e Iosefa Samita le toefuataiga "o le faatulagaga



o Aufono i aso anamua.”¹ I le aso, e puleaina le Ekalesia e ala i aufono i tulaga uma.

I masina talu ai nei, sa fefautuuai faatasi taitai aoao o le Ekalesia e uiga i le faamalolosia o sauniga o le Aso Sa a le Perisitua Mekisateko ma le Aualofa. O le taunuuga o se mataupu aoaoina fou ua faaautuina *Sau, Mulimuli Mai ia te Au—mo le Perisitua Mekisateko ma le Aualofa*, lea e faateleina ai le faaaogaina o savali o konafesi aoao ma tuuina atu le mana o le fefautuuai i totonu o a tatou korama o le perisitua ma Aualofa.

“I le mea sa tatou i ai, sa tatou faia le tele o mea lelei,” o le sau-noaga lea a Elder Christoffel Golden o le Fitugafulu, o le sa fesoasoani e taitai lenei suiga. “Ae ua finagalo le Alii ia tatou agai i luma. O le a oo mai le alualu i luma o se

taunuuga o lenei suiga ia suesue-inu upu a perofeta soifua ma fono faatasi.”

Talu ai nei, sa fono faatasi ai le Au Peresitene Aoao o le Aualofa ma sui o le Fitugafulu e talanoaina pe faapefea ona valaaulia e le fefautuuai ia faaaliga, faateleina le lotogatasi, ma aumaia le mana. Ua latou ofoina mai mataupu faavae nei, i le iloaina o le a e atiae i luga o nei manatu a o e iloaina ia vaifofo e sao mo oe, o la outou uarota po o le paranesi, ma lau korama po o le Aualofa.

Mana i le Faamoemoega

“Talu ai ona ua outou potopoto faatasi outou lava . . . , ma ua outou autasi e faatatau i lenei mea e tasi, ma sa outou ole atu ai i le Tama i lo’u igoa, o le a faapea lava ona outou maua” (MF&F 42:3).

O aufono o se auala lea tatou te “sailia faatasi le finagalo o le Alii.”² I nisi upu, e le lava tau lava o le faasoa o ni manatu; e ala i le fefautuuai faatasi, tatou te valaaulia faaaliga ia mafai ai ona tatou aoao i le mea e finagalo le Alii ia tatou faia i a tatou tulaga. O le a sili atu ona tatou manuia i le mauaina o se aafiaga faafaaaliga a o tatou manatua mea nei:

1. *Taulai Atu—amata i se mataupu po o se manaoga faapitoa e anoa.* O le taulai atu i se mataupu po o se manaoga e tasi e faateleina ai lo tatou tomai e faia se agai i luma aoga. E fesoasoani foi le taulai atu ia i tatou e vaai ai i tua atu o failogoa e iloa gofie ai (mea o loo tutupu) ma saili mo le malamalama e uiga i mea faavae (i le aisea ma le pe faapefea ona aafia tagata i se mea pepelo). Mo se faataitaiga, atonu tatou te fefautuuai e uiga i le pe faapefea ona fautua ma fesootai atu a tatou talavou i le lagi i lo le talanoaina o le taimi e faaalu e talavou e vaavaai ai i lau.

2. *Vaaiga—tuu ia le mataupu po o se manaoga i se fesili.* O se autu ua tuuina o se fesili e mafai ona fesoasoani e tuuina mai ni malamalamaaga faaleao-aoga faavae. Atonu tatou te fesili ifo, “E mafai faapefea ona tatou talanoaina le tulaga i se auala e aoga ma faamalolina!” po o le “O le a le aoaoga faavae, pe afai e sili ona malamalama ai, o le a fesoasoani e foia le mataupu?”

3. *Mana—saili le faaaliga.* Ao mafai ai e le aufono ona mafaufau i ni vai-fofo, o le faamoemoega o aufono o le iloa lea o le finagalo o le Atua, e le na o le lisi o faiga silisili pe ia faapea atu, “O le auala lea sa faia ai i le matou uarota mulimuli.” E pei ona aoao mai Elder David A. Bednar o le Korama a Aposetolo e Toasefululua, tatou te le manaomia ni fonotaga, tatou te manao-mia ni aafiaga faafaaaliga.³ O le fefau-tuuai faatasi e faaali mai ai ni vaifofo e taitai atu i faatinoga.

Mana i le Auai

“Tofi se faiaoga i totonu o outou lava, ma ia lē tuu atu i tagata uma e tāutala i le taimi e tasi; ae tuu atu i tagata e tautala taitoatasai mai ae tuu i isi tagata uma e faalogologo i ana upu, ina a uma ai ona tautala mai o tagata uma, o le a faapea ona mafai ona faagaeetia ai o tagata uma, ma ina ia mafai ona maua ai e tagata taitoatasai le avanoa tutusa” (MF&F 88:122).

I aufono, o mea e fiafia i ai tagata taitoatasai ma le faalapotopotoga—le uarota po o le paranesi—e o mai faatasi i se auala tulaga ese, aemaise lava pe afai e malamalama tagata auai i mea nei:

1. *O sui taitasi o le aufono e i ai se matafaoi taua.* E tatau i sui o le aufono ona auai ma le malosi i ai ae aua le avea le tele o le taimi o le

aufono. E pei ona aoao mai Paulo, “E le mafai foi i le mata ona fai ane i le lima, E leai sou aoga ia te au; e le mafai foi i le ulu ona fai ifo i vae, Lua te le aoga ia te au. A e sili lava itu tino e ta’ua e vaivai ona sili o lo latou aoga” (1 Korinto 12:21–22).

2. *E saili e sui o le aufono ia faaopoopo le malamalama.* Sa aoao mai le Perofeta o Iosefa Samita “ma tagata taitoatasi, [ae na te le’i tuuina atu se aitema i luma o se aufono mo le iloiloga], e tatau ona mautinoa e mafai ona ia tuuina atu se manatu pupula i le mataupu ae le o le faasalalau o le pogisa, [ma ia maua lona feteenaiga i le amiontonu].”⁴

3. *E saili sui o le aufono ina ia lotogatasi.* E ui i vaaiga eseese, e tuufaatasia sui o le aufono i le sailia ia “maua le taitaiga mai le Agaga Paia.”⁵ Sa i ai se taimi sa saunoa mai ai Iosefa Samita i se taimi o se fonotaga e faapea “ina ia maua faaaliga ma faamanuiaga o le lagi sa tatau ai le i ai o o matou mafaufau i le Atua ma faatino le faatuatua ma avea ma loto e tasi ma mafaufau e tasi.”⁶

Mana i Fuafuaga Faatino

“Ina ia mafai e tagata taitoatasi ona faia e tusa ma mataupu faavae ma mataupu autu e faataatau i le humanai, e tusa ma le faitalia ua Otuu atu ia te ia” (MF&F 101:78).

E le atoatoa se aufono e aunoa ma ni fuafuaga e faatino ai i luga o faaaliga na mauaina. E tatau ona valaaulia tagata auai o le aufono ia faia ni tautinoga faapitoa o le a latou galulue i ai. “I le faaiuga o la outou fonotaga, e tatau ona ia te outou ni tofiga,” o le saunoaga lea a Sister Jean B. Bingham, Peresitene Aoao o le Aualofa. “O le galuega aupito i taua e tupu i le va o fonotaga.”

E taiala e le taitai le aufono agai atu i le malamalama ma le malilie faatasi. Ona ia taitaia lea i le faia ma le faamaumauina o tofiga mo le toe tulitatao i se taimi mulimuli. Ua faaopoopo mai Sister Sharon Eubank, Fesoasoani Muamua i le Au Peresitene Aoao o le Aualofa: “O loo i ai i totonusi o i tatou le mana. Ao tatou fusia i tatou lava e faatino, o le a faapaiaina a tatou taumafaiga e le Alii (tagai MF&F 43:9). O le volenitia mo ma toe lipoti mai i tofiga, o le auga lea o feagaiga o le faatinoga.”

Matafaioi a le Taitai

“Sa le sili atu le lelei o le sa talai atu nai lo le sa faalogologo, pe sa sili atu foi le lelei o le na aoao atu nai lo le na aoaoina; ma sa faapea ona latou tutusa uma” (Alema 1:26).

Ina ia faaleleia a tatou aufono, tatou te aloese mai i manatu o le taitaiga faalelalolagi o le taitaiga. I le malo o le Alii, o le taitai e “tautua a outou uma” (Mareko 10:44). E faapena foi, o le taitai o le aufono, pe o se pule faamolumalu po o se faiaoga, e tuuina atu le taulaiga ae e le o le taulaiga autu. E aloese o ia mai le avea ma tagata e tele le tautala atu pe filifili e faia le faaiguia ao lei faafofoga atu i le aufono.

O le taitai o le aufono e i ai se matafaioi taua i le fausiaina o le faamoemoega, lagolagosua i talanoaga, ma le valaauliaina o tagata auai e faia ni tautinoga ina ia faatino. E sili atu ona lelei ia le faatinoina o le aufono a o faafofoga le taitai o le aufono, taiala, valaaulia, puipuia, ma faamautinoa.

1. *Faalogo.* O taitai lelei e faalogo i le failauga ma i le Agaga Paia. “Ou te talitonu e sili atu le lelei o le faaagaina o le meaalofa o le iloatino,” na saunoa ai Elder Bednar, “pe a tatou faalogo ae le o le tautala.”⁷



2. *Taiala.* E taiala e le taitai o le aufono le talanoaga, e faataga manatu ina ia fatufatua’i. Pe a talafeagai ai, e toe sui e le taitai le talanoaga pe toe taitaia ma le agaga alofa.

3. *Valaaulia.* E auina atu e le Alii ia faaaliga i sui o se aufono. Valaauliaina o tagata uma—e aofia ai ma tagata e le mananao ai—e ofo mai ni manatu e faateleina ai le gafatia o le aoaoina o le finagalo o le Alii.

4. *Puipuia.* E fatua’i ai e se taitai o le aufono se siosiomaga mo le faasoaina saogalemu ma talafeagai e ala i le tausiga mo i latou o e faasoa ma puipuia e faasaga i muimuiga ma le faamasino atu. O autu e maaleale e manaomia le taitaiga ma le faaeteete. O mataupu e le faalauaiteleina e faatumauina faapea.

5. *Faamautinoa.* Ao faasoa e tagata auai manatu ma metotia, e faamautinoa e se taitai ia sao e ala i le ofoina



atu o le talisapaia ma fesoootai manatu e fetaui. E fesoasoani lenei faamautinoaga ia lagona ai e le tagata auai le vaega o le faagasologa faafaaaliga ma faalautele i latou lava ia mautinoa ua fesoasoani lo latou sao.

Mataupu Aoaoina Fou, Tautinoga Fou

Faatasi ai ma lenei tausaga fou ma le mataupu aoaoina fou e oo mai se vaitau o le tautinoga fou. Ua faamanuiaina i tatou i le talalelei toefuataiina a Iesu Keriso. O la tatou tiutetauave ma avanoa le saili mo Lana taitaiga ma fai Lana galuega. O lenei laa i luma i la tatou sauniga o le Aso Sa i le Perisitua Mekisateko ma le Aualofa e le faatatau i le na o le mauaina o se lesona e uiga i le galuega; peitai tatou te “fono faatasi” ma fesoasoani i amioga amiontonu—amioga o le a “uunai atu [ai] tagata e toatele i Siona faatasi ma pese o le olioli tumau-faavavau” (MF&F 66:11). ■

FAAMATALAGA

1. Iosefa Samita, i “Minute, 17 Fepuari 1834,” josephsmithpapers.org.
2. *Tusitalima 2: Taitaina o le Ekalesia* (2010), 2.4.4.
3. Tagai David A. Bednar, “Panel Discussion” (fonotaga faaleaoaoga a le au taitai, Nov. 2010), broadcasts.lds.org.
4. *Aoaoga a le Perofeta o Iosefa Samita*, filifilia e Iosefa Filitia Samita (1976, 268.)
5. *Tusitalima 2*, 3.3.2.
6. Iosefa Samita, i “Minute, 27-28 Tesema 1832,” 3, josephsmithpapers.org.
7. David A. Bednar, “Panel Discussion.”

O LE A LE MEA O LE A ESE I SAUNIGA O LE PERISITUA MEKISATEKO MA LE AUALOFA?

| Aso Sa muamua o masina taitasi, o le a taitaia talanoaga i sauniga o le Perisitua Mekisateko ma le Aualofa e se sui o le au peresitene po o le taitai vaega. O nei sauniga o ni fono lea e “aoao ma faagaeetia” ai i tatou (MF&F 43:8) ao tatou fefautuaai faatasi e uiga i mataupu ma manaoga. O nei talanoaga e taitai atu i le faatinoga—taitoatasai ma se vaega e toatele.

I isi Aso Sa, tatou te lipoti mai ma toe tulitatao i a tatou talanoaga ma tofiga. E pei ona manaomia, tatou te faia ma faamaumau ni tofiga fou. O talanoaga i taimi o nei sauniga e taulai atu i mataupu faavae sa aoaoina i savali o le konafesi aoao ma autu faapitoa na filifili e taitai aoao o le Ekalesia ma e taitaia e se sui o le au peresitene, o se taitai vaega, po o se faiaoga ua valaaufina. O lagona tatou te maua i nei talanoaga e uunaia ai i tatou i faatinoga taitoatasai ma suiga.



Saunia e Elder
M. Russell Ballard
O Le Korama a
Apostolo e Toasefululua



○ LE TAU A E FAAVAVAU ○ LE

Aiga

E matuai taua malumalu i Au Paia o Aso e Gata Ai aua o totonu o malumalu, e faaipoipo ai ulugalii mo le olaga nei ma le faavavau, e le na o le oti latou te mavae ai. E pei ona folafola mai e le Ekalesia i le “O Le Aiga: O Se Fola-folaga i le Lalolagi” i le 23 tausaga talu ai, “O le faaipoipoga i le va o se alii ma se tamaitai, ua faauuina e le Atua ma . . . o le aiga o le totonugalemu lea o le fuafuaga a Lē Foafoa, mo le taunuuga e faavavau o Lana fanau.”¹

Ua faamatala e lenei aoaoga faavae lo tatou tulaga malosi i le aiga. Tatou te talitonu foi e ao ona tatou aapa atu i tagata uma i le malamalama, alofa, ma le agalelei. O le a taulai muamua atu lau tautalaga i mafuaaga faaleaoaoga faavae lea e i ai i

aiga masani se matafaiioi taua i lo tatou Ekalesia. Lona lua, o le a ou faamatala atu le sootaga i le va o lagona faaletapuaiga o loo siomia ai le aiga ma le saolotoga tapuaiga. Ma le mea mulimuli, o le a ou fautua atu ni mataupu faavae taiala i le aapa atu ia i latou o siomia i tatou, e ui i soo se feeseseaiga po o feteenaiga.

O Le Talitonuga o le Ekalesia i le Aiga

Ina ia maua se talaaga i lo tatou talitonuga faaleEkalesia e uiga i aiga, ou te fia sii maia ni upu mai i se pese e masani ona lagiina e fanau e taua “Ou Te Nofo i le Lagi.” E ototo e lenei pese le mea sa tatou o mai ai, le mafuaaga ua tatou i ai iiinei, ma le nofoaga tatou te o i ai. E taua e Au Paia o Aso e Gata Ai o le fuafuaga o le faaolataga—o se fuafuaga e faavavau a lo tatou Tama Faalelagi.

I lana saunoaga na tuuina atu i le taimi o le Konekaresi o Aiga i le Lalolagi i le Aai o Sate leki, Iuta, ISA, sa saunoa ai Elder M. Russell Ballard e faapea, o i latou e talitonu i le faaipoipoga o tu masani e tatau ona maua uma le lagolagosua latou te mafaia e faamalosia ma puipuia ai lo latou faatuatua, aiga, ma le saolotoga.

*Sa ou nofo i le lag i aso anamua;
 Nofo ai ma alofagia e tagata uma. Ma oe foi.
 Tuu mai e le Tama se ata manaia,
 O le lalolagi ma le faaolataga.*

*Manaomia e Tama se tasi e alofa
 Tuu atu lona ola ia tatou toe foi atu ai.
 Sa i ai le isi na saili le mamalu.
 Fai mai Iesu, "Auina a'u ae tuu Lou mamalu."*

*Filifili Iesu e avea ma Mesia.
 Faato'ilalo le oti ma le fili i Lona suafa,
 Maua ai lo tatou faamoemoe i le isi olaga—
 I le lag i o loo faatali mai ai a'u e le Tama.²*

Faatusi ai ma lenei pese i le mafaufau, sei ou faamatala atu ni nai elemene taua o le fuafuaga o le faaolataga lea e faamamafa ai lo tatou tino ola pea ma le natura faavavau ma o tatou aiga.

I le muai olaga, sa tatou nonofo ma le Atua, o lo tatou Tama Faalelagi. O Ia o le Tama moni o o tatou agaga, ma o i tatou o Ana fanau agaga. O le mea lea, o tagata uma o e soifua mai i lenei olaga o uso ma tuafafine faaleagaga.

"O le faamoemoega atoa lava o le Atua—Lana galuega ma Lona mamalu—ina ia mafai e i tatou ona olioli i Ana faamanuiaga uma." O lo tatou filifiliga e usitai pe le usitai i Ana poloaiga e fuafua ai lo tatou taunuuga e faavavau. "O le aiga e totonugalemu i le fuafuaga a le Atua. O Lana Togiola, na faataunuu ai e Iesu Keriso le faamoemoega o Lona Tama ma mafai ai e i tatou taitoatasi ona olioli i se tino ola pea ma le ola faavavau eternal life."³ O noataga o le faaipoipoga ma le aiga ua noatia e ala i le mana o le perisitua e tumau ai i talaatu o le tuugamau pe a tatou faaipoipo "mo le taimi nei ma mo le faavavau atoa" i le malumalu (MF&F 132:7).

Ou te faamoemoe o lenei aotelega puupuu o le a fesoasoani ia te oe e malamalama ai i le auala e fesootai atoa ai lo tatou aoaoga i tu ma aga faaleaiga. E mafai e sosaiete, tulafono, ma manatu laulioa ona sui, ae o le manatu faalesosaiete o le aiga e le mafai ma o le a le suitulaga mo faamoemoe ma le fuafuaga a le Atua mo Lana fanau.

I le lalolagi i le aso, lea ua faateteleina ai le le faatauina o faaipoipoga ma fanau, e le tu na o Le Ekalesia a Iesu Keriso o le Au Paia o Aso e Gata Ai i le faailoaina o tu ma aga

masani faaleaiga o se tasi o ona elemene faaleaoaoga faavae auptio taua.

Na saunoa mai Pope Francis, "Na Ia [le Atua] foafoaina alii ma tamaitai mo le fiafia, e fefaaosoai lo la malaga ma se isi e faaatoatoaina, ia aumau ai i aafia matagofie o le alofa: ia alofa atu ma ia alofaina, ma vaai lo la alofa o fua mai i fanau."⁴

Ua tautino mai e le Ekalesia Papatiso i Saute: "O le faaipoipoga o le tuuafasia o se alii ma se fafine e toatasi i le tautinoga o le feagaiga mo le olaga atoa. . . . E tutusa le taua o le tane ma le ava i luma o le Atua, talu ai na foafoaina uma i laua i le faatusa o le Atua."⁵

O lo tatou talitonuga faaleaoaoga faavae e uiga i aiga e faavavau ma faamatalaga a isi taitai Kerisiano ua faigofie atu ona malamalama i le aisea ua tatou matuai tuuto ai e faafaillei, puipuia, ma uunaia tu ma aga masani faaleaiga.

Lagolago Faalelalolagi mo Manatu Faletapuaiga

Ua i ai i latou o e manatu o na aoaoga faavae ma faamatalaga o ni leo faalelotu faavalevaleda. Ae peitai, sa taumafai malosi le Faamasinoga Maualuga a le I.S ia Iuni 2015 e faailoa atu o tagata faamaoni ma mafaufau lelei e mafai ona umia se manatu e ese mai ai, e oo lava i le faailoaina o le faaipoipoga o le itupa e tasi:

"E paia le faaipoipoga ia i latou o e ola ai i o latou tapuaiga. . . .

" . . . O loo i ai tulaga e tele i le matagofie o le faaipoipoga i anotusi o tapuaiga ma taimi lautele faalefilosofia, aganuu, ma faatuatuaga, e oo lava i faatufugaga ma tusutusiga i o latou tulaga uma. E talafeagai ma tatau ai le fai atu o nei manatu sa faalagolago i luga o le malamalamaaga o le faaipoipoga o se tuufaatasiga i le va o tagata e toalua o itupa eseese. . . .

" . . . O le faaipoipoga, i lo latou silasila, e ala i lona natura o le tuuafasia o le alii ma le fafine o itupa eseese. Ua leva ona i ai lenei vaaiga—ma e faaauau pea ona i ai—i le faatuatu lelei e ala i tagata mafaufau lelei ma faamaoni iienei ma i le lalolagi atoa."⁶

Sa faailoa mai ma le sao e le Faamasinoga Maualuga e faapea e toatele tagata faamaoni ma mafaufau lelei i le lalolagi e faaauau pea ona faailoa mai tu ma aga o le faaipoipoga.



Faatuatua, Aiga, ma le Saolotoga

O le malamalama ai e mafai e tagata mafaufau lelei ma faamaoni ona silasila i le faaipoipoga ua na o le va o tagata o le itupa eseese, e tatau i manatu lautele ona lagolagoina, ma e tatau i saolotoga faalelotu ona puipui, ia ituaga o manatu. E moni, aua e mafai e talitonuga faalelotu ona aafia ai le auala e silasila ai tagata talitonu i le faamoemoga moni o le olaga, o ia manatu o le a tau mai ai le auala latou te fegalegaleai ai ma le lalolagi.

Ua faamanatu mai ai ia te au ni tala o tala fou e uiga i fanau laiti e ona le faiaoga o le aoga na faitau se tala ia i latou e uiga i ni perenise se toalua ua faamamai i le alofa. Sa tuuina atu e le faiaoga lenei anomea ma le leai o se lapataiga po o se faasilasilaga. Ina ua fai atu matua e logo i latou pe a toe faitauina lenei tala i le lumanai, sa teena e le aoga.⁷

Pe faamata e afaina moni taitai o le aoga e tuu atu i matua e aveese a latou fanau pe afai o anomea na aoaoina e le tusa ai ma o latou talitonuga? O le faaiuga a le aoga na foliga mai o se osofaiga tuusao i le matafaioi a matua i le tausiaina o a latou fanau.

Ua tatou ola i se vaitaimi faigata. E masani lava o le ioeina e foliga faigata ma mamao. Tatou te faalogo i tala o tagata o e taumafai e ola ai i o latou talitonuga, i le tuuaia ai i le tulaga faatonuina, i le tuuaia ai i le manatu faapito

po o le le talitonu po o le faasalaina i se tulaga e foliga e le talafeagai.

O le tele o atunuu e toetiti 200, e aofia ai le Iunaite Setete, e taliaina le aia tatau a matua i le aoaoina o o latou fanau pe latou te le Osia Feagaiga Faavaomalo o Feagaiga ma Aia Tatau. O le tusiga 18 o lenei feagaiga ua faapea mai, “O . . . Itu . . . e uia ina ia faaaloalo mo saolotoga a matua . . . ina ia mautinoa ai o aoaoga faalelotu o le mama o a latou fanau ia fuatasi ma lo latou lava talitonuga.”⁸

O lenei puipuiga o aia tatau faalevaomalo e ogatusa ma le tulaga o le Ekalesia, lea e taua i le folafolaga o le aiga: “Ua i ai i matua se tiute paia e tausia a latou fanau i le alofa ma le amiontonu . . . ma ia aoao i latou e alolofa ma feauaunaai, [ma] ia tausia poloaiga a le Atua. . . . O tane ma ava—tina ma tamā—o le a latou tali atu i le Atua mo le faataunuina o nei mea e ao ona faia.”⁹

Atonu e foliga mai o loo faasagatau mai manatu ia i tatou, ae o ia te i tatou le tele o lagolagosua e faaauai ai ona uumau i a tatou vaaiga o tu ma aga o le faaipoipoga. Ua ou faailoa atu na o ni nai punavai. E tele isi punavai o loo i ai.

E tatau ona tatou aoina mai lagolagosua uma tatou te mafai e faamalosia ma puipuia ai lo tatou faatuatuaga, aiga, ma saolotoga. O loo taumafai malosi nisi e aveese nei aia tatau mai ia i tatou. Sa lipoti mai e se tasi o tala le tele o

le miliona ua faaaluina e taumafai e faatoilalo le puipuiga o saolotoga o tapuaiga i le Iunaite Setete.¹⁰

E tusa ai ma nei ituaiga o taufaafefe, ou te talitonu na sili atu ona tuuina e lau uo o Elder Dallin H. Oaks o le Korama a Aposetolo e Toasefululua: “E tusa lava pe tatou te saili atu ia agamalu ma aloese mai finauga, e le tatau lava ona tatou fetuunaia pe faavaivaia lo tatou tuuto i upumoni ua tatou malamalama i ai. E le tatau ona tatou lafoaia o tatou tulaga po o tulaga faatauaina.”¹¹

Afai e faamaoni i latou o e tetee ia i tatou i o latou tau-tinoga i tulaga faatauaina o vaega eseese ma mea e tutusa ai, e ao ona tatou galulue faatasi e saili le agaalofa ma le filemu. O le faamalosia o talitonuga o se tasi i luga o se isi tagata, e pei ona tupu i fanau sa faiata i ai anomea e feteenai i moomooga o o latou matua, e tuuitiitia ai le tele o vaega ma motugaafa o tulaga o le tutusa. I le auai i le ioeina ma le tuuina atu o le alofa i fanau uma a le Atua, o o tatou uso ma tuafafine, e mafai ona tatou fatuina se sosai-te eseese o manatu ma talitonuga filemu.

Mataupu Faavae Taiala i le Alofa i Le Tasi ma Le Isi

O lea la ua ou faamatalaina le ttau o tu ma aga o le faipoipoga ma le tatau ona tatou puipuia o o tatou aia tatau, sei ou faamatala atu pe aisea e tatau ai ona tatou tuuina atu se lima o le faaaumea ia i latou o e tatou te le malilie faatasi. Sa poloai mai Iesu Keriso:

“Ia outou alolofa atu i e ua ita mai ia te outou, ia outou faamanuia atu i e ua fetuu mai ia te outou, ia outou agalelei atu i e ua inoino mai ia te outou, ia outou tatalo foi mo e ua tuuaifua mai ma faasaua mai ia te outou.”

“Ina ia avea outou ma fanau a lo outou Tamā o lē o i le lagi” (Mataio 5:44–45).

E pei lava ona le tatau ona tatou teena tagata o aiga o e tatou te le malilie faatasi, e le mafai ma e le tatau ona teenainai i latou o e ese le vaai pe mafaupe amioai nai lo mea tatou te faia. Tatou te faatino lo tatou tagata silisili pe a tatou faaali atu le alofa ma le agalelei i fanau uma a le Atua. Tatou te faatino lo tatou avea ma soo pe a tatou teena uiga mataga, pe a tatou teena faailoga taufaifai, ma pe a tatou ulu atu i nofoaga lautele e saili taunuuga talafeagai e ala i le malamalama ma le faaaloalo.

Sa lagolagoina talu ai nei e le Ekalesia le tulafono lea na fetaui ma popolega o le nuu o LGBT i popolega a i latou



o e na i ai ni maaleale faaletapuaiga i tu ma aga masani. E puipuia e le LGBT tagata mai le faamaloloina po o le teenaina o le maua o fare ona o lo latou faasinomaga po o le tulaga faalefeusuaiga. I le taimi lava e tasi, e puipuia le manatu faaletapuaiga ma aia tatau e faatino ai talitonuga loloto faaletapuaiga e ala i lenei tulafono malosi.¹²

E leai se tasi o ia vaega e na ausia mea uma na mananao ai, ae o lo matou galuega ma le nuu o le LGBTma Faitulafono a Iuta na faaitiitia ai le fevaevaeiga i o matou nuu e aunoa ma fetuunaia i luga o mataupu faavae autu.¹³ E mafai ona tatou alolofa i le tasi ma le isi e aunoa ma le fetuunaia o mataupu faavae paia faaletagata lava ia. Ma e mafai ona tatou talanoa i na mataupu faavae e aunoa ma le tuuitiitia o isi.

O Iesu Keriso o se faataitaiga sili o le alofa atu i isi. I nai itula a o lei amata e Ia le faagasologa tiga o le totogiina mo agasala a i tatou taitoatasi, sa Ia feiloai ma Ona aposetolo e taumafa i le Tausamaaga o le Paseka—Lana Tausamaaga Mulimuli—ma tuu atu ia i latou faatonuga mulimuli na Ia ofo atu i le olaga faaletino. I Ana aoaoga, o le tautinoga musuia, e suia ai le olaga “O le poloaiga fou ou te tuu atu ai ia te outou, ia outou fealofani; faapei ona ou alofa atu ia te outou, ia fealofani foi outou” (Ioane 13:34).



E mafai ona tatou faapatino ma faamemelo e uiga i manuia o le faaipoipoga o le alii i le tamaitai e aunoa ma le le faaloalo pe faamanualia i latou o e ese o latou manatu. E tusa lava po o a talitonuga po o faatinoga, i le avea ai o ni uso ma ni tuafafine e tatau ona tatou taumafai e malamalama i le tasi ma le isi. Ia manatua i le iuga, pe faaipoipo pe nofotoatasi, o i tatou o se vaega tulaga ese o le fuafuaga tele a le Atua.

Faaiuga

Na fasiotia le Perofeta o Iosefa Samita ma Ailama lona uso i le aso 27 Iuni, 1844, e vaega faatupuvevesi a o taofia i laua i le puipuiga a le setete. I le mavae ai o lo la faamatuina, na faamatauina e tagata faatupuvevesi sauaga i tagata o le Eklesia a o latou fausia le Malumalu i Navu. Ae sa latou fausia pea e tusa lava pe na iloaina atonu latou te tuua le malumalu. A o lei tutuli ese e tagata leaga, sa latou auai atu i le malumalu i le ao ma le po e osia folafolaga paia lea e tuufaatasia ai i latou e faavavau o ni aiga.¹⁴

I le faia o savaliga sopo i le Vanu o Sate Leki, o matua o matua matutua i itu uma o lou tina ma lou tama sa totogia se tau maoae i le mafatia ma faigata. Sa tuuese-eseina aiga paionia e ala i le maliu, ma e ui i le tanuina o fanau, taitoalua, matua, matua matutua, ma uo i le

ala i sisifo, sa latou faaaauau pea i luma.

O lo latou faatuatua i se fuafuaga paia na mamanuina e ni Matua Faalelagi o e alolofa i ai tatou na tuuina atu ai ia i latou le lototele e feagai ai i luitau ogaoga. Sa latou saili se nofoaga lea, e aunoa ma ni sauaga, e mafai ai ona latou tausi ae o latou aiga ia alolofa i le Atua ma auauna atu ia te Ia. Ou te faafetai ia i latou mo le taitaiina o le ala.

O le aoaoga faavae ma le mataupu faavae o Le Eklesia a Iesu Keriso o le Au Paia o Aso e Gata Ai e amata ma faaiu moni i le aiga. Ou te toe fai atu mea sa ou tau atu muamua: tatou te talitonu sa tatou nonofo muamua o ni aiga o le Atua a o lei i ai lenei olaga o ni sui o le aiga faaleagaga, ma o ni fanau a ni Matua Faalelagi, e tatau ona tatou saunia a o i ai i le lalolagi e toe foi atu e maua faamanuiaga folafolaina ia i latou o e tausia poloaiga a le Atua.

O lenei malamalamo o le a saunia ai tatou taitoatasi mo lena aso pe a tatou feoti ma iloa moni, i lo tatou toe foi atu i le afioaga paia o le Atua, o le faamoemoega moni o Lona fuafuaga mo i tatou. Ma e pei ona faamauina i le folafola o le aiga, “Matou te valaau atu i tamalii ma failauga ma taitai o malo i soo se mea ina ia faalauiloa atu na fua faatatau ua fuafuaina ina ia faatumauina ma faamalosia le aiga o se iunite faavae o malo.”¹⁵ ■

Mai i se saunoaga na tuuina atu i le aso 27 Oketopa, 2015.

FAAMATALAGA

1. “O Le Aiga: O Se Folafolaga i le Lalolagi,” *Liahona*, Nov. 2010, 129.
2. “Ou Te Nofo i le Lagi,” *Liahona*, Ape. 1999, 5.
3. *Tala'i La'u Talalelei: O Se Taiala mo le Galuega Faafaifeautalai* (2004), 83.
4. “Pope Francis's Homily at the Family Synod's Opening Mass,” *Catholic Herald*, Oke. 4, 2015, catholicherald.co.uk.
5. “Basic Beliefs: Family,” Southern Baptists Convention, sbc.net/aboutus/basicbeliefs.asp.
6. Obergefell et al. v. Hodges, 576 U.S. (2015), supremecourt.gov.
7. Tagai “Teacher, School Sued over Gay Fairy Tale,” NPR, Ape. 27, 2006, npr.org.
8. “International Covenant on Civil and Political Rights,” Article 18, United Nations Human Rights, ohchr.org.
9. “O Le Aiga: O Se Folafolaga i le Lalolagi,” 129.
10. Tagai Kevin Jones, “LGBT Grant-maker Wants to Win Religious Liberty Fight within Three Years,” Catholic News Agency, July 29, 2015, catholicnewsagency.com.
11. Dallin H. Oaks, “Ola Faatasi ma Alolofa atu i Isi e Eseese o Tatou Talitonga,” *Liahona* Nov. 2014, 26.
12. Tagai Dennis Romboy, “LDS Church, LGBT Advocates Back Anti-Discrimination, Religious Rights Bill,” *Deseret News*, Mat. 4, 2015.
13. Tagai “Utah Lawmakers Introduce Bill Balancing Religious Freedom and Nondiscrimination Protections,” Mat. 4, 2015, mormonnewsroom.org.
14. Tagai *Church History in the Fulness of Times Student Manual*, 2nd ed. (Church Educational System Manual, 2003), 302–04.
15. “O Le Aiga: O Se Folafolaga i le Lalolagi,” 129.





A o amata ona faigata le olaga i tausaga talavou o Amanda, sa ia aluese mai le Ekalesia ma saili mo ni aafiaga fou. Ina ua manae le tele o tausaga, sa lagona e Amanda le gaogao O le mauaina o le fiafia na amata i se fesili taua.

CODY BELL, LE PUEATA

Amanda Jiri

Cape Town, Aferika i Saute

Sa ou le toe toaga i le lotu mo le pe a ma le valu tausaga. I le faagasologa o lenei taimi, sa ou faauo atu i ni uo sese. Sa matuai tigaina le ma'i o lou tina. Sa ou faanoanoa. Sa ou lagona le leai o se faamoemoe. Sa amata ona ou mafaufau, "O le a le taimi mulimuli lava sa ou fiafia moni ai?"

Ona ou mafaufau lea i le taimi sa ou i ai i Tamaitai Talavou. Sa ou iloaina o le taimi mulimuli lena sa ou lagona ai le fiafia moni. Sa ou fuafua ia toe foi i le lotu i le Aso Sa a sau. Sa ou feiloai ma le peresitene o le paranesi ma amata la'u faiga-malaga o le salamo.

I se taimi puupuu mulimuli ane, sa valaauiua au e galulue ma Tamaitai Talavou. Ina ua matou taulotoina le autu a Tamaitai Talavou, na vave lava ona ou manatuaina! I le asō, o taimi uma lava ou te tauloto ai le autu, ou te mauaina se faamaoniga faapea o le Ekalesia o le nofoaga lea e tatau ona ou i ai.

SAILI NISI MEA

Tagai i nisi mea e uiga i le sailiga a Amanda mo le fiafia i le liahona.lds.org.

Aoao atili e uiga i le auala e saili ai le fiafia mai ia Perestiene Thomas S. Monson i le lds.org/go/11839.

TALI I TATALO A LE TASI MA LE ISI

Ao tau faaiuiuina la'u misiona i le Misiona a Ilinoi Sikako i Saute sa ou mauaina se faatagaga faapitoa e asiiasi atu i se eria muamua ma faia se taumafataga o le afiafi ma le aiga o Tremillo. Sa ou galue i lo latou uarota mo le tausaga atoa ma ua mafana se fegalegaleaiga ma i latou.

I le taimi o le taumafataga, na uunaia a'u e Brother Tremillo e faasoa atu se savali o le fiafia e le itiiti ifo ma le tasi i lo'u agai atu i le fale. Fai mai a ia o le a tuu e le Alii se tasi i la'u faigamalaga lea o le a manaomia ai la'u fesoasoani. Sa ou folafola atu ia te ia o le a ou faia.

Mai lena taimi i le taimi sa ou tuua ai Sikako, sa ou tatalo foi ia maua se faamautinoaga o le a talia e le Alii la'u taulaga o le auauna atu i se misiona.

Tolu vайaso mulimuli ane, sa ou ulu

atu i le vaalele lea o le a aveina a'u i le fale. A o ou agai atu i lo'u nofoa, sa tilotilo mai i luga le tagata sa i le nofoa e sosoo ma a'u. "Leai!" na ia fai mai ai. "Ou te le talitonu i ai!"

O lou manatu muamua lava, "Lelei, e ita i Mamona!" Ina ua ou nofo i lalo, sa ia tau mai o lona igoa o Keli ma o ia o se tagata faatoa liliu mai. Sa ia faaalia lona fiafia i le nofo o se faifeautalai i ona autafa. Fai mai Keli o le tagata mulimuli sa nofo i ona autafa o se tagata e tetee i Mamona ma sa le lelei le auala na ia faaalia ai ona manatu e uiga i le faatuatuaga fou a Keli. Sa popole Keli ma na i ai ni ana fesili. Sa ia tatalo mo ni tali ma le faamafanafanaga.

Sa ou tatalo i lo'u loto ma molimau atu i le moni o le talalelei ma i le alofa o le Atua mo Ana fanau e aofia ai ma


ia. Sa ou tau atu ia te ia e uiga i le fautuaga sa ou mauaina mai ia Brother Tremillo. Sa ou fai atu na saunia e le Atua lenei taimi faapitoa mo ia.

Ma loimata i ona mata, sa faafetai mai Keli ia te a'u. Sa ia fai mai foi, "E mafai ona ou tau atu sa e avea ma se faifeautalai lelei ma ua talia e le Alii lau taulaga." I lena taimi, sa ou lagona le alofa tele o le Atua mo a'u. O lo'u taimi la lea e tagi ai. Faatasi ai ma loimata i o'u mata, sa ou faafetai atu ia Keli ma tau ia te ia o ia o se tali i la'u tatalo. Sa ou taliina nisi o ana fesili, ma sa fesuiai a ma'ua tuatusi imeli.

Na tulauelolele le ma vaa ma ma talotalo faatofa atu a o ia savali atu i le isi ana vaalele. Ou te faafetai pea sa naunau le Tama Faalelagi ia faamanuia i tatou i se auala agamalu. ■

Levi Kempton, Arisona, ISA

Ao ou agai atu i lo'u nofoa, sa tilotilo mai i luga le tagata sa i le nofoa e sosoo ma a'u. "Leai!" na ia fai mai ai.



TAUSIAINA O LAU PEPE UA MAI MA LOU VALAAUGA

na ua valaau au e galue o se fesoasoani i le faalapotopotoga o Tamaitai Talavou i lau uarota, sa ou talaina le valaauga, ae sa ou popole e uiga i le auala e faia ai. Sa ou lagona le le sauania, ma sa ou tauivi ma se tofotofoga.

E tolu masina a o lei mauaina lenei valaauga, i le mavae ai o se maitaga e ogaoga tulaga lamatia, sa fanau mai lau pepe tama, o Nikolai. Sa ia manao-mia le tausiga faafomai faifai pea. I ni nai vайaso i le mavae ai o lona fanau mai, sa i ai se vaega mumu i luga o lona mata ma amata ona tuputupu ae lemu. Sa faamatala mai e lo matou fomai o se tuma [tumor] o le benign e le lamatia ma e aluese pe a mavae le tasi tausaga o Nikolai. Ae sa vave le tuputupu ae o le tuma [tumor] Sa i ai i lona mata ma e iu lava na leaga tumau ai lona vaai pe a le togafitia.

Sa ma faia le faaiuga faigata e amata togafitiga e foia ai. Sa lei tali atu le tino vaivai o Nikolai i togafitiga. Sa ia fiva i aso uma, siama faifai pea, ma le maualalo o le mamafa. O le faagasologa na tagi soo ai o ia. Sa amata ona faigata ma sili atu ona faigata le faataunuina o lou valaauga i nei tulaga. Ou te le iloa pe faapefea ona ou faia.

Faafetai ai, na lagolagoina au e lou toalua. Sa ma lagona faatasi le tatau

ona faaaauau pea. Sa lagolagoina foi au e le peresitene o Tamaitai Talavou. O ia o se uso faamaoni ma onosai. Sa ia fesoasoani ia te au e vaai i tulaga lelei ou te iloa sa ou maua ma fesoasoani ia te au e saili auala ou te auauna ai ou te lei mafaufauina.

O le i ai ma tamaitai talavou i vai-aso taitasi na fesoasoani ia te au ia aua nei taulai i tui, suesuega, ma fomai. Sa taofia au mai le maumau o le taimi e lagona faanoanoa ai mo au lava po o le fesiligia pe aisea na tupu ai lenei mea i lau agelu laitiiti. O lou valaauga, sa o se faamanuiaga, ma ae ou te lei iloaina, sa tuputupu ae Nikolai ma na foia togafitiga. Sa amata ona avea Nikolai ma se tamaitiiti fiafia ma maloloina lea sa faatumulia i le malosi.

O le auauna atu i na afafine lototoa a lo tatou tama Faalelagi na fesoasoani ia te au e faatoilalo lagona o le le atoatoa, atiae sootaga faaleuo e faavavau, iloa au taleni, ma faaleleia ou tiutetauave o se tina ma se ava.

E le aveesea i taimi e le Alii tofotofoga mai ia i tatou, ae ua ou iloa ma lou loto atoa e naunau pea o Ia e fesoasoani ia i tatou ia maua le malosi e feagai ai mai latou. ■

Ariele Queiroz Meyer Fischer,
Santa Catarina, Pasila



Sa amata ona faigata ma sili atu ona faigata le faataunuina o lou valaauga i le Tamaitai Talavou. Ou te le iloa pe faapefea ona ou faia.

O LA'U TATALO I LE TAUALUGA

se tasi aso timuga, sa ou alu ai i le potu i luga o le fale ma iloa ai se tutulu. Sa liki mai le vai i pito fao i le va o faalo e lua. I tausaga ua mavae, sa ou faia le tele o lipeaga i lo'u fale ma sa ou le fefe e taumafai ni galuega faatino fou. Ae o le taimi lenei sa ou feagai ma tauiviga faaletagata lava ia ma le leai o se talitonuga. Sa ou lagona le leai o se malosi faalelagona e faaleleia ai le tutulu, e ui sa ou iloa e tatau ona faaleleia a o lei oo mai le taumalulu.

I le vайасо po o le lua mulimuli ane, sa ou alu i luga o le taualuga ma se tamai naifi, se naifi mafolafola, ma se fana faapipii e tumu i le ta o le taualuga. Sa ou faapea na o le fia maua lava o le mea o loo tutulu ma ufiufi loa i le ta. Peitai e leai ma sou iloa po o fea tonu le mea o loo tutulu. Sa ou lagonaina le lotovaivai. Sa ou tu ma faia se tatalo, ole atu i le Alii e taitai a'u

i le nofoaga sa'o ina ia mafai ona ou lipeaina le tutulu. Sa ou faamoeomeo o le a Ia faaali mai ia te a'u le nofoaga. Ae, e tasi lava le upu na oo mai i lo'u mafaufau: *sue*.

E le o se tali lea sa ou manao i ai, peitai sa amata ona ou tilotilo solo. Sa taulai atu ou mata i se ala savali. Sa ou aumaia i lalo ni tamai faaputuga oge e lua i autafa o le ala savali ma iloa atu ai le mea na foliga mai o le mafuaaga lea o le tutulu. Sa ou aveesea mai le ta tuai ma matutu ae tuu i ai se vaega tele o le ta fou. Sa ou suia ia faaputuga oge, ma i le itiiti ifo ma le tasi le itula ua maea la'u galuega. Na mouese atu ou lagona popole, ma sa ou maua le fiafia e uiga ia te a'u lava mo le mea sa ou faia e foia ai le faafitali. I le taimi o le isi timuga, sa ou vaavaai i le potu i luga mo ni tutulu ma iloa ai o loo mago!

Sa ou mafaufau ia Oliva Kaotui, o le sa "lei mafaufau i ai ae nao [le] ole mai" (MF&F 9:7). E pei o ia, sa ou faamoeomeo o le a na o le tuu mai ia te a'u e le Alii o se tali vave i la'u tatalo e aunoa ma so'u taumafaiga. Ma sa ou mafaufau i le faafiafaina o lo'u agaga ina ua ou tuuina atu i ai sau lava taumafaiga e "suesue i ai" (MF&F 9:8)—ia saili. Sa ou aoao o le a le faia e le Alii mea uma mo i tatou. O le a Ia fesoasoani ma tai-alaina i tatou, ae ua faamoeomeina foi i tatou ina ia faia mea uma e mafai ona tatou faia mo i tatou lava aua e aumaia ai le tuputupu ae faaletagata lava ia. ■

Valiant K. Jones, Michigan, ISA

Sa na o lou fia mauaina o le mafuaaga o le tutulu, ae sa leai sou manatu po o fea, o lea sa ou tu ai ma faia se tatalo.



O SE TAUNUUGA LENEI O LO'U OLAGA?

Sa avea a'u ma se tama malosi o se fanau aulelei e toalua ma o se tane i se ava lelei ma galue malosi. Sa i ai sau galuega lelei ma se totogi lelei. Sa foliga atoatoa le olaga, ae na amata ona le sologa lelei ina ua ou maua i le kanesa, o se ituaiga o kanesa o le ulu ma le ua.


Sa ou galue o se fesoasoani i le epi-kopo i lena taimi, ma sa faia se matou tauvaga pasiketipolo faaleausaga i le falesa ae ou lagona le matua mai lava. Sa ou alu e vaai le fomai, ma ina ua mavae ni suesuega i le falesue toto, sa ia tau mai ia te a'u ua ou maua i le laasaga 4 o le kanesa o le ulu ma le ua. Sa ou popole ma fefe. Sa ou mafaufau pe o le taunuuga lenei o lo'u olaga ma o le a se mea o le a tupu i lo'u aiga pe afai ou te oti. Na pau le mea e mafai ona ou faamoemoe moni lava i ai mo le taitaiga ma le faamafanafanaga o le tatalo i le Tama Faalelagi.

Ina ua mavae aso e tolou o le tatalo e le aunoa, sa ou lagona le pei o musu-musu mai se leo filemu, "Aua e te fefe."

Mai lena lava taimi, sa ou le toe mafaufau i le fefe i le oti. Sa faigata pea lava mea mo a'u. Sa i ai se taimi na le mafai ai ona ou foloina se meaai ma sa ou ma'i tele ua le mafai ai ona ou moe, ae sa ou le faavaivai pe liliu ese mai le Atua—ma sa Ia fesoasoani mai ia te a'u.

Ua silia ma le 18 tausaga talu ona faaleleia lo'u kanesa. Ou te leiloa po o le a le umi ua faataga ai a'u e le Atua ou te ola ai ae ou te fafia o loo mafai lava ona ou auauna atu i o'u uso ma tuafafine. Ou te iloa e le tuua lava pe tuulafoaia i tatou e lou tatou Tama Faalelagi. Ma afai tatou te mananao ia maua faamanuiaga mai le Atua, e le mafai ona tatou tuua pe tuulafoaia o Ia. ■

Samson Ho, Hong Kong, Saina



Vave ona Taunuū i le Aiga nai lo le Fuafuaina

Saunia e Destiny Yarbro

Sa auauna atu ou matua uma i ni misiona. Sa ou faalogo i o la tala o le misiona i lou laitiiti ma moemiti ai i le aso e mafai ai ona ou auauna atu i le Alii o se faifeatalai faamisiona.

O le saunia mo lou misiona sa avea o se tasi o taimi aupito sili ona pele i lou olaga. Sa sili atu lou latalata i le Alii nai lo se isi lava taimi muamua. Sa ou maua lou valaauga o le misiona i le Misiona o Budapest Hanikeri ma ulufale ai i le Nofoaga Autu e Aoao Ai Faifeatalai i Provo (NAF), ma naunau e tuu atu mea uma o ia te au i lou Tama Faalelagi.

O le i ai i le NAF sa avea o se aafiaga faaleagaga matagofie mo au. Ao ou latalata atili i le Alii, sa ou tatalo faamaoni sa ou naunau e faia soo se mea Na te finagalo ma folafola atu ou te alofa ma lou loto atoa i tagata Hanikeri.

I le latalata i le faaiuga o lau aafiaga i le NAF, sa amata ona ou mai. I le mavae ai o se taimi puupuu i le aiga ina ia toe malosi, sa ou maua le avanoa e faaaauai ai lau misiona i Hanikeri.

Sa ave au i se faiaoga lelei, o Sister Sunshine Nestor, o le sa aoao au i auala e iloa ai le alofa mutimutivale agalelei o aso uma ma vavega a le Alii.

I le mavae ai o ni nai masina, sa toe amata ona ou mai. E ui lava sa ma galulue ma Sister Nestor i le mea sili ma te mafaia, sa tatau lava ona ou toe foi mai i le fale.

I lou mafaufau sa ou faatoilaloina le Alii ona sa ou le auauna atu i se misiona "atoa". Sa uunaia au sa i ai lava ni tagata Hanikeri sa "ao ona [ou]" aoaoina pe ana ou le toe mai. Sa ou mafaufau pe na ia te au le lava o le faatuatua e malolo ai aua, pe a mavae uma, e puipuia e le Alii Ana faifeatalai. Ou te lei mafaufauina *lava* o lau taulaga i le Alii e le o le avatu o se tausaga ma le afa o lou olaga, ae nai lo le ositaulaga o le ituaiga o misiona na ou mafaufauina.

O Lau Sailiga mo le Uiga i le Aiga

A o ou savali ese mai le vaalele i le foi mai i le fale, sa le mafai ona ou mafaufau ua ou tuua le galuega sili ona taua o lou olaga i le misiona. Sa

E tele auala e faaaauai ai ona auauna atu i le Alii ma iloa le uiga i le mavae ai o le toe foi vave mai i le fale mai se misiona.

alu ai le taimi, ae sa ou aoaoina o loo i ai galuega i le aiga e aumaia ai foi le uiga i lou olaga.

E ui i ou mafuaaga mo le toe foi vave mai mai lau misiona nai lo le mea na mafaufauina, filifili i le aso lenei e faia lenei aafiaga o se laa *i luma* i lou alualu i luma, ae le o se laa i tua. Sa ou sau i le fale mo mafuaaga o le soifua maloloina, ae o isi na o mai i le fale mo le tele o mafuaaga, e aofia ai solitulafono. O le taunuuga, o nisi o manatu o loo i lalo atonu e le faatatau



i lou tulaga. Tatalo i le Alii ia maua ni auala e auauna atu ai ia te la mai le fale. Mo se faataitaiga, afai na sau i le fale mo le solitulafono ma e le o agavaa lava e auai i le malumalu, e mafai lava ona e sailia le uiga a o e savali e le aunoa i autafa o le lotoa o le malumalu ma tautino atu e i ai se aso e toe foi ai i Lona maota paia.

E ese mai le faitauina o au tusutu-siga paia, tatalo, ma le auai i le lotu, o laasaga taitasi nei i lau malaga sa taua i lou faamaloloina.

1. Tumau Ai i le Fesootai Atu

O lou laasaga muamua i le sailia o le uiga i lou olaga o le tumau ai i le fesootai atu i le Au Paia ma faife-autalai i Hanikeri. Mo se taimi umi, sa ou naunau e faatalitali mo aso faa-sauniuni pe a ou mauaina imeli mai ia Sister Nestor ma au soa o le NAF. Ou te tautino atu; sa le faigofie i nisi taimi le faitau e uiga i misiona a au soa pe talanoa ma tagata Hanikeri sa ou matuai misia lava. Ae a o ou toe vaai i tua, ua ou iloa sa taua i lou faamalologa le faalogo e uiga i vavega na tutupu ai iina.

2. Faatulagaga o Igoa i le Initoneti

O lou uso laitiiti, sa uunaia lemu e lou tina atamai, sa tauanau au ia amata ona faavasega ia igoa. Sa ou faia muamua lisi o igoa e faamalie ai o ia, ae i se tasi aso sa oso ae ai i luga se pepa lesitala o igoa Hanikeri i luga o lau lau. Sa oo mai le Agaga i luga ia te au ma aoao au e mafai lava ona ou fesoasoani e aumai agaga Hanikeri ia Keriso—i na o tagata i *leisi* itu o le veli!

3. Faatuina o Sini

I le maea ai o le misiona, sa foliga mai o au sini uma o le olaga ae lei faia le misiona sa le mafai ona ausia i lou tulaga fou o le soifua maloloina. Ae i

le aluga o le taimi sa ou iloa ai sa i ai sini e mafai ona ou ausia a o taotooto i lalo. Sa ou taua sini e pei o le fai-tauina *Jesu le Keriso* o “sini e ausia a o taotooto i lalo” ma galue ia i latou i aso uma.

4. Toe Foi i le Aoga

O se tasi o au sini ae lei alu i le misiona o le faauu mai le kolisi. A o avea ai le auai i vasega ma faigata i lou mai ma taimi faatulagaina o le fomai e le aunoa, sa uunaia au e lou tama e ave ni vasega i le initoneti mai le Suesuega o le Tagata Lava Ia a le Iunivesite o Polika Iaga. E le gata o lenei mea o se sini e ausia gofie ao taotooto i lalo, ae sa ou iloa atonu sa mafai ona ou faia

nisi sini a o lei faia le misiona nai lo lou mafaufau ai i mea sa mafai ona faia i le taimi ua tuanai.

5. Auauna Atu i se Misiona i le Initoneti

I se tasi aso i le lotu, sa savali mai ai se tamaitai i lou tina ma fai mai, "E te iloaina e mafai e Destiny ona auauna atu i se misiona i le initoneti o le faatulagaina o igoa?" O lenei fesili e lei mafaufauina sa o se tasi i au tatalo. Sa mafai ona ou auauna atu i le Alii mo le iva masina o se fai-fautealai tautua o le Ekalesia e fesoasoani e faatulaga igoa. O se misiona lenei sa *mafai* ona ou faia!*

6. Aoao Atu o le Sauniuniga mo le Misiona

A o mafai ai ona ou taulima lelei lou tulaga o le soifua maloloina, sa ou amata ona suesue i se kolisi i le nuu a o faia lau misiona i le initoneti.

Sa talosagaina au e aoao atu le sauni-uniga mo le misiona i le inisituti e lata ane. O le aoao atu sa fesoasoani ia te au e iloa ai o lou naunautai mo le galuega faafaifeatalai sa le faaititia ma e oo lava i lau misiona puupuu sa tuuina mai ia te au le tele o aafiaga e mafai ona aoga mo au tamaiti aoga.

7. Volenitia i le NAF

I le maea ai o le faamanuaaina e auai i se semesa i le kolisi e lata ane i le aiga, sa ou masii atu i Iuta, ISA, e auai i le BYU. I le taimi muamua, sa tau le mafai ona ou savali i autafa o le NAF i Provo e aunoa ma se lagona faafuasei o lagona feteenai. Ae sa ou amata volenitia i vaiaso taitasi i le NAF ma iloa ai sa fesoasoani ou te malolo ai i le feiloai i faifeatalai matagofie ua auina atu i lou Hanikeri pele.

8. Faatinoina o Galuega Faalemalumalu

O se uso Hanikeri, o Edit, sa saunia le toeitiiti 150,000 igoa mo le malumalu na talosagaina au e ave nisi o ona igoa i le malumalu. Sa avea o se olioli le faia o sauniga faaola mo nei tagata Hanikeri!

Maloloina Faifai Pea e Ala i Lana Galuega

O le auauna atu i se misiona sa avea ma se mea na sili ona ou manao e ausia i lou olaga ma, i le malamalamai, sa ou lagona ai se toilalo ina ua ou vave sau i le fale nai lo mea sa mafaufauina. Mo se taimi, sa ou tauivi ai e talanoa e uiga i lau misiona. Sa tatau ona ou faatoilaloina lagona o le toilalo. Sa tatau ona ou aoao i le auala e faamasino ai le taua o lau misiona e ala i lou manao e auauna atu nai lo



le umi o lou auanaga. E ui ou te lei iloaina i lea taimi, o nei laasaga tai-tasi e agai atu i le uiga o lou olaga sa aumaia foi le malologa.

Sa ou popole mo le tele o tausaga o le toe foi atu i Hanikeri o le a faigata faalelagona mo au. Ina ua ou malaga mulimuli ane iina, sa ou lagona ai i le aso lona hua e le gata ou te lei lagolina le tiga, ae sa ou lagona foi le olioli maoae i le toe foi mai ai. Sa ou iloa ai i lena taimi sa tuuina mai e le Tama Faalelagi ia te au le avanoa e oo ai i le mana faamalolo o le Togiola a le Faafola. Ua ou iloa nei e faapea e ala i le Togiola a Iesu Keriso, o le a faasaoina mea uma i le taimi mulimuli. ■

E alala le tusitala i Arisona, ISA.

*E faaauau pea ona auauna atu le toatele o faifeatalai na foi vave mai i le fame e auauna atu o ni faifeatalai talavou o auaunaga o le Eklesia. Feiloi i lou epikopo po o le peresitene o le parnesi mo nisi faamatalaga.



O SE TAULAGA E TALIAINA

"A Ou tuuina atu se poloaiga i soo se tasi o atalii [po o afafine] o tagata, e fai se galuega i lo'u igoa, ma [latou] o atu ia atalii o tagata ma lo latou malosi atoa ma mea uma ua ia te i latou e fai lena galuega, ma lē tuua lo latou filiga, ae o mai o latou fili ia i latou ma taofi i latou mai le faia o lena galuega, faauta, ona tatau ai lea ia te a'u ona lē toe manaomia lena galuega mai i lima o ia atalii o tagata, ae talia a latou taulaga."

—Mataupu Faavae ma Feagaiga 124:49

MOTUGAAFA MO MATUA

O mea nei o se lisi o mea e mafaufau i ai:

- Tuu atu i lau faifeatalai le taimi e faanoanoa ai ma faamalolo ai.
- Tau atu soo i lau faifeatalai le tele o lou alofa ia te ia.
- Uunaia o ia e feiloai e le aunoa ma lau peresitene o le siteki ma le epikopo.
- Fesili atu i lau faifeatalai poo le a le tele o mea e na te manao i isi ia iloa e uiga i le mafuaaga ua ia sau ai i le fame.
- Ia tau atu i isi ua sau lau faifeatalai i le fame ma ua e fiafia ua e toe vaai ia te ia.
- Tuu atu le taimi i lau faifeatalai e talanoa ai ia te oe e uiga i le misiona, faasoaina o aafiaga matagofie ma faigata.
- Uunaia lau faifeatalai e tatalo i le isi mea e fai i le olaga ona lagolago lea o ia i lana faaiuga pe toe foi i le misiona.

MOTUGAAFA MO TAGATA O LE UAROTA

E mafai ona faigata le iloa o mea e fai atu pe a o mai vave faifeatalai i le fame nai lo le mea na faamoemoeina. E mafai ona fesoasoani i lo latou fesuiaiga i le olaga i le aiga i le faafeiloaia o i latou, tau atu lou alofa mo i latou, ma faafetai atu ia i latou mo le auauna atu i se misiona.

Atonu e te leiloa le mafuaaga ua sau ai le faifeatalai i le fame, ma e ono ese le mafuaaga mai le mea e te faamoemoeina. La manatua o lo latou faagasologa o le faamaloloina e i le va o i latou ma le Alii ma e na o le latou fia iloa o lou lagolagosua.

E mafai ona lelei mo faifeatalai le faaso o o latou aafiaga mai le misiona i se siosiomaga e saogalemu. La iloa atonu latou te manaomia se taimi ao lei mafai ona latou talanoa e uiga i o latou misiona. Afai e te manao i se faifeatalai e faaso se tala i le vasega, vave valaau atu ia i latou e fesili i ai pe latou te maua le toafimailie e faaso mai.

PUNAOA MO LE AUAUNAGA

E mafai e taitai ona maua le malamalamaaga ma auala e fesoasoani ai i faifeatalai e vave ona foi mai i le initoenti i le ministering.lds.org.

O Le Auala e Fesoasoani Atu Ai le Inisitituti ia te Oe e Aoaoina le Talalelei

**Faataitai auala
nei e tolu ina
ia tele ni mea
e te aoaoina
mai au vasega
inisitituti
o mataupu
faalelotu.**

Saunia e Po Nien (Felipe) Chou
Seminare ma Inisitituti

“Ua sili atu ona faigata le lalo-lagi i ona po nei nai lo . . . tausaga talu ai,” na saunoa ai Elder M. Russell Ballard o le Korama a Apostolo e Toasefululua. “Ua tele atu mea faalavefau ua faasalaveia ai o tatou alii talavou ma tamaitai talavou mai a latou sauniuniga mo se misiona ma se olaga fiafia i le lumanai.” I le

taimi nei, ua sili atu nai lo se isi lava taimi muamua, e manaomia ona tatou aoao “pe faapefea ona faalogo ma tali atu i musumusuga a le Agaga Paia.”¹

Ina ia fesoasoani ia te oe ina ia ogatusa atili faaleagaga, ua saunia e le Ekalesia inisitituti o mataupu faalelotu. E mafai ona tuuina atu ia te oe e le inisitituti ni “aafiaga anoa i le afioga a le Atua.”²

Pe a e auai i le inisitituti, e mafai ona e filifili mai le tele o vasega. O faiaoga o e malamalama i manaoga ma fesili a talavou matutua o le a fesoasoani atu ia te oe e aoao mai tusitusiga paia ma aoaoga a perofeta o aso e gata ai.

O se suiga talu ai i inisitituti ua tuuina atu ai nei ia te oe se avanoa e faa-aoa ga ai (1) api talaaga o suesuega o le kosi, (2) fesili o le kosi, ma le (3) galuge faatino mo le aoaoina patino ina ia siitia ai lou aoaoina ma faamalosia lou faatuatua ia Iesu Keriso. O nei filifiliga e tolu mo suesuega o le a fesoasoani ia te oe e faapatin o ai lau

suesuega i le talalelei ma aoao atu ai i le auala e galue ai le Agaga ma oe.

Api Talaaga mo le Suesueina o le Kosi

Na fautuaina mai e Elder Richard G. Scott (1928–2015) o le Korama a Apostolo e Toasefululua le faamaumauina o uunaiga faaleagaga i totounu o se api talaaga: “Tusi i lalo i se mea malu ia mea taua e te aoaoina mai le Agaga. O le a e iloaina a o e tusia musumusuga taua, e masani ona tele isi musumusuga e oo mai.”³

E faaaoga e tagata aoga se api talaaga (po o se pepa po o se polokalama o le Potutusi o le Talalelei) i le vasega ma le fale e faamaumau ai uunaiga a o latou suesue i tusitusiga paia. O Jayme Dhennz, o se tagata aoga a le inisitituti i Filipaina, na vaa i faamanuiaga o le tausia o se api talaaga mo suesuega: “E le mafai ona ou le tusiaina ni fuia-tau ma savali mai tusitusiga paia po o saunoaga a perofeta aua e faalautele ai lo’u aoaoina o le talalelei.”



O tagata aoga inisitituti a Brother Seiichi Takahashi i Nakoia, Iapani, e fiafia i le faamaumauina aua e faata-gaina ai le “faagasologa o le aoaoina ia sologa lelei” ma fesoasoani i tagata aooga ia o mai saunia i le vasega e aoao ma auai.

O Taisia Bartolomeo o Italia i saute na fai mai, “O le tuisaina o mea sa ou aoaoina, ua mafai atili ai ona ou toe manatua ia mataupu pe a ou manao-miainia.” O lana uo aoga, o Mariateresa Santoro, na faaopoopo mai, “O la’u api talaaga o se mea e mafai ona ou tilotilo i ai e toe manatua ai se mataupu faaleagaga patino po o se faaaliga faaletagata lava ia.”

Fesili o le Kosi

O fesili o loo tuuina atu i le amataga o le kosi e avatua i tagata aooga ni autu e mafaufau loloto i ai ma suesue i le aluga o le kosi. I le faaiuga, e auina atu e tagata aooga a latou lava tali na taialaina e le Agaga i le latou faiaoga.

O Ilaria Bellomo, o se tagata aoga i saute Italia, na faamalamalama mai, “O fesili na ou tomanatu ai i lo’u olaga ma le manatu faapea o mea o loo



ou suesueina i le inisitituti e fesoasoani ia te au ia ou iloa atili Iesu Keriso.”

O Jinseop Jeong, o se tagata aoga inisitituti i Korea, lea na fai mai, “O fesili na fesoasoani ia te au ia mafau-fau loloto i ai ma toe iloilo mea sa ou aoaoina. O se taimi taua tele e toe iloilo ai, manatunatu loloto, ma faaaoga mea sa ou aoaoina.”

O le tuputupu ae faaleagaga a tagata aooga na faamaonia mai i a latou tali. O Sister Seonsim Kang, o se faiaoga inisitituti i Korea na fai mai, “O se aafiaga maoae mo au le faitau ma aoao i molimau ma manatu a tagata aooga.”

Galuega Faatino o le Aoaoina Faaletagata Lava ia

O le toatele o tagata aooga inisitituti e filifili ma le agaga tatalo e faia se galuega faatino anoa. E fuafua lava i mea latou te fiafia i ai, ua fatuina e tagata aooga i le lalolagi atoa se faatufugaga e faatatau i le talalelei,

musika, vitio, ma faaupuga e tuu i luga o ala faasalalauga faaagafesootai. O nei galuega faatino e valaauliaina tagata aooga ia galulue i mea sa latou aoaoina i le vasega. Mo se faataitaiga, o se tasi o tagata aoga sa filifili e vali se ata o le Faaola e o faatasi ma le kosi “O Iesu Keriso ma le Talalelei e Faavavau.”

O se tasi o tagata aoga o loo auai i le vasega o le “Aiga e Faavavau” sa faia se galuega faatino o talafaasolopito o le malumalu ma aiga lea na “taunu i se malaga o le malumalu ma lo’u tinamatua ma tagata o lou aiga ia na matou faamaeaina le silia ma le 40 faamauga o le malumalu lea na saunia i le gasologa o le semesa. O lenei mea na aumaia faalatalata lo matou aiga.”

E pei ona faailoa mai e Cenia Avila Organis, o se tagata aoga inisitituti i Bicol, Filipaina, o le galue ai i se galue faatino a le tagata lava ia mo le aoaoina e “aumaia ai le fetuutuunai,” tuuina atu i tagata aooga le saolotoga e aoao ai i le afioga a le Atua ma lagona le Agaga i le faaaogaina o a latou lava taleni.

Taunuuga ua Siitiaina

O le faaaogaina o nei faiga po o metotia mo le aoaoina e mafai ona faaleleia ai lau suesueina o le talalelei ma faololoto ai lau molimau. O le filiga i le suesueina o le talalelei e ala i kosi po o vasega o le inisitituti, o le a e malamalamalama atili ai i le ala e faaagoa ai le afioga a le Atua i lou lava olaga ma le ala e faamanuia ai olaga o isi. ■

FAAMATALAGA

1. M. Russell Ballard, “O Le Tupulaga Silisili o Talavou Matutua,” *Liahona*, Me 2015, 68.
2. “Teaching with Power,” lds.org/si/objective/elevate-learning/teaching-with-power.
3. Richard G. Scott, “Ina ia Maua le Malamalamalama ma le Malosi ia Faaaogaina ai ma le Poto,” *Liahona*, Aok. 2002, 12.





AUTU O LE MUTUALE 2018

FILEMU IA KERISO



Bonnie L. Oscarson, Peresitene (ogatotonu); Carol F. McConkie, Fesoasoani Muamua (agavale); Neill F. Marriot, Fesoasoani Lua (taumatau)



Stephen W. Owen, Peresitene (ogatotonu); Douglas D. Holmes, Fesoasoani Muamua (agavale); M. Joseph Brough, Fesoasoani Lua (taumatau)

*Po o a lava ou tulaga, e mafai lava ona e
maua le filemu ia lesu Keriso.*

Saunia e Au Peresitene Aoao o Tamaitai

Talavou ma Alii Talavou

I se lalolagi ua faatumulia i le vevesi, manatu faatautava, faaosoosoga, ma le fenumiai o filosofia, o le mauaina o le filemu e le faigofie i taimi uma. Peitai o le folafolaga a le Faaola o loo maua i le Mataupu Faavae ma Feagai-ga 19:23 (o le autu o le Mutualae 2018) ua tuuina mai ai se auala faapitoa i le filemu: "Aoao mai ia te a'u, ma faalogo mai i a'u upu; savali i le agamalu o lo'u Agaga, ma o le a e maua ai le filemu ia te a'u."

I le avea ai ma Au Peresitene Aoao o Tamaitai Talavou ma Alii Talavou, matou te molimau atu ai i le moni. Ua matou vaaia i o matou lava olaga, ma afai e te mulimuli i lenei mamanu, o le a faataunuu e le Atua Lana folafolaga o le filemu i lou foi olaga.

Atonu o le toatele o outou o le a lagona le atuatuvala ma le popole po o a ni mea o i ai i le lumanai mo outou. O le toatele o outou o le a mafaufau e uiga i tou foliga, tomai, ma gafatia. Peitai po o le a lava le mea o le a fetaiai ma outou, o le a outou maua le filemu. E le faapea o le a vave ona mouese atu na fesili po o popolega, ae o le a mafai ona e lagona le faamautinoaga filemu o le a lelei mea uma. O le mea sili ona taua, o le a mafai ona e lagona le alofa o Iesu Keriso mo oe lava ia, ma e aumaia e lena mea le filemu sili.

Sei o tatou talanoa e uiga i vaega taitasi o lenei mau.

AOAO MAI IA TE A'U

O le iloaina o le Tama Faalelagi ma Iesu Keriso o se vaega taua tele o

lau faigamalaga i le olaga. Na fetalai mai Iesu, "O le ola e faavavau foi lenei, ia latou iloa oe le Atua moni e toatasi, atoa ma le ua e auina mai, o Iesu Keriso lea" (Ioane 17:3). A o amata ona e iloaina lelei Keriso, o le a e malamalamā i Lona lelei, atamai, agalelei, ma le alofa. O le a tuputupu ae lou faatuatua ia te Ia, ma o le a i ai sou manaoga silisili ia mulimuli ia te Ia ma le Tama Faalelagi.

FAALOGO MAI I A'U UPU

Ua fetalai mai Iesu Keriso e ala mai i tusitusiga paia, perofeta soifua, ma le Agaga Paia. E manaomia lo tatou taumamafa, mafaufau loloto, ma faaaoga nei afioga i o tatou olaga. I au suesuega i afioga a le Faaola, taulai atu i le Tusi a Mamona aua "o le tusi silisili ona sa'o i tusi uma lava o i le lalolagi, ma o le maa auau o la tatou ekalesia," na aoao mai ai Iosefa Samita, "ma e sili atu ona latalata le tagata i le Atua e ala i le usitaia o ona mataupu, nai lo se isi lava tusi."¹ O le valaaulia mamana a Peresitene Thomas S. Monson i le konafesi aoao ia Aperila 2017 mo i tatou ina ia faitau le Tusi a Mamona i aso uma o le a fesoasoani ia i tatou e faalogo ma malamalamā i afioga a Keriso.²

SAVALI I LE AGAMALU O LO'U AGAGA

O le faalogo i afioga a le Faaola e faatoa amata ona suia ai i tatou

pe a tatou naunau e usiusitai i ai. E manaomia ai e lenei mea le agamalu i la tatou vaega. E manaomia ai lo tatou lafoai o o tatou lava ala ae savali i Lona ala. O nisi taimi tatou te mafaufau ai ua sili atu le tatou ala. Ae a tatou agamalu ma mulimuli ia te Ia i soo mea Na te taitai ai i tatou, o le a tatou i ai pea i le ala sili ona lelei.

OLE A E MAUA LE FILEMU IA TE A'U


O le folafolaga matagofie lenei: afai o le a e faia nei mea e tolua—aoao, faalogo, ma savali faatasi ma le Faaola—o le a e maua le filemu i lou olaga. O le a e maua le faamautinoaga o loo i ai le Atua i ou autafa ma o le a Ia leoleoina oe, e ui i soo se popolega, le mautonu, po o vaivaiga o ia te oe. E mafai ona e maua le talitonuga—e le na o ia te oe lava ae ia Iesu Keriso foi ma Lona alofa ma le mana.

Matou te valaaulia le autalavou uma o le Ekalesia ina ia tauloto lenei mau. Faaaoga o se taiala i lou olaga. Pe a siomia oe e puao o le pogisa ma foliga lofituina, o le a mafai ona e mafaufau i lenei mau, mulimuli i lona mamanu, ma taulaina oe lava i le faavae mausali ma mautinoa o Iesu Keriso lea. ■

FAAMATALAGA

- Aoaoga a Peresitene o le Ekalesia: Iosefa Samita* (2007), 68.
- Tagai Thomas S. Monson, "O Le Mana o le Tusi a Mamona," Liahona, Me 2017, 86.

FILEMU IA KERISO



AOAO MAI IA TE A'U, MA FAALOGO MAI I A'U UPU;
SAVALI I LE AGAMALU O LO'U AGAGA,
MA O LE A E MAUA AI LE FILEMU IA TE A'U.

MATAUPU FAAVAE MA FEAGAIGA 19:23

Mataupu Faavae ma Feagaiga 19:23

Sa faaali atu e le Alii ia Josefa Samita ni ki i le mauaina o le filemu ia lesu Keriso.



1

AOAO MAI IA TE A'U

“Ua tatou iloa o lenei “aoao ua maliu mai mai le Atua”^{2]} sa sili atu nai lo na o se faiaoga. O Ia na aoaoina i tatou e alofa i le Alii lo tatou Atua ma o tatou loto atoa, o tatou agaga atoa, lo tatou malosi atoa, ma o tatou mafaufau atoa, ma alofa i o tatou tuaoi e pei o i tatou lava, o le Faiaoga Sili ma le Faataitaiga o le olaga atoatoa. . . .

“Pe a tatou tali atu i le valaaulia agamalu a le Alii, ‘Aoao mai ia te au,’ e avea i tatou ma e ua tofusia i Lona mana paia.”

Peresitene Thomas S. Monson, “Faaaaao ia te Au,” *Liahona*, Mat. 2016, 4, 6.

2

AGAMALU

O le agamalu e aofia ai le “onosai i faigata” (Guide to the Scriptures, “Meek, Meekness,” scriptures .lds.org). A tatou tumau ma le agamalu i o tatou tofotofoga e aunoa ma le le fiafia i le Atua, e le gata o le a tatou liua, ae o le a Ia faamalolo foi i tatou (tagai MF&F 112:13).

3

SAVALI

O le aoao ma faalogo e taua ina ia mulimuli moni ai ia Iesu Keriso. Ae e le lava pe a na o i laua. E tatau foi ona tatou savavali, pe amioai, e tusa ai ma mea tatou te aoao ma faalogo i ai.

“O le taimi sao lava taimi uma e savali ai i Lona ala. E le faapea lava ua tuai” (Peresitene Dieter F. Uchtdorf, Fesoasoani Lua i le Au Peresitene Sili, “O Le Ala o le Soo,” *Liahona*, Me 2009, 78).

1

2

6

23 Aoao mai ia te a'u, ma faalogo mai i a'u upu; “savali i le ‘agamalu o lo'u Agaga, ma o le a e maua ai le ‘filemu ia te a'u.

5

4

3

LOU AGAGA

O le agamalu e aumaia “le asi-asiga a le Agaga Paia” (Moronae 8:26) ma o le “fua o le Agaga” (tagai Kalatia 5:22–23).



5

FILEMU IA TE AU

“E le maua le filemu i le mauaina o se tamaoaiga tele, malosi, po o le laulioa. E le maua le filemu i le tulitulimatagauina po o le sailia o mea faamalieloto, faafiafiaga, po o mea faapasitaimi. E le mafai e se mea o nei mea, tusa lava pe ua faula'i, ona maua ai se fiafia tumau po o se filemu.

“. . . O le Faaola . . . o le punavai ma le tufuga o le filemu. O Ia o le “Alii o le filemu” (Isaia 9:6).”

Elder Quentin L. Cook o le Korama a Apostolo e Toasefululu, “Filemu o le Tagata Lava Ia: O Le Tau Lea o le Amiontonu,” *Liahona*, Me 2013, 34.

6

FAALOGO MAI I A'U UPU

E taua le faalogo i le atiaeina o le faatuatua ia Iesu Keriso. “E tupu le faatuatua i le taulogologo atu, o le taulogologo atu foi o i le afioga a le Atua lea” (Roma 10:17).

“E tatau ona aoao fanau a le Atua ia faalogo, ona faalogo lea ina ia aoao mai le Alii” (Peresitene Russell M. Nelson, Peresitene o le Korama a Apostolo e Toasefululu, “Listen to Learn,” *Ensign*, Me 1991, 24).

Pese o le Autu o le Mutuale 2018

FILEMU IA KERISO

Mafaufau Loloto

$\text{♩} = 72$

Upu ma le Fati na tusia e
Nik Day

The musical score consists of two staves of music. The top staff is for a treble clef instrument and the bottom staff is for a bass clef instrument. The music is in common time, with a tempo of $\text{♩} = 72$. The key signature is $A\flat$ major. The score includes lyrics in English and Samoan. The lyrics are as follows:

1. O le fi - le - mu **O i a ie - su.** **Lago - na Lo - na**
2. O le fi - le - mu **O i a ie - su.** **Pe a sa - va -**
(Ta nota laiti i le taimi lona lua)

alo - fa mo ta - tou Ma aga - sa - la. **Fa - a - lo - go ia** **i A - na 'fi - o -**
vali ma Ia _____ i O - na a - la. **E faa-ma - lo - lo,** **So - loia loi - ma -**
E \flat B \flat **A \flat E \flat** **A \flat E \flat** **A \flat E \flat**

ga. A ta - tou i - loa le - su O Ia le fi - le - mu. **O lo ta -**
ta. A ta - tou a - mio - to - nu O Ia le fi - le - mu. **A \flat E \flat**

tou faa - moe - mo - e Ma le ma - lo - si Pe a vai - va -
A \flat Cm B \flat E \flat A \flat

17

i. O Ia le malu - ta - ga ——— I ā - fā fi - tā. A le - ai se fi - le -

B♭ E♭ A♭ B♭ Cm⁷

20 Al Coda ♩ 1. 2.

mu, O Iesu le fi - le - mu. mu.

A♭ B♭ E♭ A♭ B♭ E♭ A♭ B♭

23

D.S. al Coda 31 ♩ CODA

O lo ta - mu, A le - ai se fi - le -

Cm E♭ A♭ B♭ E♭ Cm E♭


32

mu, O Iesu le fi - le - mu. A♭ E♭

A♭ B♭ E♭ Cm A♭ B♭ A♭ E♭

2017 Puletaofia e le Intellectual Reserve, Inc. Ua taofia aia tatau uma.
O lenei pese e mafai ona kopiina mo le faaogaina mo aiga po o le lotu i mea e le faapisinisi.
E tatau ona tuu lenei faasilasilaga i luga o kopi taitasi e faia.



**Saunia e Peresitene****Russell M. Nelson**Peresitene o le Korama a
Aposetolo e Toasefululua

Suesue i UPU A LE FAAOLA

E le gata ua ou mauaina nei se molimau sili atu i le Alii ma le Faaola, o lesu Keriso, ae ua ou mauaina foi se faamautinoaga o lō'u tautinoga maumaututu o le metotia sa i ai ia Iosefa Samita mo le faaliliuina o le Tusi a Mamona o se meaalofa mai le Atua.

le taimi o le faigalotu i le lalolagi atoa mo talavou matutua ia Ianuari 2017, sa ou luiina ai i latou o e sa matamata ina ia faateleina a latou molimau i le Faaola i le faaaluina o le taimi i vaiaso taitasi ia:

- Suesue i mea uma na fetalai mai ai ma faia e le Faaola e pei ona tusia i le Feagaiga Tuai.
- Suesue i Ana tulafono e pei ona tusia i le Feagaiga Fou.
- Suesue i Ana aoaoga faavae e pei ona tusia i le Tusi a Mamona.
- Suesue i Ana upu e pei ona tusia i le Mataupu Faavae ma Feagaiga.

Ou te folafola atu ia i latou o e o faafofoga mai afai o le a latou agai i luma e aoao mea uma latou te mafaia e uiga ia Iesu Keriso, o le a faatupulaia lo latou alolofa mo Ia ma mo tulafono a le Atua i le mea e sili atu nai lo le mea o latou mafaufauina.

O le mea ou te lei tauina atu i lenei lauga ou te iloa o lenei folafolaga e moni aua sa ou i ai i le ogatotonu o le faamaeaina o lenei lava foi galuega e au lava ia mo le uluai taimi.

I le aso 1 o Tesema, 2016, sa ou maua ai se seti fou o tusitusiga paia ma agai atu loa e amata le galuega lava lea na ou tuuina atu mulimuli ane i le autalavou matutua ia Ianuari. Ina ua ou faamaeaina le galuega i le ono vaiaso mulimuli ane, sa ou sueina ma makaina le silia ma le 2,200 upu sii mai tusi e fa o tusitusiga paia.¹



Ina ua mavae le ono vaiaso o suesuega, na faamaeaina e Peresitene Nelson lenei galuega.

“Sa ou tuuto atu le tele o lo’u
93 tausaga i le aoaoina e
uiga i le Faaola, ae seasea
lava ona maua se taimi na ou
aoaoina ai le tele o mea e pei
ona ou faia i le ono vaiaso o
suesuega.”

E mafai ona tou matamata pe faitau i le faigalotu a Peresitene Nelson ia lanuari 2017 i le kiliki i le “faigalotu i le lalolagi atoa” i le lds.org/broadcasts.

Mo au, o le mafai ona faataunuina o lenei galuega o se mea mataina!

O se mea na ou iloa na sili ona manino o le tau mai lea e le Faaola ia i tatou e uiga ia te Ia Lava e ala i nei vaitaimi eseese—Feagaiga Tuai, Feagaiga Fou, o le vaitaimi o le Toefuataiga, ma o tatou aso. I tusi uma o tusitusiga paia, e tutusa tala ma o le Tusitala lava e tasi.

Sa ou tuuto atu le tele o lo’u 93 tausaga i le aoaoina e uiga i le Faaola, ae seasea lava ona maua se taimi na ou aoaoina ai le tele o mea e pei ona ou faia i le ono vaiaso o suesuega. O le mea moni lava, sa tele mea na ou aoaoina e uiga ia te Ia mai lenei suesuega lea ua ou fuafua e faasoa atu i nisi lauga o loo i luma o loo ou sauniuni i ai i le taimi nei.²

I le amataina o lenei galuega, ou te lei mafaufau o le a fesoasoani lenei suesuega ia te au e maua ai se molimau fou e uiga i le paia o le galuega a Iosefa Samita—ae na mauaina! O faaaliga na faamaumauina e Iosefa Samita ma tala na maua i le Tusi Paia e ofoofogia le ogatusa. O se mea sili ona aoga mo a’u i le vaai i ai i lenei mea i la’u suesuega.

Atonu na le lava se taimi o Iosefa Samita e faatususa ai ma faafesootaia nei mea i le Tusi Paia i le televave lea na ia faaliliuina ai le Tusi a Mamona—ae o loo i ai uma iinei!

E le gata la ina ua ou mauaina se molimau maoae e uiga i le Alii ma le Faaola, o Iesu Keriso, ae ua ou mauaina foi se faamautinoaga o lo’u tautinoga mau-maututu i le metotia na i ai ia Iosefa Samita i le faaliliuina o le Tusi a Mamona o se meaalofa mai le Atua.

Ia, ua ou iloaina nei o nisi o outou masalo o mafaufau ia te outou lava atonu e le lava se taimi tou te faamaeaina ai se galuega faapenei.

Ou te iloa o outou lagona. Sa ou mafaufau i le mea lava e tasi ia te au lava ia—e leai se auala e mafai ona maua ai le taimi e faia ai nei mea uma. Sa manaomia lou toe faamanatu ia te a’u lava ia faapea o se manatu faapea e le o se manatu e uunaia ai le faatuatua. O se manatu faaalia e uunaia le faatuatua e faapea “Ou

te iloa e le lava sou taimi mo lenei mea, ae o le a ou faavanoaina se taimi. Ma o le a ou faataunuina i le taimi ua ou mauaina."

O tatou uma o loo faia lenei lu'i o le a faamaeaina i o tatou lava taimi faatulagaina. Mo a'u, o le tele o le fiafiaga o lenei mea na oo mai i le faamaeaina i na o le ono vaiaso. O lenei suesuega malosi i se vaitaimi puupuu lava na mafai ai ona ou talisapaia le tulaga tutusa o le aoaoina o loo maua i le Feagaiga Tuai, Tusi a Mamona, Feagaiga Fou, ma le Mataupu Faavae ma Feagaiga.

Ia i latou o e atonu o lagona faapea e leai se tou taimi, afai o le a tou faia se ositaulaga, o le a tauia lelei outou ma matua faafetai mo le suia o le vaiga, faateleina o le malamalama, ma le faaleleia loloto o lo outou liua. Ou te iloa e moni lenei mea aua ua ou vaaia ia taui lava e tasi i lo'u lava olaga.

E pei ona ou taua i le faigalotu, i se aso o i luma, o le a tou tuuina atu outou lava i luma o le Faaola. O le a lofituina outou e oo atu i le tulaga o le fetagisi i le i ai i Lona afioaga paia. O le a tou tauivi ia maua ni upu e faafetai atu ai ia te Ia mo le totogiina o a outou agasala, mo le faamagaloga o oe i soo se upu le lelei agai i isi, mo le faamaloloina o oe mai ni manuaga ma faigata o lenei olaga.

O le a e faafetai atu ia te Ia mo le faamalosia o oe e faia mea faigata, mo le liliuina o ou vaivaiga i malosiaga, ma mo le mafai ai e oe ona lua toe nonofo faatasi ma Ia ma lou aiga e faavavau. O Lona faasino-maga, Lana Togiola, ma Ona uiga auau mama o le a avea ma mea moni ma patino ia te oe.


Ae e te le tau faatali seiia oo i lena taimi. Filifili nei loa ina ia avea ma se tasi o Ona soo moni. Ia avea ma se tasi e alofa moni ia te Ia, o se manao moni lava e auaua atu ma taitai e pei o Ia. Ou te folafola atu ia te outou afai o le a outou suesue i Ana upu, o le a faateleina lo outou gafatia ia avea atili ai faapei o Ia. Ou te iloa e moni lenei mea. ■

Mai se tusiga i le lds.org/blog.

"la i latou o e lagona e leai se

tou taimi, afai o le a tou faia se

ositaulaga, o le a tauia lelei outou."



Na suesueina e Peresitene Nelson le silia ma le 2,200 mau e uiga ia Iesu Keriso ma Ana ooaoga.

FAAMATALAGA

1. E pei ona fautuina mai e Peresitene Nelson i lenei faigalotu, e mafai ona tou faasino i le Taiala i Tisitusiga Paia mo mau faasino i lalo o le autu "Iesu Keriso."
2. Tagai i le saunoaga a Peresitene Nelson i le konafesi aoao ia Aperila 2017, "Mauaina o le Mana o Iesu Keriso i o Tatou Olaga."

Mo Uili, o le filifili e aua
nei taalo soka i aso Sa
o lona uiga o le filifili e
le taalo i se tasi o au sili
ona lelei.





SOKA, ASO SA,

MA OSO TUUPUNA
SESE FAALEAGAGA

Saunia e Charlotte Larcabal

Mekasini a le Ekalesia

Ao ou tamaitiiti, sa matou taaalo ma au uo i se taaloga e taua o le “Tuuoso po o le Tuumoulu.” E masani lava, pau le mea e tatau ona e maua o se vaitaele loloto po o le vaituloto ma se mea e te oso ese mai ai, e pei o se laupapa tuumoulu. Ina ia taalo ai, e te tuupuna i luga oe lava mai le laupapa tuumoulu. I le taimi e tasi, e valaau atu se tasi, “oso,” o lona uiga e te moomia ona moulu i le vai e muamua vae, pe “tuumoulu,” o lona uiga e te moomia ona moulu i le vai e muamua lima, i se tulaga tuumoulu.

A e taumafai e fai se taga ao i ai i luga o le ea, e masani lava e te iu i se gaoioiga faataamilo solo po o le faia o se tuupuna e faapalasi i le manava e tiga tele.

O le olaga e le tatau ona avea o se taaloga o le “Tuuoso po o le Tuumoulu.” E mafai ona e faia le tele o faaiuga i le taimi vave ma aloese mai le tele o tuupuna faaleagaga sese. E lei faapea mai, le perofeta o Le Feagaiga Tuai o Iosua, “Ia filifili ia a o lei tuai.” Na ia saunoa mai, “Ina filifili ia o outou i *le aso nei* po o ai tou te auauna i ai” (Iosua 24:15; faaopoopo le faamamafa).

Uili W., 14, mai San Francisco, Kafeonia, ISA, masalo e le faia le tele o ni tuupuna faaleagaga sese aua na te talitonu i le faia o filifiliga a o lei tuai.

“A e faia le filifiliga e faia po o le le faia o se mea ae e te lei feagai ma le tulaga, e sili atu ona faigofie,” o lana tala lea. “Ae a pe a e alu i se pati ae avatu e se tasi se mea inu ia te oe. Afai e tatau ona e filifili e faia pe ia talia pe le talia, atonu e faaosooosoina oe e talia. Ae afai na e filifili i se taimi ua leva e fai atu leai pe a ofo atu e se tasi se meainu ia te oe, e te lagona le sili atu o le mautinoa ia te oe lava. E te le maua lava le taimi e faaosooosoina ai. E te fai atu leai aua ua uma ona e filifili i ai i se taimi ua leva.”





Ua faapea mai le mau autu o le Mutuale 2018, "Aoao mai ia te a'u, ma faalogo mai i a'u upu; savali i le agamalu o lo'u Agaga, ma o le a e maua ai le filemu ia te a'u" (MF&F 19:23). Mo Uili, o le filemu o lona uiga o le lagona lototeli a filifili le mea sao ma e lei popole i tala le lelei mai i isi tagata. E oo mai lena filemu ia Uili mai le faia o le faaiuga e faalogo i—ma usitai vave i—afioga a Iesu Keriso.

"O isi taimi e taufaalili mai tamaiti ia te au mo mea ou te faia po o le le faia, ae ou te le afaina moni ai aua sa ou filifili i se taimi ua leva o le auala lea o le a ou ola ai," o lana tala lea.

O se tasi o mea na filifili i ai Uili ma lona aiga i se taimi ua leva o le tausia o le aso Sapati ia paia. Sa tau faigata ina ua lavea Uili i se au maualuga o le soka. E pei ona fai mai Nifae, na talitonu lona aiga e faapea "E le aumai e le Atua ni poloaiga i le fanauga a tagata, sei iloga Na te saunia le ala mo i latou ia mafai ai e latou ona fai le mea ua Ia poloiaina ai i latou" (1 Nifae 3:7).

Ia Uili, o le soka se tasi lea o mea aupito i taua i lona olaga. Fai mai lona tina, "Na te ai, inu, moe, ma fiafia i le soka. O le mea e fiafia i ai o ia ma e lelei tele ai o ia."

Ina ua avea Uili ma se tasi o le au sili ona lelei i le eria, sa fiafia o ia. Na o le pau lava le faafitauli: e taaaalo le au i le tele o ana taaloga i le aso Sa. O le tele o au e le taliaina se tagata taalo e misi taaloga uma o le aso Sa. O le filifili ia le taalo i aso Sa o lona uiga o le aveesea o lona tulaga i le au.

Ae sa faia e Uili lena faaiuga i se taimi ua leva. E na te tausia le paia o le aso Sapati.

E tatalo faatasi Uili ma lona aiga ma tau atu i le Tama Faalelagi o latou manaoga e tausi Ana poloaiga ma ole

atu mo Lana fesoasoani. Ona talanoa lea o Uili ma lona tina i faiaoga o le au e uiga i lo latou talitonuga. I lo la maofa ai, sa mananao faiaoga ia Uili i le au e tusa pe na te le taalo i aso Sa!

"Ou te iloa a ou faamamaluina le Sapati, e faamanuiaina au," o le tala lea a Uili. "Atonu ou te le taalo i le tele o taaloga e pei o isi tagata taaaalo, ae ua ou vaaia faamanuiaga, e pei o taaloga i aso Sa na faafuasei ona sui i se isi aso. Ou te manatu foi ou te taalo lelei atu ona e i ai sau aso e malolo ai."

E sili atu ona manaia lenei tala. E lei pine ae iloa e Uili o se tasi o ana au taaaalo o se tagata foi o le Ekalesia. I le mavae ai o ni nai masina o le taaaalo faatasi, sa mulimuli leisi tama i le faataitaiga a Uili ma tuu foi le taalo i le aso Sa.

A e lagona e te le o mauaina faamanuiaga o le usiusitai, atonu ona e te le o mafai ona vaai i mea uma ua faapolopoloina e le Tama Faalelagi mo oe. O le filifili e faalogo i afioga a Keriso ma auauna atu i le Alii o se faaiuga sao lava, ia faia nei lena faaiuga!

"Ou te aioi atu ia te outou, ina ia faia nei loa lava se faaiuga iiinei, i le taimi nei, e le aluese lava mai le ala lea o le a tau atu i lau sini: o le ola e faavavau ma lo tatou Tama i le Lagi," na saunoa mai ai Peresitene Thomas S. Monson ("O R e Tolu o Filifiliga," *Liahona*, Nov. 2010, 68).

Aua le faia lou olaga o se taaloga o le "Tuupuna po o le Tuumoulu." Aua nei i ai i se tulaga lamatia faaleagaga poo soo se isi lava ituaiga tuupuna e faapalasi i le manava. Ia filifili nei e mulimuli ia Iesu Keriso ma olioli i le filemu Na te aumaia i lou olaga. ■





O Lou TUAOI UIGA ESE

Saunia e Samantha Best

■ ni nai tausaga ua mavae, sa ou faanoanoa aua sa ou lagona ou te lei maua se tasi e talanoa i ai. Sa mamao lou aiga ma sa leai ni au uo, lea sa ou vaai ai i se mafuaaga e le toe ola ai.

Sa ou nofo faatasi ma lou aunt ma lou uncle, ma na o le pau le mea na la fai mai ia te au o le aua nei talanoa i le tuaoi. Sa la fai mai e ese o ia, ma faia ni tala e uiga ia te ia e faafefe ai au.

Ae peitai, i se tasi aso Toonai sa ia talosaga mai faatasi ai ma ni tamaitai talavou se toa-lua o lou matua mo lou fesoasoani e fausia se pa. Sa ou ioenia ma galue loa.

I le maea ai o le matauina o nei tamaitai, sa ou iloa e lelei i laua, lea sa amata ai ona ou talanoa ia i laua, lea na taitai atu i se talanoaga e uiga i Le Ekalesia a Iesu Keriso o le Au Paia o Aso e Gata Ai. Sa tele ni au fesili, lea sa la taliina. Sa amata ona ou fia iloa. Sa valaulia au e lou tuaoi e alu i le lotu faatasi ma ia i le aso na sosoo ai e vaai pe ou te fiafia ai. Sa ou i ai i se tulaga maulalolo o lou olaga, lea sa ou mafaufau ai e leai se mea e leiloa atu.

O le savali atu i na faitotoa i le taeao na sosoo ai, sa vave ona ou lagona se filemu i totonus ou te lei malamalama ai, ae sa ou iloa o le lotu lenei e tatau ona ou i ai. Sa faailoa atu au i faifeautalai i lena taeao, ma sa ou iloa le auala na la *iloa ai* e moni le Ekalesia.

Sa amata ona ou faalogo i lesona eseese mai faifeautalai. Sa le mafai ona ou ole atu i le Tama Faalelagi e auina mai na faifeautalai alofa, agalelei, ma faaleagaga ia te au i se taimi sili atu ona lelei. E ala i lo la fesoasoani mai sa ou maua ai le malamalama sa ia i laua e uiga i le talalelei.

I le maea ai o le faalogo atu ia i laua o faasoa le auala na fesoasoani ai lo la malamalama i le Tama Faalelagi ia i laua i tofotofoga, sa ou lagona e tatau ona ou tatalo e vaai pe moni mea na la tau mai. I le maea ai ona tatalo, sa ou lagona se lagona malosi o le fiafia, filemu, ma le toafimalie i totonus ia te au. Sa ou iloa sa ou maua le tali i lena po e ala i le Agaga Paia.

O le mauaina o lenei malamalama, sa vave ona tuputupu ae lau molimau. Talu mai le auai i le Ekalesia i le 2013, ua ou vaai moni i faamanuiaga na tuuina mai e lo tatou Tama Faalelagi ia te au. Ou te faafetai mo na faifeautalai ma mo lou tuaoi mo le valaaulia o au e sau ia Keriso. ■

E alaala le tusitala i Victoria, Ausetalia.

Sa ou i ai i se
taimi faanoanoa
o lou olaga, ae o
le alu i le lotu ma
lou tuaoi na suia
ai mea uma.





SA OU TUUINA ATU LO'U FAATUATUA IA GALUE

Sa faasalaveia le ma taaloga ping pong ma la'u uo o Erfrey e ni tuitui se tolu i lana faitotoa. Sa ou lagona se leo e le masani ai ma se faaleoga ese o le gagana Hiligaynon, o lo matou gagana masani.

Sa faatopetope atu Erfrey i le faitotoa, ma o le mea moni sa faatalitali ia i latou. "Sau!" sa ia fai mai ia te a'u. "Ou te manao e te feiloai i a'u uo!"

Sa la ofuina ni ofutino papae ma fusiua ma sa o mai e aoao atu le uso laitiiti o Erfrey e saunia o ia mo le papatisoga. Sa ou talanoa atu ia i laua

i le Igilisi, ma sa faagaeetia i laua i le fesili mai pe mafai ona ou faaliliu i le la lesona ma le uso o Erfrey.

Sa ou manatu o lau matafaioi e tau lava na o se faaliliu. Peitai sa avea a'u ma se tagata auai mataalnia a o gotouga ifo a laua upu i lo'u loto. Sa ou maua se lagona e lemafaamatalaina, o se lagona fiafia tumau ou te lei mauaina muamua.

Ina ua mavae lena aafiaga, sa ou talosaga i faifeautalai e aoao lo'u aiga. Peitai ina ua la o mai, sa mautu le faaiuga a o'u matua e leai se nofoaga a se Mamona i totonu o lo matou aiga.

Sa ou fia papatiso, o lea sa ou tuuina ai lo'u faatuatua ia galue. Sa ou ana-pogi ma tatalo. Sa ou tauivi ia avea ma se faataitaiga ia i laua.

Lua tausaga mulimuli ane, e ala atu i lo'u lava faatuatua faatauvaa ma le lagolagosua alofa a le Tama Faale-lagi, na iu lava ina faamaluluina le loto o lo'u tama ma sa ia sainiina le faata-gaga mo lo'u papatisoga. Ou te fiafia e ta'u atu o la'u molimau e uiga i le talalelei toefuataiina o la'u meatotino sili lea ona taua. ■

Arnel M., Negros Occidental, Filipaina

MAI LE PERAIMERI I TAMAITAI TALAVOU

Emasani lava ona ou iloaina le fai-gata e faamasani ai i ni tulaga fou. O le mafuaaga lena na ou popole ai e tuua le Peraimeri ae amata i Tamaitai Talavou. I le taimi muamua sa ese le faatulagaga ia te a'u. O Tamaitai Talavou o se siosiomaga ese atoa lava—leai ni taimi e pepese ai, leai se taimi mo fetufaaiga. Sa faia foi le matou Mutualie i le aluga o le vайaso.

Sa na o lo'u fia ofi i totonus ma lagona le toafimalie, o lea sa ou tuu atu ai i la'u lisi fou se avanoa. Sa ou tatalo soo, ma amata ona ou faamasani i le faiga masani fou ma fesoottai ai ma isi tamaitai talavou.

A o faagasolo vайaso, sa amata ona ou iloaina le mafuaaga ua ou i ai i le polokalama a Tamaitai Talavou. Sa ou aoao atili e uiga i le talalelei, sa ou maua le tele o avanoa e maua ai sina agalelei i vайaso taitasi, ma sa mafai ona ou alu i le malumalu ma lagona le Agaga o le Alii i Lona maota.

O lea ua ou matua faafetai ai mo Tamaitai Talavou. Ua ou fiafia sa ou tuuina i lenei suiga se avanoa ma sa fesoasoani mai le Tama Faalelagi ia te a'u i le faataunuina. ■

Bethany W., Florida, ISA

O SE AGAGA MAMA: E SILI ATU LE TAU A NAI LO SE TAU VAGA

Ile vasega valu, sa ou i ai i se kalapu faitautusi. O masina taitasi matou te feiloi ai e talanoa i se tusi, ma i le faaiuga o le tausaga sa faia ai se matou tauvaga e vaai po o fea o 'au e tele mea e iloa e uiga i tusi taitasi. E tasi le tulafono matou te mulimuli i ai o le faitau lea na o tusi mama.

I le masina e tasi, a o amata ona ou faitauina le tusi e sosoo ai, sa ou lagona e pei e le mama. Peitai e tatau ona ou faitauina pe afai ou te manao e malo la'u 'au i le tauvaga. E le mafai ona ou faatoilaloia i latou. I ni nai mataupu mulimuli ane, sa fata-teteleina le leaga o le tusi. Na iu lava ina ou tuuina i lalo. Na ou iloa e le mafai ona ou faitauina—na sili atu le taua o lo'u mama faaleagaga nai lo le malo i se tauvaga.

Peitai sa ou matua popole lava e tau atu i la'u 'au. O le po a o lumanai le fonotaga a le matou kalapu, sa ou tatalo i le Tama Faalelagi ina ia fesoasoani mai ia te a'u ia maua le lototoa e talanoa atu ai ia i latou.

O le aso na sosoo ai sa ou matua popole lava. Sa ou nofo i lalo ma la'u 'au. O le taimi lava na amata ai le fonotaga, sa ou tau faamatala atu i tagata uma e le mafai ona ou faitauina le tusi. Peitai ae ou te lei fai atu, sa tu i luga le taitai ma faamalie mai. Sa faamalamalama mai na te lei faitauina muamua le tusi a o lei tuuina i totonus o le matou lisi o tusi ma e na te lei iloaina mea sa i ai i totonus. Fai mai o ia o le a ia aveesea mai le lisi. Ina ua ou taunu i le pale, sa ou faafetai i le Tama Faalelagi.

Ou te iloa afai tatou te ola e tusa ma o tatou tulaga faantuina, e leoleoina i tatou e le Alii. Na te le foia i taimi uma le tulaga e pei ona Ia faia mo a'u, ae o le a Ia tuuina mai pea ia i tatou le lototoa e faia ai filifiliga lelei. ■

Ashleigh A., Iuta, ISA



O LOU AVANOA

E taliaina e le *Liahona* ou aafiaga ma manatu i le ola ai i le talalelei. Auina atu lau tala i le liahona.lds.org (kiliki "Auina atu se Tusiga").

Fefaaaoaai Meaai Māmā ma Ataata

O i ma'ua o
Sam ma
Anastasia,

ma e ma te taumafai e
FAASUSULU ATU LO
MA'UA MALAMALAMA i
le fefaaaoaai atu ma isi!



1

E Mafai Faapefea Ona Tatou Fesoasoani Atu?

O le mea lea ma te nonofa ai, i Florida, ISA, ma te vaai i le tele o tagata e leai ni fale. Sa ma mafaufau pe faapefea ona ma fesoasoani ia i latou. Safafaga e Iesu tagata o e sa fia aai, ma e tatau ona aai tagata uma! O lea sa ma fuafua ai loa e faia ni pusa meaai māmā mo faalavelave faafuasei.





2

Faatauina o Sapalai

Sa fesoasoani le ma uo o Joa ia i ma'ua e faatau sapalai i le faleoloa e talā le tau.



3

Faia o Pusa Meaai

Sa matou tuuina i ai pa granola, falaoa laau e i ai le susu, ma isi meaai manaia i a matou pusa meaai. Sa faataitai foi e Sam se tasi!



4

Manaia!

O le faasoaina atu o a matou pusa meaai matou te ataata ai. Na fai mai nisi tagata, "Faafetai!" ma le "Manaia!"

5

Tele Nisi Pusa Meaai

Na tuu e lo ma tina le galuega faatino i luga o le initoneti, ma sa iloa e le paranesi a le autalavou nofofua matutua. Sa



latou faia nisi pusa meaai e 100 mo le nofoaga o tagata e leai ni fale i lo matou lotofale. Sa faaaoga e le nofoaga i latou e valaaulia ai tagata e lesitala mo se polokalama e fesoasoani ia i latou ina a maua ni fale. Sa matua faafafiaina i matou e lena mea!

E MAFAI FAAPEFEA ONA E SUSULU ATU?

- Filifili se galuega faatino auauna atu e te manao e fai ma lou aiga.
- Tuu se taulaga anapogi i lau teutusi o le sefuluai. O le a alu lau tupe e fesoasoani i se tasi e le tagolima.

AUINA MAI IA I MATOU SE FETU!

E faapefea ona e faasusulu atu lou malamalamā, e pei ona talosaga mai lesu ia tatou faia? Auina mai ia i matou se fetu ma lau tala, ata, ma se faatagaga a matua. Tagai i le itulau 71 mo nisi faamatatalaga.



Saunia e Murlene Watkins

E faavae i se tala moni

"O tusitusiga paia ou te fiafia i ai, O taimi uma lava ou te faitau ai, le Agaga moni e tau mai" (Tusipese a Tamaiti, 66).

Sa solo ese e Lusia se loimata. Na te lei manao e vaai Si ai isi tamaiti. Sa ia tuua le aoga ma nanati atu agai i le fale.

Sa nofo Lusia i se motu laitiiti matagofie. E na o ia le tagata o le Ekalesia i le aoga. Sa o uma isi tagata o lona aiga i le lotu e tasi. Sa latou taufaalili ia Lusia ma le taaalo ma ia aua sa ese o ia.

Sa le na o le pau lena o le faafitauli. O nisi taimi sa le amanaia e le faiaoga Lusia pe a sii lona lima.

"Ae o ananei o se aso sili ona leaga!" O mafaufauga ia o Lusia. Sa ia kikia le maa laitiiti i le auala. I le taimi o le vasega, sa faitau ai e le faiaoga ni fuaiupu o le

Tusi Paia lea sa le malamalama ai Lusia. Sa pei na latou fai mai o le Tama Faalelagi, Iesu, ma le Agaga Paia o se tagata e toatas. Ona fai mai lea o le faiaoga sa i ai nisi o ekalesia e le talitonu i le mea sa aoao mai e le Tusi Paia. Sa ia vaai sao atu ia Lusia. Sa talie tagata uma i le vasega.

Sa lē mautonu Lusia. E le [ni Atua] mavaevae le Tama Faalelagi, Iesu, ma le Agaga Paia? O le a ea le mea o loo tupu?

Sa faafusei lava ona ia maua se manatu fiafia. E mafai ona ia fesili i faifeautalai! Sa o mai i le nuu a Lusia i aso uma. "O le a la iloa le auala e fesoasoani mai ail!" sa ia mafaufau ai.

Ina ua taunu Lusia i le fale, sa ia vaai ia Sister Brown ma Sister Ruiz. Sa la fesoasoani e pamu le vai i luga i se tane i luga o le taualuga o le fale.

Sa fai atu loa e Lusia lana fesili i le taimi lava lena.

O Se TALI mo



"Aisea e fai mai ai le Tusi Paia o le Tama Faalelagi ma Iesu o le tagata e toatasii?"

Na ataata Sister Brown. "O se fesili lelei lena. A maea le 'aiga o le aoauli ona tatou vaai lea i ni mau e fesoasoani ai."

Sa tau le tofoina e Lusia le manaia o le sitiu *ropa vieja* na fai e Mama. Na o le pau le mea na ia manao ai o le tali!

Na iu lava na maea le 'aiga o le aoauli. Sa tatala e Lusia ma faifeautalai a latou tusitusiga paia. Sa latou faitau e uiga i le faaliga a Iosefa Samita. Ona latou faitau lea e uiga i le papatisoga a Iesu. O mau uma na faaali mai ai o le Tama Faalelagi, Iesu, ma le Agaga Paia e mavaevae.

"Ae aisea e fai mai ai isi mau o i latou e tasi?" na fesili ai Lusia.

Sa amata ona susue e Sister Brown ia itulau. "Sei o tatou faitau i le Ioane 17. O iina sa tatalo ai Iesu i le

Tama Faalelagi e uiga i Ana Apostolo."

Sa latou auaua'i uma i le faitauina. I tusitusiga paia, sa tatalo Iesu "ia tasi" Ana Apostolo e pei ona tasi o Ia ma le Tama Faalelagi. Sa faitau e Lusia ni taimi eseese se tolu sa Ia fetalai ai.

"E le mafai ona avea Apostolo uma ma tagata e tasi," o le tala lea a Sister Ruiz. "Ae e *mafai* ona avea i latou ma tagata e tasi i le auala latou te talitonu ma amioa'i ai. O le auala lena e tasi ai le Tama Faalelagi, Iesu, ma le Agaga Paia."


Sa amata ona lagona e Lusia le mafanafana i totonu. Sa ia iloaina o le Agaga Paia. Sa Ia tau atu ia te ia, e moni le mea na tau atu e Sister Ruiz.

Sa le'i avea le Tama Faalelagi ma Iesu o se tagata e tasi. Ae sa tasi i Laua i mea sa La fetalai atu ai ma faia. Ma sa iloa e Lusia sa La alolofa ia te ia. ■

E alala le tusitala i Kalefonia, ISA

LUSIA

Sa le mautonu Lusia e uiga i le tala a lana faiaoga. O ai e mafai ona fesoasoani?



FESOASOANI MAI I TUSITUSIGA PAIA

E fesoasoani lou faiaoga Peraimeri ia te au e sue tali i fesili i tusitusiga paia. I se tasi o taimi sa ou fesili ai, "Aisea e le tutupu ai ni wavega tetele i nei ona po?" Ma sa ia fesoasoani ia te au e maua le mea sa faapea mai loo tutupu lava wavega i le aso. Ou te fiafia e tali au fesili e ala i tusitusiga paia!

Emily I., 10 tausaga, Somerset, Egelani




Saunia e Peresitene
Thomas S. Monson

La Faasusulu Atu Lou **MALAMALAMA**

Na tatou o mai uma i le lalolagi ma le **Malamalama** o Keriso. Ua tuuina mai ia i tatou ina ia faamumuina pea ma faasusulu atu lo tatou **malamalama** mo isi ia vaai i ai ma mulimuli i ai. O se tasi o auala sili ona lelei e tausia ai le faatuatua tatou te manaomia o le suesue lea i tusitusiga paia ma le tatalo.

A o e tausia pea le afi o le molimau ina ia faamumuina pea ma le malamalama, o le a avea oe ma se **malamalama faailo** o le amiontonu mo tagata uma ia vaai i ai. Na fetalai mai le Faaola: “Ia faapea ona pupula atu lo outou **malamalama** i luma o tagata, ina ia latou iloa la outou amio lelei, latou te vivii atu ai i lo outou Tama o i le lagi” (Mataio 5:16).

O o tatou avanoa e susulu atu ai e le faatapulaaina. Latou te siomiaina i



tatou i aso taitasi. A o tatou mulimuli i le faataitaiga a le Faaola, o le a avea i tatou ma se **malamalama** i olaga o i latou o vagaia i tatou—po o ni tagata o tatou lava aiga, a tatou uo, po o ni tagata e le masani ai.

E mafai ona avea i tatou ma se **malamalama** i le lalolagi. E pei lava o le kiina o le ki o se **moli** i totonusi o se potu pogisa o le a faatumulia ai le potu i se **malamalama**, o le avea ma se faataitaiga o le amiontonu lea e mafai ona fesoasoani e **faamalamaina** se lalolagi ua faateteleina le pogisa.

A’u uo e, e mafai ona tatou avea, e pei ona fai mai le Aposetolo o Paulo, “o se faaaoao i e ua faatuatua” (1 Timoteo 4:12). E mafai ona iloaina i tatou e le aunoa o ni soo o Keriso ma avea “o ni **malamalama** i le lalolagi” (Filipi 2:15). ■



*Mai le “Be a Light to the World”
(saigalotu a le Iunivesite a
Polika Iaga i le aso 1 Nov.,
2011), speeches.byu.edu.*

AUINA MAI IA I MATOU LAU FETU!

E faapefea ona e faasusuluina atu lou malamalamā, e pei ona talosagaina i tatou e lesu ia faia? E te setiina se faataitaiga lelei, auvana atu i lou tuaoi, pe faasoa atu lau molimau? Tau atu i le Liahona e uiga i ai i le auina atu o lau tala ma se fetu!

1. Kopi lenei fetu ma tusi pe o faapefea ona e faasusuluina atu i le avea ai ma se faataitaiga lelei po o le fesoasoani atu i isi.
2. Oti le fetu ma pue se ata. Pe fai i se tagata e pue se ata a o e uuina lau fetu!
3. Faatasi ai ma le fesoasoani a ou matua, auina atu i le liahona.lds.org (kiliki "Auina atu o se Tusiga").



3 Nifae 17:7, 9

3 Nifae 17:21

Ioane 8:10-11

FETU O MAU

Valivali se fetu a o faitauina mau taitasi e uiga i le faataitaiga a lesu Keriso.

3 Nifae 11:13-15

Ioane 11:33-44

Mareko 10:46-52

Lucas ma le Tagata Sua

Saunia e Eric Murdock

Mekasini a le Ekalesia

E faavae i se tala moni

"Fai upu alofa i le tasi, i mea uma tatou te i ai"
(Viiga, nu. 147).

Auoi, leai! Lea ua sau Pedro!"

Ua iloa uma e tagata i le aoga o Pedro o se tagata sua. E lapoa, ma agaleaga! Na te tauvalaauna isi tamaiti i goa, ave a latou meaai, ma tuli faataamilo i latou i le lotoa o le aoga. E leai ma se isi e fia sōsō ia te ia.

Na savali atu Pedro i talaane o Lucas ma lana uo, o Afa. Sa ia valaauna i laua o "toilalo popo" ma tulei Afa.

Ua le lavā Lucas i le agaleaga o Pedro. E aunoa ma le mafaufauina, sa ia ee atu, "Soia, Pedro!"

Sa le talitonu Lucas. Sa ia tali atu i le tagata sili ona sua i le aoga!

Na osofaia e Pedro Lucas ma uu lona ofutino. "O le a lau tala?" Na matua televave le tata o le fatu o Lucas ma na foliga o le a oso mai i fafo o lona fatafata! "O le a ou tuu atu ia te oe se lapataiga e tasi," o le tala lea a Pedro. "Ae ia e faaeteete!" Sa ia tuleia Lucas ma savali ese atu.

Talu mai lena taimi, sa faia e Lucas le mea sili e aloese ai mai ia Pedro, ae e maua lava o ia e Pedro i taimi uma. Sa ia taofia Lucas mai taupega, tulei o ia i le taimi o le togi ga 'ia, tapa o ia i le fale'aiga, ma fai atu e le aunoa ni mea leaga ia te ia.

I se tasi aso sa taaalo ai Lucas ma Afa i le polo lakapi a Afa. Sa oso mai Pedro i tua atu o laau ma faoina.

"Faamolemole toe aumai," o le tala lea a Afa.

"O ai na te fosia au e toe avatu?" Na tulei e Pedro Lucas i se laau ma ata.

Na lagona e Lucas le tolotolo ifo o lona ita. Sa matuai ita lava o ia. "E te iloa oe, Pedro?" Na fai atu ai Lucas. O oe o se tamaitiiti sili ona leaga ua ou iloa! E leai

Na lelei lagona o Lucas i ana upu na fai atu . . . seia oo ina ia vaaia foliga o Pedro.

se tasi e fiafia ia te oe. E moomoo tagata uma maimau pe ana e aluese atu!"

Sa le toe ata Pedro. Na lelei lagona o Lucas i ana upu na fai atu . . . seia oo ina ia vaaia foliga o Pedro. O le mea ea o le a tagi o ia? Sa vave ona tilotilo i lalo Pedro ma savali ese atu.



Na lagona vave e Lucas se lagona le lelei. Mo le vaega o totoe o le aso, po o le a lava lona taumafai, sa le mafai e Lucas ona aveese lenei lagona le lelei. O lena po sa ia feminoiai solo a o ia moe. Sa ia mafaufau pea i foliga faanoanoa o Pedro.

“Aisea na le fiafia ai Pedro?” O mafaufauga ia o Lucas. “Na te le popole pe ia agaleaga i isi tamaiti. Na tatau ona ou fai atu se tala, e a e sao?” O le tele o le mafaufau i ai o Lucas, o le tele foi lea o lona iloaina e *sa’o* o ia i le tali atu mo ia ma lana uo. Ae na *sese* o ia i le fai atu o na upu le lelei.

Sa tootuli Lucas i autafa o lona moega ma ole atu i le



Tama Faalelagi ia faamagalo o ia. Sa ia tau atu i le Tama Faalelagi na te le toe manao lava e faatiga ni lagona o se isi tagata. Sa ia manao ia agalelei. Ina ua fai atu Lucas “amene,” na ia iloa le mea e tatau ona ia faia.

Ina ua mavae le taumafataga o le aoauli, na maua e Lucas Pedro o tu faalagolago i le puipui na o ia. Sa popole Lucas. O le a le mea o le a fai e Pedro? Na manava tele i totonu Lucas ma savali atu.

“A, faamagalo mai a’u e uiga i le mea na tupu ananafi.”

Sa foliga te’i Pedro. “Faamagalo oe?”

“Ioe. Sa ou fai atua ni upu le lelei ia te oe, ma e sa le tatau ona ou fai atua. Ou te faamalie atu.”

Sa sioa Pedro i lalo i ona seevae. “E le Afaina.”

Na tatagi le logo. Na amata ona toe savali atu Lucas i le vasega. Sa lelei atili ona lagona. Ae sa i ai se isi mea e tasi sa ia fia tau atua. Sa ia toe faliu i tua. “E mafai ona tatou taaalo lakapi i le malologa taeao pe a e manao ai.”

Na oso ae se ataata laitiiti i foliga o Pedro. “Ia, manaia lena.”

Ina ua mavae lena mea, na amata ona lelei atili mea ma Pedro. Sa ia sauva lava i nisi o taimi, ae sa le tutusa. Na oo lava ina la taaalo ma Lucas i ni nai taimi o le malologa. Ma sa malie! I le faaiuga o le tausaga aoga, sa tau atu e Pedro ia Lucas o le ia masii ese atu. Ona ia fai mai lea o se tala na faateia tele ai Lucas.

“Faafetai mo le avea ma a’u uo,” o le tala lea a Pedro. “E oo lava i le taimi na ou le lelei ai.”

O le lagona mafana sa i totonu o le loto o Lucas na tau atu ia te ia o le agalelei o le filifiliga sa’o lava lea i taimi uma. ■



FAI UPU ALOFA I LE TASI

“Faaaoga le gagana e atiina ae ai ma siitia i latou e vagaia oe.”

Peresitene Thomas S. Monson, “O le Moli o le Ava a le Alii,” *Liahona*, Ian. 1991, 104–108.



Saunia e Elder
Claudio R. M. Costa
O le Fitugafulu

Moronae ma le Enisinia Taavale



“Ma o le a taitaiina i latou e le tamaitiiti”

(2 Nifae 30:12).

Ile tele o tausaga ua mavae, sa agai atu ai lo matou aiga i le fale i São Paulo, Pasila, ina ua uma ona asia ni tagata o lo matou aiga. A o matou agai atu i luga o le auala vaapiapi, na pe le matou taavale.

Sa matou taumafai e toe faaola mo le tele o minute. Ae sa le ola. Sa pasia i matou e lea taavale ma lea taavale. E leai se tasi na tu e fesoasoani mai.

Na iu lava ina ou fai atu i lo'u aiga e tatau ona matou tatalo. Sa fai mai lo'u atalii e ono tausaga o Moronae, “Aua e te popole, Tama. Ua uma ona ou tatalo.”

“O le a se mea na e tatalo ai?” Sa ou fesili ai.

“Sa ou tatalo i le Tama Faalelagi ina ia sau le tagata sa'o e fesoasoani ia i tatou,” na ia fai mai ai.

E lei umi ae vaaia i tua atu o lo matou taavale ni moli susulu e lua. O se loli toso taavale. O le avetaavale o se enisinia taavale.

“Matua laki lava outou,” o lana tala lea.

“Ua maea la'u galuega mo le aso ma o loo ou agai atu i le fale.”

Sa ia faia le matou taavale. Ona ia mulimuli mai lea ia i matou e faamautinoa ua matou taunu saogalemu i le fale.


Sa ou fesili ia Moronae pe na te iloa le taua o lenei mea. “Ioe,” o lana tali mai lea. “Sa faalogo le Tama Faalelagi i la'u tatalo. O lea la ua i ai lau lava molimau! Ou te le toe tau nonoina mai ia te oe, Tama.” Sa ootia lo'u loto i le faataitaiga faamaoni a Moronae.

Ua matua nei Moronae, ae ou te manatua pea lana faataitaiga lelei a o ia laitiiti. E oo lava i se tamaitiiti, e mafai ona e avea ma se faataitaiga i lou aiga ma uo. ■

O Le Fuafuaga a le Atua mo Au

A uma ona e faitau se fuaitau o mau, ona valivali lea o se tasi o manu i le ata!

1. Aperaamo 3:24–28
2. Mose 2:1–13
3. Mose 2:14–25
4. Mose 2:26–31
5. Aperaamo 5:1–7
6. Eperu 5:8–9; Alema 12:33
7. Mose 1:39
8. Salamo 82:6; Roma 8:16



O leova o le suafa o lesu ao lei foafoaina le lalolagi. O la o le ulumatua a le Tama faalelagi ma o lo tatou uso/tuagane matua. Sa la fesoasoani i le Tama Faalelagi e foafoa le lalolagi ma laau ma manu. Ma sa la sau i le lalolagi e fesoasoani ia i tatou ia toe foi atu i le Tama Faalelagi.

- Faitau ma tauloto le Isaia 26:4.
- Matamata i mataupu 1 ma le 2 o le Feagaiga Tuai i le scripturestories.lds.org.
- Tusi pe tusi se ata i lau api talaaga e uiga i se taimi sa e faaali ai le alofa mo foafoaga a le Tama Faalelagi ma leova.
- O le a ou tausia foafoaga a le Atua e ala i...

O Le Foafoga

Saunia e Kim Webb Reid

Ao lei mafai ona ou
manatua, sa foafaina
e le Atua se nofoaga
matagofie mo au e
nofo ai.



Ina ua amata ona la fausia le lalolagi, sa la tuueseeseina le ao mai le po.
Sa la fausia le la, masina, ma fetu ia ou maua pea le malamalamā e taiala ai au.



TAMAITI

Sa Ia foafaina le lagi, sami,
ma le eleele. Sa Ia ufitia le
lalolagi i ituaiga uma o laau.





Sa Ia foafaina manu
felelei e felelei i le lagi,
o ia e feausi i sami,
ma manu vaefa e nonofo
i le laueelele.



Pe a ou vaai i foafoaga a le Atua, ou te lagona le faaaloalo ma le alofa mo Ia.
Ou te faafetai na Ia faia lenei lalolagi mo au. ■

O A'u o se Vaega o se Lalolagi Matagofie





Saunia e Peresitene
N. Eldon Tanner
(1898–1982)

Fesoasoani Muamua i le
Au Peresitene Sili

O LE FAAMOEMOEAGA O LE FOAFOAGA

*E mafai e i tatou taitoatasi ona faia o
tatou aiga o se lagi i le lalolagi.*

Sei o tatou mafaufau . . . i le faamoe-moega o le foafoaga o le lalolagi. O loo faamanino mai i tusitusiga paia . . . le saunia ai o se nofoaga mo atalii ma afafine o le Atua e nonofoi ai i le olaga nei ma faamaonia lo latou lava agavaa, e ala i le tausia o polo-aiga, ina ia toe foi atu ai i le afioaga o le Atua lea na latou o mai ai.

Ina ua mae'a le Foafoaga o le lalolagi, "Na fetalai ane lea o le Atua, Ina tatou faia ia o le tagata i lo tatou faatusa. . . .

"Ona faia lea e le Atua o le tagata i lona faatusa, o le faatusa o le Atua na ia faia ai o ia; na faia e ia o i la'ua o le tane ma le fafine.

"Ua faamanuia foi e le Atua ia te i laua; ma ua fetalai atu le Atua i te i laua, Ia fanafanau ia, ma ia uluola, ma ia tumu ai le lalolagi, ia faatoilalo i ai" (Kenese 1:26–28).



Ina ua foaoaina e le Atua le fafine ma aumai o ia i le tane, na fetalai atu:

"O le mea lea e tuua ai e le tane lona tama ma lona tina, a e faatasi ma lana ava: ona avea ai lea o i laua ma tino e tasi" (Kenese 2:24).

Ioe, o le faaipoipoga ua faauuina e le Atua, ma i le mavae ai o lena faatatauga i le tane ma le ava, tatou te maua faifai pea ai tusitusiga paia o se faamaoniga na avea le alii ma le tamaitai ma tane ma ava i sauniga o le faaipoipoga. . . . Tatou te le o i ai iinei ia tau lava o le "aai, feinu ma fiafia" (2 Nifae 28:7). . . .


E taua mo i tatou le malamalama, a o mafai ai ona tatou aoao mai tusitusiga paia, e faapea o le Atua e faavavau, o

Ana foafoaga e faavavau, ma o Ana upumoni e faavavau. O le mea lea, ina ua la tuuina atu Eva ia Atamu i le faaipoipoga, o lena tuufaatasiga o le a faavavau. . . .

. . . A malamalama matua i le faamoe-moega o lo i ai iinei, o i lau moni o fanau faaleagaga a lo la Tama oi le Lagi ma e i ai se la tiutetauave e saunia tino faaletino mo isi, la te olioli i le vavega o le fanau mai a o la iloa o i laua o paaga ma le Atua i le foaoaina o fanau taitoatasi o e o mai i totonu o lena aiga. . . .

Ou te iloa, e ala i le talalelei a Iesu Keriso ma le tausiga o poloaiga a le Atua ma feagaiga na tatou osia ma Ia, e mafai ai e i tatou taitoatasi ona fausia o tatou aiga e avea ma se lagi i le lalolagi ao saunia i tatou lava ma a tatou fanau ina ia toe foi atu i lo tatou Tama Faalelagi. ■

Mai le "Celestial Marriages and Eternal Families," Ensign, Me 1980, 15–18. Ua faalaugatasia le sipelaga ma le faailogatusi.



**ALOFA FAAPELEPELE,
SAUNIA E KEITH MALLETT**

O le fuafuaga tele o le fiafia a le Atua e aofia ai le avanoa mo i tatou taitoatasi, o Ana fanau agaga, e o mai ai i le lalolagi e maua se tino faaletino ma ia nonofo i se iunite o le aiga lea e mafai ona atiae ai sootaga i le lotogatasi ma le alofa. I totonu o o tatou aiga i le lalolagi, e mafai ona tatou saunia i tatou lava ma o tatou fanau e toe foi atu i lo tatou Tama Faalelagi. (Tagai Kenese 1–2; Mosaea 18:21; Alema 42.)

Ei Ai Foi i le Lomiga Lenei

MO TALAVOU MATUTUA

Vave ona Taunu i le Aiga Nai lo le Fuafuaina

i. 44



Afai ua e toe foi vave mai i le aiga mai i lau misiona nai lo le mea na faamoemoeina, o auala nei e valu e tumau ai le auauna atu ma le agai i luma.

MO LE AUTALAVOU

AUTU O LE MUTUALE 2018

E mafai lava ona e maua le filemu ia Keriso. Suesue i le mau autu o le Mutuale i lenei tausaga ina ia iloa ai pe faapefea.

FILEMU
IA KERISO

i. 50

MO TAMAITI



Ia Faasusulu
Atu Lou
Malamalama

O le tausaga lenei, faasoa mai ma matou
pe faapefea ona e faasusulu atu lou
malamalama!

i. 70